

# আনার কালা-জীবনী ।

( প্রথম সংস্করণ )

---

শ্রীউল্লাসকর দত্ত ।

---

প্রকাশক—শ্রীললিতচন্দ্র চৌধুরী ।

---

সিংহ প্রেস, কুমিল্লা ।

---

মূল্য এক টাকা মাত্র ।

মূল্য ১/ এক টাকা মাত্র ।



## ভূমিকা ।

“তেনা বাম্বনের পৈতার দরকার নাই।” উল্লাসকরেরও পবিচয় অনাবশ্যক । আলীপুরের ঘোমার বাম্বলার ফাঁসীর দাম মাথার লইয়া বে উল্লাসকর স্বীয় স্বভাব-সুলভ সরলতা, অনাবিল হাস্য কৌতুক ও মন্ব্যম্পর্শী শীগ-রাগিণীতে ফৌজদারী আদালতের কঠোরতা ও নিশ্চয়তা সাময়িক ভাবে বিদ্রিত করিয়াছিল, যে উল্লাসকরের নির্ভীকতা ও সত্যবাদিতা সর্বসাধারণের প্রাণে এক অনির্কচনীয় উচ্চ-নৈতিক ভাবের সঞ্চার করিয়াছিল । যে উল্লাসকরের অকৃত্রিম স্বদেশ-প্রেম এই প্রাণ-হীন দেশেও এক অভিনব ভাবের বচনা প্রবাহিত করিয়াছিল, সেই উল্লাসকর আজ তাহার কারা-জীবনী লইয়া পাঠকবর্গের সমক্ষে উপস্থিত । শ্রীযুত উপেন্দ্রনাথ বন্দোপাধ্যায় ও শ্রীযুত বারীন্দ্রকুমার ঘোষের কারা-কাহিনী পাঠ করার পর উল্লাসকরের কারা-জীবনী পাঠ করার আগ্রহ থাকা পাঠকবর্গের স্বাভাবিক । সেই বেশতৃহল চরিতার্থ করার উদ্দেশ্যে এই ক্ষুদ্র পুস্তিকা প্রকাশ করা হইল । পাঠকবর্গের কৌতূহল পরিতৃপ্ত হইলে উল্লাসকরের শ্রম সার্থক হইবে । এই ভাবে কারা-জীবনের ঘটনারাশির ধারাবাহিক বিবরণ অতি সংক্ষেপে লিপিবদ্ধ হইলেও উল্লাসকর তাহার অপূর্ণা পার্শ্বানুভূতির অলৌকিক কাহিনী যথি বর্ণনা করিয়া সত্যাত্মেয়ী স্বধীবর্গের তৎস্বাস্থ্যসন্ধানের উপাদান সংগ্রহ করিয়াছে । অলমতিবিস্তারেণ । ইতি—

শ্রীনরেন্দ্রচন্দ্র দত্ত ।





## আমার কাব্য-জীবনী ।

আমি তখন কলিকাতা সিটি কলেজে পাড়। একদিন ঠার থিয়েটার হলে বিপিন বাবুর বক্তৃতা শুনিতে যাইয়া রাজনীতি বিষয়ক আলোচনার প্রথম আন্বাদন পাই। মনে আছে একটা কথা তখন তিনি বলিয়াছিলেন যাহা এমন কৌতুহল ও স্মৃতিপূর্ণ ভাষায় আর কাহারও নিকট শুনি নাই। ইতিপূর্বে কংগ্রেস কনফারেন্স ইত্যাদি প্রায় ২০২৫ বৎসর যাবৎ সরকার বাহাদুরের নিকট দেশের কল্যাণ কামনার আবেদন নিবেদন ইত্যাদি করিয়া কোনও আশাস্বরূপ ফল না পাওয়ায় উক্ত পক্ষ যে প্রকৃত পক্ষ নহে ইহাই প্রতীয়মান করাইবার জন্ত বিপিন বাবু বলিলেন, “আমরা কেবল চাচ্ছি ক্রন্দনের রোলে সুকোমল-কঞ্চল-লালিত ইংরাজের সুখ-নিদ্রার ব্যাঘাত জন্মাইয়া আনাদিগের উদ্দেশ্য সফল করিবার লটব” ইত্যাদি। যদিও তখন, বলিতে গেলে, এই প্রথম বক্তৃতা শুনিতে যাওয়া, ইহার পূর্বে কি রাজনীতি, কি স্বদেশীতা কোন বিষয়েই বক্তৃতা শুনিবার বড় একটা স্মৃতি জন্মে নাই, এবং শুনিতেও বসিবার ক্ষমতা হয় নাই, তথাপি ঐ কথাগুলি যেন কেমন কাণে বাজিল এবং এই ১৫২০ বৎসর পরেও কেন যেন ভুলিতে পারি নাই। তারপর মনে আছে মিনার্ভা থিয়েটার হলে (Minerva Theatre Hall) বিপিন বাবুর বক্তৃতা—বিষয়, “স্বদেশী সমাজ”। হুর্ভাগোর বিষয় বক্তৃতাটা শুনিবার তখন আর অবসর হইয়া উঠে নাই। প্রবেশ দ্বারেই পুলিশ শাহারা ইত্যাদির সঙ্গে প্রবেশাধিকার লইয়া হাতাহাতি, মারামারি

৩ খানায় সোপর্দ . খানায় যাইবার পথে একেবারে বেওয়ারিস মাল পাইয়া পুলিশ মহাপ্রভুদের হস্ত কণ্ঠন ও কলের ডাণ্ডা সাহায্যে তাহার প্রভু চরিতার্থতা । খানায় দারোগা বাবু নিকট হাজির হইবার পর আমারই বিরুদ্ধে উল্টা লাগি, যুসি ইত্যাদি নারার এবং শাস্তিভঙ্গের অভিযোগ । আমি ত ব্যাপার দেখিয়া একেবারেই হতভম্ব । দারোগা বাবু আমাকে পুলিশদিগের মধ্যে কেহ প্রহাণ করিয়া থাকিলে তাহাকে অথবা তাহাদিগকে সনাক্ত করিতে পারি কি না জিজ্ঞাসা করায় আমাকে বাধ্য হইয়া উত্তর করিতে হইল “না”, কারণ তাহারা যে যখন আক্রমণ করিয়াছে আমার পশ্চাৎদিক হইতেই করিয়াছে, সুতরাং কাহারও মুখ চনিবার আমাকে সুবিধা দেয় নাই । ইত্যাদি প্রকার আলোচনা হইতেছে এমন সময় বিপিন বাবু ও Dr. D. N. Maitra কোন সূত্রে খবর পাইয়া খানায় আসিয়া উপস্থিত । তাহাদিগকে দেখিয়া দারোগা বাবু একটু অপ্রস্তুত হইলেন ও দুঃখ প্রকাশ করিলেন । কিন্তু case diary তে তোলা হইয়া গিয়াছে, কি করা যায় ; সুতরাং আমাকে একবার পরদিন পুলিশ কোর্টে হাজির হইতে হইবে সেখানে case শুনার সময় দারোগা বাবু নিজেই বথায়থ ব্যবস্থা করিয়া লইবেন সে জন্য আমাদের চিন্তিত হইবার কোনও কারণ নাই এই বলিয়া অপর দিন পুলিশদিগকে আশ্বস্ত করিলেন, এবং সেই রাত্ৰ যাহাতে আমাকে হাজতে থাকিয়া ভুগিতে না হয় তজ্জন্ত Dr. Maitra স্বয়ং জামিন হইয়া আমাকে ছাড়াইয়া লইলেন । আমরা তখন শিবপুর ইঞ্জিনিয়ারিং কলেজে থাকিতাম । সেই রাতে আর শিবপুর না গিয়া Dr. Sundari Mohan Das মহাশয়ের বাসায় আসিয়া ব্রহ্মিলাম, এবং সেখানে আসিয়া দেখা গেল যে পিঠে কলের গুঁটার দাগগুলি কাল হইয়া ফুলিয়া উঠিয়াছে । ডাক্তারের বাড়ী—ঔষধপত্রের কোনও ক্রটি হইল না । পরদিন পুলিশ কোর্টে গিয়াও বিশেষ কোন বেগ পাইতে হইল নাই । বিচারক বাহাদুর Haliday সাহেব কোনও উল্লেখ না করিয়াই case

## আমার কারা-জীবনী

finish up করিয়া লইলেন। সেই অবধি পুলিশের ব্যবহার তথা গবর্নমেন্টের কার্যকলাপ সম্বন্ধে বেশ একটা স্পষ্ট ধারণা জন্মিতে লাগিল।

ইতিমধ্যে Bengal partition লইয়া সমগ্র বঙ্গদেশব্যাপী তুমুল আন্দোলন উপস্থিত। আমাদেরও অস্বরাজ্য যেন এই সময়ে স্বদেশ-প্রেমের এক অপূর্ণ আশ্বাদন লাভ করিয়া দিন দিন আপন অকিঞ্চিৎকরতার, নগণ্যতা ভুলিয়া গিয়া, জীবনের সর্বাঙ্গীন সার্থকতা লাভের জন্ত একটা বিশেষ লক্ষ্যের দিকে অগ্রসর হইতে চাহিল। ইতিমধ্যে কলিকাতা University Reportএ Prof Russel কলিকাতা ছাত্রবৃন্দের প্রতি এক কুংসিত দোষারোপ করায় তাঁহার বিরুদ্ধে কয়েকটি সভা আহৃত হইল এবং সকলেই তথায় Russel সাহেবকে বথেষ্ট ভৎসনা করেন। আমিও তখন একবার এফ, এ পরীক্ষায় অসুভীর্ণ হইয়া দ্বিতীয়বার Presidency Collegeএ পড়িতেছি। ঐ সকল আলোচনা গবেষণার পর এমন একটি ব্যাপার ঘটিল যাব জনা আমাকে আর Presidency Collegeএ পড়িতে হইল না, একেবারে সোজা চম্পট দিতে বাধ্য হইলাম, এবং Bombay Victoria Technical Instituteএ গিয়া textile classএ ভর্তি হইয়া গেলাম। Textile classএ প্রথম বার্ষিক শ্রেণীতে কিছুদিন অধ্যয়নান্তে ছুটিতে একবার বাড়ী আসিলাম।

ঠিক সেই সময়েই বরিশাল প্রাদেশিক সমিতির আদ্যবেশন, এতদুপলক্ষে আমিও তথায় হাজির। সেখানে পুলিশ কর্তৃপক্ষের কাণ্ড-কারখানা অবশ্য অনেকেই অবগত আছেন। বলা বাহুল্য অধমের প্রতিও পুলিশ regulation লাঠির এক ঘা কৃপা করিতে বিশ্বাস হন নাই। চিত্তরঞ্জন প্রভৃতির প্রতি যা অমানুষিক অত্যাচার হইল তাহাতো স্বচক্ষেই দেখিলাম। ইত্যাদি কারণে মনের অবস্থা ক্রমশঃই একটা দৃঢ় নিশ্চয়ের দিকে অগ্রসর হইতে লাগিল। আমাদের অপরিণত মস্তিষ্কের চিন্তা-স্রোতকে পরিণত

বিশিষ্ট আকার দান করিবার পক্ষে প্রধান সহায় পাইলাম তৎকালীন সদ্য-শ্রেষ্ঠিত সুগান্তর পত্রিকা । স্বদেশী আন্দোলন শ্রেষ্ঠিত হইবার অব্যবহিত পূর্ব পর্য্যন্তও কাব্য, সাহিত্য অথবা চিন্তাশীল-গবেষণাপূর্ণ বচনা কিছুই আশ্রয়ন পাই নাট । এই আন্দোলনেই যেন প্রাণের সকল বন্ধন উন্মুক্ত হইয়া গেল এবং Thomas Carlyle এর Heroes and Hero Worship, Mazziniর Faith & Future, বঙ্কিমচন্দ্রের অনুশীলন ও ধর্মতত্ত্ব ইত্যাদি কয়েকখানি বই পড়িয়া পড়ার ভিত্তবেও যে একটা প্রাণ-মাতান জিনিষ কিছু আছে তাহা এই প্রথম অনুভব করিলাম । এতদ্ব্যতীত বিপিন বাবুর তখনকার স্বকৃত্য ও রবি বাবুর স্বদেশী আন্দোলন সংক্রান্ত গান আমাদিগের যুবক হৃদয়ে এক নূতন উন্মাদনা আনিয়া দিল যাহার ফলে স্বদেশকে এক নূতন চক্ষে দেখিতে শিখিলাম ।

ছুটী পব Bombay ফিবিয়া গিয়া আর যেন কলেব ঘর্ ঘর্ শরীরে সহ্য হইল না । অবশেষে lever complaints ও Jaundice লইয়া বাড়ী চলিয়া আসিতে বাধ্য হইলাম ও ঔষধাদি পথ্য করিতে লাগিলাম । কিছু সুস্থ হইলে পর দেখিলাম যে শিবপুরে থাকিয়া explosives manufacture বিষয়ে নানা প্রকার experiment ইত্যাদির একটা চমৎকার সুযোগ । College Libraryতে যথেষ্ট বই ইত্যাদি পাওয়া যাইতে পারিবে এবং Laboratoryতে Chemicals ইত্যাদিরও অভাব হইবে না । সুতরাং পুনর্বার Bombay গিয়া কলেব ঘর্ ঘরানিতে মাথা ধরাপ করা অপেক্ষা যদি ছুই একটা experimentএ সফলকাম হইতে পারি তাহা হইলে 'অনারাসে দেশে যে গুণ্ডল প্রস্তুত হইতেছে বলিয়া শুনা যায় তাহার সভ্যশ্রেণীভুক্ত হইয়া কাজ করিতে পারিব, এই প্রকার আলোচনা করিয়া কাজে নামিয়া পড়িলাম । অনন্তর যাহা যাহা ঘটিল তাহা বারীন বাবুর 'দীপান্তরেব কথা' ও উপেন বাবুর 'নির্কাসিতের

আম্বু কথ্য" ইত্যাদি পুস্তকে বর্ণিত হইয়াছে । যাহা হউক উক্ত নির্ধাসন ও কাব্যবাস বিষয়ে আমার ব্যক্তিগত অভিজ্ঞতাও অপরাপর সকলের সহিত একরূপ নহে ; একরূপ নহে কেন এতই বিভিন্ন যে তাহার একটা বিস্তারিত বর্ণনা বোধ হয় অনেকেরই নিকট বাঞ্ছনীয় বোধ হইবে ।

যে পার্থক্যের কথা বলিলাম তাহা ঠিক সাধারণ লৌকিক হিসাবে নহে এবং কাব্যগানের সাধারণ বিধি-নিষেধের ভিতর তাহা হইবারও কথা নয় । আমার কাব্যজীবনের সাধারণ লৌকিক ঘটনাবলীর ভিতর দিয়া অতিলৌকিক এমনই কতকগুলি ঘটনার সমাবেশ হইতে থাকে, যে দ্বন্দ্ব সম্পূর্ণ দ্বাদশবর্ষব্যাপী ঘটনাবলীর একটা চিত্র মানসপটে অঙ্কিত করি, দেখিতে পাই যে সেই অতিলৌকিক ব্যাপারগুলিই প্রায় সব স্থান অধিকার করিয়া বাসিয়া আছে তাই যাহাতে ঐ সকল ব্যাপার সর্বসাধারণে আলোচিত ও নির্ধারিত হইয়া কোনও সূক্ষ্মপূর্ণ বৈজ্ঞানিক তত্ত্বের আকারে সকলের অধিগম্য হয়, ইহা সকলেই ইচ্ছা করিবেন । ইহাও জিজ্ঞাসা করি আমাদের লৌকিক ও অতিলৌকিক অথবা অলৌকিকের বিভেদ কোথায় ? আজ যাহা অলৌকিক, কাল কি তাহা লৌকিকের রাজ্যে আসিয়া পড়িতেছে না ? আজ আমাদের চর্চাচক্ষে যাহা শূন্যকার দেখিতেছি ও কিছুই নয় বলিতেছি, কাল কি তাহা বৈজ্ঞানিক বস্তু-পাতীর সাহায্যে প্রত্যক্ষগোচর হইয়া পড়িতেছে না ? আমাদের পুরাতন ইতিহাস, পুরাণ ইত্যাদিতে নানা প্রকার অতিলৌকিক ঘটনার বর্ণনা আছে কিন্তু তাহা কেবল বর্ণনারূপেই সন্নিবিষ্ট, অথবা রূপকচ্ছলেই বর্ণিত । তাহার কার্যকারণশৃঙ্খল বিশদরূপে আলোচিত ও নির্ধারিত হইয়া কোনও সাধারণ বৈজ্ঞানিক তত্ত্বের ভিতর সন্নিবিষ্ট হয় নাই । আমাদের আজকালকার বৈজ্ঞানিক সত্যতার দিনে, চিন্তাশীল জগতে কি ঐ সকল পুরাণ কাহিনী অথবা দিদিমার গল্প আমাদের জ্ঞানবুদ্ধির চরিতার্থতার পক্ষে যথেষ্ট হইবে ? তাই বলিতেছিলাম যাহাতে ঐ সকল ঘটনাবলী বিধিবদ্ধ হইয়া একটা সাধারণ



তবেই অভিব্যক্তি' রূপে আমাদিগের জ্ঞান পুঙ্খিত পুঙ্খিত করে তাহাই আমাদিগের সর্বশ্রেষ্ঠ বাঞ্ছনীয়।

আলীপুর কোর্টে আমার ও বাকীন্দার ফাঁসির হুকুম হইবার পর আমাদের দুইজনকেই ফাঁসির আসামীর ঘরে অথবা পাশাপাশি দুইটা condemned cell এ রাখা হয়। ফাঁসির হুকুমের পর আমাকে যখন জিজ্ঞাসা করা হইল “আপিল করিব কিনা” আমি বলিলাম আপিল আবার কি করিব, যার কোর্টই মানি না তাব আবার আপীলই বা কি আর বিচারই বা কি?” এই ভাবে কয়েকদিন গেলে বাকীন্দা’ দেওয়ালে টোকা দিয়া আমাকে আপীল করিবার জন্য অনুরোধ করিতে লাগিল, এবং বলিল আমাদিগের যাহা কিছু ঘটিয়াছে তাহার জন্য বাকীন্দা’ই দায়ী; এবং যে স্থলে একটা আপীল form এ দস্তখত করিলেই একটা প্রাণহানি কম হয়, সে স্থলে হুজুং করিয়া পৈতৃক প্রাণটি হারাইয়া তাহাকে অধিক দায়ভারগ্রস্ত করা আমার উচিত হইবে না ইত্যাদি। এদিকে বাড়ী হইতেও মা, বাবা সকলে পীড়াপীড়ি করিতে লাগিলেন। অবশেষে আমারও যেন মনে হইতে লাগিল তাহঁত আত্মীয় স্বজন সকলেই অনুরোধ অমাত্য করিয়া কেবল একটা আপীল form এ দস্তখত করিবার যে নৈতিক বাধা, তাঁর জন্য আমার ফাঁসি কাঠে যাওয়া ঠিক উচিত হইবে কি না, আর গেলেও জনসাধারণ কণাটা ঠিক আমারই চক্ষে দেখিবে কি না, ইত্যাদি আলোচনার পর ঠিক করিয়া ফেলিলাম আপীল করিব, এবং তদনুযায়ী European warder কে ডাকিয়া বলিলাম। তারপর একদিন দেখি সকাল বেলা Highcourt এর উকাল শ্রীযুক্ত শরৎচন্দ্র সেন ও আমার পূর্বনীয় মাতুল ভাকার শ্রীযুক্ত মহেন্দ্রচন্দ্র নন্দী মহাশয় আমার cell এর সম্মুখে আসিয়া হাজির। আমি নমস্কার করিলে পর তাঁহারা একখানা appeal form বাহির করিয়া আমাকে দস্তখত করিতে বলিলেন। আমিও তাঁহাদের নিকট হইতে

দোয়াঃ কলম লইয়া তাহাই করিলাম । তারপর দুই একটি কথা বার্তার পর তাঁহারা চলিয়া গেলেন । ঠিক পরদিন, অথবা তার পরদিন, আমার ঠিক মনে নাই, আবার দেখি আমার মাতুল ও শরৎবাবু সেইরূপ আর একথানা অপীল form লইয়া উপস্থিত । আমাকে সহ করিতে বলিলে আমি বললাম, “আবার কেন ? এই যে সে দিন সহ করে দিলাম ?” তাঁরা ত শুনিয়া অবাক ! তাঁরা ত ইহার বিন্দুমাত্রও জানেন না ! জিজ্ঞাসা করিলেন “কার নিকট সহ করে দিচ্ছে ?” আমি বললাম “আপনাদের নিকট আমার কার !” তাঁরা বলিলেন “আমরাও পূর্বে আর কোনও দিন appeal form লইয়া তোমার নিকট আসি নাই, কি আশ্চর্য্য ! হাক্ তুমি এই form থানা সহ করিয়া দাও ত, যা হইয়া গিয়াছে তার জন্ত ভাবিয়া কি হইবে।” এখানে বলিয়া রাখা আবশ্যিক, যে সময় ঐ রূপ ঘটনা ঘটয়াছিল সেই সময় আমার মনে ইহা যে কোনও অলৌকিক অথবা অতিলৌকিক ব্যাপার এরূপ ধারণা হয় নাই । আমার মনে হইল শরৎ বাবু বুদ্ধি আমাকে লইয়া একটু রহস্য করিলেন, স্মরণ্য যে কোন কারণেই হোক দুইখানা formই যে তাঁহারা আমার নিকট হইতে সহ করাইয়া লইয়াছেন সে বিষয়ে আমার মনে তখনও কোন সন্দেহ উপস্থিত হয় নাই । এই ঘটনা এই পর্য্যন্তই থাকিয়া গেল এবং বিশেষ কোনও কৌতুহল উদ্দীপন না করার উহার কার্যকারণ সম্বন্ধে আলোচনা করিবার তখন কোন চেষ্টা মনে স্থান পাইল না । পরে ঐ প্রকার ক্রমান্বয়ে কতকগুলি ঘটনা লক্ষ্য হইবার পর ঐ বিষয়ে যেন একটি বিশেষ স্মৃতি মনের মধ্যে জাগরুক হইতে লাগিল । প্রথম অবস্থার যখন ঐরূপ ঘটনা পরিলক্ষিত হইয়াছে তখন কেবল মাত্র ঘটকণ ঘটনাটী পরিলক্ষিত হইয়াছে ঠিক ততকণই মনের মধ্যে তাহা স্থান পাইয়াছে এবং তাহাও অতি অল্পকণই বুঝিতে হইবে, এমন কি দুই এক মিনিটেরও বেশী হইবে না, পরকণেই তাহা সম্পূর্ণ বিস্মৃত হইয়া গিয়াছি এবং তার কোন চিহ্নই যেন

মনে স্থান পায় না। এখানে আমার এই কথাগুলি বলিবার উদ্দেশ্য আব কিছুই নহে, কেবল এই সকল ঘটনা আমাদের মনে কি ভাবে কাঁচা করে তার যথাসম্ভব পারম্পর্য রক্ষা করিয়া একটি শৃঙ্খলাবদ্ধ বর্ণনা ও যদি সম্ভব হয় আমার ক্ষুদ্র বুদ্ধিতে ইহার কোনও যুক্তিবৃত্ত কারণ প্রদর্শন চেষ্টা। অবশ্য ইহা সকলেই স্বীকার করিবেন যে এপ্রকার অতিলৌকিক অথবা অলৌকিক ঘটনা সচরাচর লোকসমক্ষে প্রকটিত হয় না; এবং ইহা কোনও নিত্য-নৈমিত্তিক ব্যাপারও নহে। সুতরাং এবিষয়ে কোনও সাধারণ নিয়মে উপনীত হওয়া নিশ্চয়ই অতীব দুর্লভ ব্যাপার হইবে সন্দেহ নাই। তবে যে আমার গ্রাম অকৃতি লোক এ বিষয়ে হস্তার্পণ করিতেছে, ইহা কেবল আপন কোতুল চরিতার্থতার জন্য বই আর কি বলিব। কিন্তু যদি এই আলোচনার ফলে অপরাপর ব্যক্তিবিশেষ বাহারা ঐরূপ ঘটনা প্রত্যক্ষ করিয়াছেন তাঁহাদিগের মধ্যে অথবা সাধারণ বিদ্বজ্জনমণ্ডলীর মধ্যে ঐ তত্ত্বের বিশদ আলোচনা ও গবেষণার সৃষ্টি হয় তাহা হইলে আমি বিশ্বাস করি জাগতিক তত্ত্ববিদ্যা বিষয়ে আমাদের দৃষ্টির পরিসর বৃদ্ধি পাইবে ও আমরা কোনও নূতন তত্ত্ব লাভ করিয়া আপনাদিগকে সৌভাগ্যবান মনে করিতে পারিব।

---

( ২ )

এখন বোধ হয় আমাদের আরম্ভিত বিবরণ পুনর্গ্রহণ করিতে পারি। আমরা কালাপানি চালান হইলে পর সেখানকার Central jail এ আমাদের প্রায় আড়াই বৎসরেরও অধিক কাল আবদ্ধ রাখা হয়। অপরাপর কয়েদীদিগকে সাধারণতঃ সেখানে পৌছিবার পর ৬ মাসের অধিক কাল jail এ আবদ্ধ রাখা হইত না, এমন কি আমাদের প্রায় বাহাদুরদিগকে



D' Tickets অর্থাৎ Dangerous criminals আখ্যায়িকা দেওয়া হইত, তাহাদিগকে পর্য্যন্ত খুব জোর এক বৎসর কাল আবদ্ধ রাখিয়াই বাহিরে Settlement এ থাকিতে ও কাজ করিতে দেওয়া হইত। আমাদের উপর সরকার বাহাদুরের কেন যে এরূপ কৃপাদৃষ্টি পড়িল ভগবান জানেন। আমরা যেন খুনে, ডাকাতি, এমন কি বাঘ, ভালুক অপেক্ষাও ভীষণ ও হিংস্র; তাই অপর লোকের উপর যে স্থলে ছয় মাস, আমাদের সে স্থলে আড়াই বৎসরেরও অধিক কাল jail বাস করিতে হইল। শুধু তাহাই নহে jail এর খালা সর্ব্বাপেক্ষা কঠিন পরিশ্রম আমাদের জন্য তাহাই ব্যবস্থা হইল, literate class বলিয়া কোনই বিবেচনা করা হইল না। আমরা মনে মনে আলোচনা করিলাম যতদিন দেহে বল আছে ততদিন ত ভাল মানুষের মত গভীর খাটাইয়া চলি ও যেক্রম হুকুম হয় লেক্রমই করিতে থাকি, দেখা যাক বাপার কতদূর গড়ায়। এইরূপে ছয় মাস, এক বৎসর, দেড় বৎসর করিয়া কাটিতে লাগিল, অপরাপর নূতন নূতন কয়েদীর দল কত আসিতে লাগিল ও নিয়োজিত ছয় মাস অন্তে বাহিরে বাইতে লাগিল। আমাদের আর বাহিরে বাইবার হুকুম আসে না।

এইরূপে committeeর পর committee অপেক্ষা করিয়া যখন একেবারে হাড়ে জ্বালাতন হইয়া পড়িয়াছি, এমন সময় একদিন শুভ সূত্রভাতে সংবাদ আসিল আমাদের বাহিরে বাইবার হুকুম আসিয়াছে! আমরা আমাদের যথাসর্ব্বস্ব,—খালা, বাটা, কবুল ওটাইয়া জেলের ফটকে আসিয়া উপস্থিত হইলাম। বলিতে ভুলিয়া গেলাম, ইতিমধ্যেই আমাকে শারীরিক অপটুতা নিবন্ধন বাধ্য হইয়া একবার কাজে অস্বীকার করিতে হইয়াছিল। জেলার আমাকে কারণ জিজ্ঞাসা করার আমি তাহার কোন সম্ভোষণক উত্তর দিতে পারিলাম না, কেবল বলিলাম কাজ করিতে পারিতেছি না, শরীরে সহ্য হইতেছে না। সুতরাং সে আর

কি বলিবে, ‘Superintendent সাহেব ডাক্তার, তাহার নিকট পাঠাইয়া দিল। তিনি ওজন করাইয়া দেখিলেন ও দুই একটি প্রেশের পব দুই এক দিন বিশ্রামের হুকুম দিলেন। ইতিমধ্যেই আমাদের বাহিরে যাইবার হুকুম আসিল। আমরা কোলাহল কবিতা সদলবলে যার যার নির্দিষ্ট গন্তব্য পথে রওয়ানা হইলাম। আমার স্থান নির্দিষ্ট হইল প্রথম Port Mowat এ। অপরাপর সকলকেই ভিন্ন ভিন্ন স্থানে অথবা station এ ভর্তি করা হইল, যাহাতে আমরা সহজে পরস্পর দেখা সাক্ষাৎ করিতে না পারি। আমাকে Port mowat এ লইয়া যাইবার জন্য যে লোক দেওয়া হইল তাহার সহিত কিছু দূর পথ চলিয়া একটা ক্ষুদ্র বস্তু দেখিতে পাইলাম। সেখানে লোকটি কিছুক্ষণ দাঁড়াইল এবং আমাকেও অপেক্ষা করিতে বলিল। এখানে আবার সেই অতিলৌকিক ভেঙ্কি।

আমার সঙ্গে লোকটি আমার সম্মুখস্থ একটা মুসলমান ticket of leave এর সঙ্গে আলাপ করিতে লাগিল। তাহার কথার ভঙ্গীতে বুঝিলাম লোকটি আমাদেরই দেশীয় একজন মুসলমান, বাড়ী Tippera কি ময়মনসিংহ কোথাও হইবে। তাহার সহিত কথা হইতেছে এমন সময় হঠাৎ যেন নিকটস্থ একটা কুঁড়ে ঘর হইতে আমার একজন অতি পরিচিতা আত্মীয়ার স্বর শুনিতে পাইলাম। সে যেন আমাকে ডাকিয়া কি বলিতেছে। স্বর শুনিয়া এমন বোধ হইল যেন তাহাকে স্পষ্ট দেখিতে পাইতেছি। Rontgen Ray দ্বারা যেমন একটা বাস্তব ভিতরকার জিনিষ দেখিতে পাওয়া যায়, উহাকেও যেন ঠিক সেইরূপ—যদিও সে ঘরের ভিতর হইতে কথা বলিতেছে তবুও—বেশ স্পষ্ট দেখিতে পাইলাম। আমি ত একেবারে অবাক! তখনও ঐ সকল অতিলৌকিক ব্যাপার সম্বন্ধে আমার স্মৃতি পূর্ণ জাগরুক নহে; আমি তাহাতেই ভুলিয়া গেলাম এবং সত্য সত্যই মনে করিলাম, যে সে কোন উপায়ে আত্মীয় স্বজন, পূর্বলকে

ছাড়িয়া আমার পশ্চাদ্ধাবন করিয়াছে ও ঐ স্থানে ঐ রকম যুগলমানের বাড়ীতে থাকিবার বন্দোবস্ত করিয়া লইয়াছে এইরূপ কত কি আকাশপাতাল তখন মনের মধ্যে জল্পনা কল্পনা করিয়া আমার মনেব অবস্থা যে কি হইল তাহা পাঠক অনুমান করিয়া লইবেন। অতি অল্পক্ষণই ঐ দৃশ্য দেখিলাম, বোধ হয় এক মিনিট কি আধ মিনিট হইবে, পরক্ষণেই আমাব সঙ্গে লোক পথ চলিতে বলিল এবং আমিও যেন ঘটনা তখনই ভুলিয়া গেলাম। ইহা আমার সৌভাগ্যই বলিতে হইবে নচেৎ এমত অবস্থায় উন্মাদ হইয়া কোন্ আলেয়ার পশ্চাদ্ধাবন কবিতাম কে বলিতে পারে ?

মোটের উপর ইহা বেশ সহজেই অনুমিত হইতে পারে, যে আমাদের লৌকিক জগতে গৃহ, সমাজ, জাতি এবং পবিশেষে বিশ্বমানবমণ্ডলীর মধ্যে যেমন প্রত্যেকে আপন আপন বৈশিষ্ট্য-বক্ষা-কল্পে আপন ২ সীমা-বেখা টানিয়া নির্দিষ্ট ও অনতিক্রমণীয় নিয়মের অধীন হইয়া চলিতেছে অথবা চলিতে পারিলে আপনাকে সৌভাগ্যবান বোধ করিতেছে, অতিলৌকিক জগতেও তাহাই হইবে সন্দেহ নাই ; নচেৎ যথেষ্ট ভাবে পরস্পরের সীমা অতিক্রম করিয়া লৌকিক ও অতিলৌকিক দুইই উৎসন্ন যাইবার পথে দাঁড়াইত। কিন্তু তাহা হয় না বলিয়াই আমরা আমাদের দৈনন্দিন কর্মপ্রবাহের ভিতর একটা সহজ ও সুশৃঙ্খল ব্যবস্থা দেখিতে পাই। তবে ইহাও বলিয়া রাখা উচিত যে গার্হস্থ্য, সামাজিক, জাতীয় ও মানবীয় প্রত্যেক নিয়মই অপর কোনও উন্নততর ও ব্যাপকতর নিয়মের অধীন হইয়া কার্য্য করিতেছে। ঠিক ঐ প্রকার দুই নিয়মের সীমা রেখাতেই অথবা একটা নিয়ম অপর একটা নিয়মে পর্য্যবসিত হইবার ঠিক পূর্বাবস্থাতেই যত গোলমাল যত সন্দেহ। জলের বেড়াচি জাকার বেড় হইবার ঠিক পূর্বাবস্থাতেই ইহা বেড়, কি বেড়াচি এই লইয়া তর্ক উঠিতে পারে, পরিণত অবস্থায় নহে। যাহা হউক, পূর্বেই বলিয়াছি যে ঐ প্রকার অতিলৌকিক ব্যাপার তখনও আমার স্মৃতিপটে স্থায়ী

ভাবে অক্ষিত হইতে আরম্ভ করে নাই ; সুতরাং উহার ক্রিয়া কলাপ সম্বন্ধে বিশদ আলোচনা করিবার এখনও সময় নহে, পরে উহা বারংবার আবির্ভাব ও তিরোভাব দ্বারা যখনই স্মৃতিপটে স্থায়ী ভাবে অক্ষিত হইতে থাকিবে, তখনই উহার কাব্য-প্রণালীর ভিতর কোনও প্রকার কার্যকারণশৃঙ্খল আবিষ্কার করা অপেক্ষাকৃত সহজ ও সুগম হইয়া উঠিবে আশা করা যায়।

অতঃপর আমার গন্তব্য স্থান port mowat এ পৌঁছিয়া, কিছুক্ষণ অবস্থান করি। তথায় সাধারণ কয়েদীদিগের সহিত আমাকেও পাথ-ভাঙ্গা, রাস্তা ছুঁট, লাকরি কামান ইত্যাদি কাজ দেওয়া হয়। সেখানে অবস্থান-কালীন একদিন প্রাতঃকালে আমাদিগকে বলা হইল যে সেই দিবস তথাকার বাঙ্গালী assistant surgeon আমাদিগের “টাপু” অর্থাৎ island পরিদর্শন করিতে আসিবেন। তদনুযায়ী আমরা সকলে পরিকৃত বস্ত্র পরিধানপূর্বক parade করিয়া দণ্ডায়মান রহিলাম ও কিস্তিক্ষণ পর যেন সকলে “ঐ আসিতেছে” বলিয়া একটা রব তুলিয়া দিল। পরক্ষণেই দেখিলাম কয়েকটা বাহক-চালিত একটা Rickshaw করিয়া দুইজন বাঙ্গালী ভদ্রলোক আসিয়া উপস্থিত। আমাদিগকে দেখিয়া আমার বিষয় হই একটা প্রশ্ন করিয়া, এমন কি আমার ভবিষ্যৎ সম্বন্ধেও দুই একটা কথা বলিয়া কোথায় অদৃশ্য হইয়া গেলেন। যাহা বলিলেন তন্মধ্যে একটা কথা আমার বেশ স্পষ্ট মনে আছে, তাহা এই— পূর্বে যে আত্মীয়ের কথা উল্লেখ করিয়াছি তাঁহার নিকট হইতেই আমি একখানা চিঠি পাইব এবং তন্মধ্যে একটা লাইন বিশেষ ভাবে, উল্লেখ করিয়া আমাকে শুনান হইল। তাহা যথাযথ উদ্ধৃত করিয়া দিলাম ; “তোমার অতি আদরের ভগিনী পুঁটুরাণী ও ককণাকণা (আমার ভ্রাতৃপুত্রী) স্বর্গের বাগানের দু’টা ফুল, স্বর্গের বাগানে ফুটিতে গেল চ” এই ঘটনার প্রায় ১৫ কি ২০ দিন পরেই ঠিক সেই চিঠি পাই এবং তন্মধ্যে ঐ লাইনটী দেখিতে পাই।

যাক সে কথা, ঐ আগন্তুক ভদ্রলোক অদৃশ্য হইয়া যাওয়ার প্রায় মিনিট কয়েক পরেই অবিকল সেই আকৃতির ও ঠিক সেইরূপ ভাবেই Rickshaw চড়িয়া Assistant Surgeon ও Sub Assistant Surgeon আসিয়া উপস্থিত হইলেন। আমি পূর্বের গুণ্য এবারও যেন হতভম্ব হইয়া গেলাম। এই বঙ্গপারের মাথামুণ্ডু কিছুই ঠিক করিয়া উঠিতে পারিলাম না। তবে পূর্বের ঘটনা হইতে ইহার পার্থক্য এই হইল, যে অন্ত্যান্ত বার যখন ঐরূপ আবির্ভাব হইয়াছে তখন উহা যে কোনও আবির্ভাব অথবা অতিলৌকিক ব্যাপার এরূপ ধারণা মোটেই হয় নাই; মনে হইয়াছে, বাহাকে দেখিতেছি ও যাহার কথাবার্তা শুনিতেছি সত্য সত্যই তিনি আমার সম্মুখে উপস্থিত। এ স্থলে একই লোক এত অল্প ব্যবহিত সময়ের মধ্যে দুইবার একই দিক হইতে আসিয়া উপস্থিত হওয়ায়, ইহার ভিতর যে কোনও গুঢ় রহস্য আছে, যাহার কিছুই বুঝিতে পারিতেছি না, এরূপ একটা ধারণা জন্মিল। এস্থলেও এই ঘটনার স্মৃতি স্থায়ী হইল বলিয়া বলিতে পারি না। কেবল পূর্ব পূর্ব ঘটনা অপেক্ষা তৎসময়ের জগত্ মনকে কিছু অধিক আলোড়িত করিল মাত্র। তারপর আবার দৈনন্দিন কর্মের মধ্যেই ব্যাপৃত থাকিতে লাগিলাম, ঐ বিষয়ে কোনও চিন্তা মনে স্থান পাইল না। কিছুদিন পরেই Port mowat হইতে Dundas Pt. নামক স্থানে আমার স্থান পরিবর্তনের হুকুম হইল ও আমি তথায় নীত হইলাম।

সেখানে আমাকে ইটা কামানে (Brick-fields এ) ভর্তি করা হইল। Brick-fields এর কাজ প্রায় তিন মাস কাল করিবার পর সে বৎসরকার জগত্ সেখানকার কাজ শেষ হইল। বলিয়া রাখা আবশ্যিক, এখানেও একদিন আমাদের পূর্বকথিত ডাক্তার বাবু Assistant Surgeon আমাদের file পরিদর্শন করিতে আসেন এবং আমার সহিত আলাপ করিতে করিতে কিছুদূর অগ্রসর হইবার পর, হঠাৎ আমাদের সম্মুখে একটা হিন্দুহানী Tindale



জিজ্ঞাসা করিলেন “তোমার পাস্, বিদ্যা হ্যাঁ?” সে “হ্যাঁ” বলিতেই তিনি আমাকে একটু সবুর করিতে বলিলেন ও নিজে কিছুদূর অগ্রসর হইলেন। ইতিমধ্যে আমি দেখিলাম যেন হঠাৎ ঝড়ের মত কোথা হইতে তিনিই যেন আমার দিকে ফিরিয়া আসিলেন ও আমার হাত ধরিয়া অন্য এক দিকে রান্নাঘরের পাশ দিয়া আমাকে লইয়া চলিলেন ও তিনি যে ডাক্তার বাবু নন, কেবল তাঁহার রূপ ধরিয়া আসিয়াছেন মাত্র, এই কথা আমাকে বুঝাইবার জন্য বলিলেন “আপনি ভূত বিশ্বাস করেন? আমাকে দেখিয়া আপনার ভয় হইতেছে না?” ইত্যাদি। আমি ঐ সকল কথা কিছুই বুঝিলাম না, কেবল তিনি যে আমার সহিত একটু বহস্য কবিতার চেষ্টা করিতেছেন এরূপ মনে করিয়াই নিশ্চিত্ত রহিলাম ও ঈষৎ হাসিলাম মাত্র।

এইরূপ আলাপ করিতে করিতে আমাদের থাকিবার Barrack এর নিকটস্থ প্রাঙ্গণে আসিয়া যেন কি একটা আফিসের কাজ করিতে হইবে তাট তাঁর অমুচর সেই tindale কে একটা মোড়া আনিতে বলিলেন; সেও যেন নিমেষ মধ্যে কোথা হইতে একটা মোড়া আনিয়া হাজির করিল ও তৎসঙ্গে দোয়াত কলম ও লাল ফিতা বাঁধা কি একটা আফিসের কাগজও দেখিতে পাইলাম। তিনি যেন সেই কাগজ দেখিতে লাগিলেন এবং তাহাই আড়াল দিয়া আমার সহিত আলাপ করিতে লাগিলেন। তিনি বলিলেন আমার কপালে বড়ই দুঃখ আছে, এবং এইরূপ অসহ্য দুঃখ হইতে পরিত্রাণ পাইবার জন্য, এমন কি, নিকটস্থ একটা বৃক্ষে যাইয়া উৎকর্ষে প্রাণ ত্যাগ করিবার পর্য্যন্ত উপদেশ তিনি দিয়া ফেলিলেন। পরে বলিলেন তাহা হইবার নয়, ‘নিয়তি কেন বাধাতে’। এইরূপ কথাবার্তা হইতেছে এমন সময় দেখিতে পাইলাম যেন পশ্চাৎদিক হইতে তাঁহার সেই সহকারী Sub Assistant Surgeon আসিয়া, তাঁহার আসিতে বড় দেরী হইয়া গেল ইত্যাদি অমুহাত দিয়া, উপস্থিত হইলেন। পরে

আমাকে একটু অন্তর্দিকে তাকাইতে বলিয়া সকলেই ঝড়ের মত এক সময়েই অদৃশ্য হইয়া গেলেন ।

এই ব্যাপারের পর আমি কিছুক্ষণ একটু হতবুদ্ধি হইয়া রহিলাম । ইতি মধ্যে ডাক্তার বাবু আমাকে ডাকিয়াব জন্ত লোক পাঠাইলেন । সেখানে গিয়া দেখিলাম তিনি সেখানকার Brick-furnace দেখিতেছেন । আমাকে দেখিয়া কি যেন জিজ্ঞাসা করিতে চাহিতেছেন, কিন্তু পারিতেছেন না । বলিলেন আমি অনেক ধরিয়া আপনার জন্ত এখানে অপেক্ষা করিতেছি । প্রতক্ষণ হইবে আমি মনে করি নাই, কথার ভাবে মনে হইল যেন তাঁর অত্যন্ত ক্লান্তি বোধ হইতেছে । আমি কি দেখিলাম সে সম্বন্ধে কিছু জানিবার যে তাঁরও কৌতুহল জন্মিয়াছে তাহা বেশ বুঝিতে পারিলাম । কিন্তু কি করিব যা কিছু দেখিলাম সকলই মুকাম্বাদনবৎ, কিছুই বলিবার ধো নাই । অন্ততঃ পক্ষে তখনকার জন্ত ত তাই ।

Dundas point এর ইট কাটা শেষ হইলে পর অপরাপর কয়েদী-দিগকে অল্পে অল্পে স্থানান্তরিত করা হইতে লাগিল এবং আমাকেও হয়ত অন্য কোথাও যাইবার হুকুম হইতে পারিত, কিন্তু তৎপূর্বেই আমি কাজ অস্বীকার করিয়া বসি । ইটা কামানের পর দুই একদিন আমাকে রাস্তা দুর্শ্বট ও জলের ঝাঁক কাঁধে করিয়া খাড়া পাহাড় চড়াই করিতে দেওয়া হয়, তাহাও নিরাপত্তিতে দুই একদিন করিলাম । কিন্তু শরীরে আব সহ্য হইল না, সুতরাং যে petty officer এর উপর আমার কাজ কর্ম দেখিবার ভার ছিল তাহাকে বলিলাম আমি আর কাজ করিব না, আমার নালিশ আছে । সে আমাকে সেখানকার Overseer এর নিকট লইয়া গেল এবং Overseer আমাকে District officer Lewis সাহেবের নিকট পাঠাইয়া দিল । Lewis সাহেব বেশ ভদ্রলোক । তাঁহার নিকট হাজির হইলে পর বখন আমি বলিলাম যে আর কাজ করিব না, তখন তিনি আমাকে অনেক

বুঝাইতে চেষ্টা করিলেন এবং বলিলেন বেশ ত তুমি যদি এখন কাজ করিতে না পাব, ডাক্তারের অনুমত্যানুসারে কিছুদিন বিশ্রাম লও, অথবা হাঁসপাতালে রাখিল হইয়া থাক । আমি বললাম “ডাক্তার আমাকে হাঁসপাতালে রাখিল করিবে কেন ? আমার ত ভেমন কোনও অসুখ করে নাই যে জ্বর কিম্বা পেটের অসুখ একটা কিছু লিখিয়া ভর্তি করিয়া লইবে” ? তা ছাড়া এতদিনকার হাড়-ভাঙ্গা খাটুনির পর এখন দেখিলাম যতই খাট না কেন ঐ খাটুনি হইতে আর উদ্ধার নাই তখন একেবারে মরিয়া হইয়া বলিলাম যে আর কাজ করিব না । হুকুম মানিয়া যখন দেখিলাম যে হুকুম মানার অন্ত নাই, যতই খাট ততই আরও খাটুনি রহিয়াছে, তখন একবার নিজমূর্তি ধরিয়াই দেখি ; কেন আর স্বেচ্ছায় ভুতের বেগাব খাটিয়া পৈত্রিক প্রাণটী খোয়াইতে যাই ? শরীরের উপরই কর্তৃপক্ষের কতকটা আধিপত্য বলা যাইতে পারে, কিন্তু সেই সঙ্গে সঙ্গে মনের উপরেও তাহাদেবই আধিপত্য স্বীকার করিয়া একেবারেই আপন আন্তিত্বটুকু হারাইয়া দসিতে হইবে এমন কি কথা !

Lewis সাহেব যখন দেখিলেন যে আমি কিছুতেই তাহার কথায় ডাক্তারের সাহায্য লইতে রাজি হইলাম না, তখন আমার উপর case করা অনিবার্য্য বুঝিয়া তাঁহার নিম্ন আদালতের ছোট সাহেবকে ডাকাইয়া বলিলেন “ইহার বিরুদ্ধে আমি নিজে কোনও case করিতে চাই না. তুমিই তোমার কোর্টে ইহার বিচার কর ।” এই প্রকার বলিলে পর তিনি আমাকে তাঁহার কোর্টে লইয়া গেলেন । সেখানে আমার যাহা বক্তব্য শুনিয়া case bookএ আমার statement লিখিলেন ও তিন মাস সশ্রম কারাদণ্ডে দণ্ডিত করিয়া cellular jailএ পাঠাইয়া দিলেন । Jailএ পৌছিলে পর Jailor পুনরায় আমাকে বলিল “এখানে কাজ না করিয়া নিস্তার নাই । ইহা Jail বাহির নহে যে মাথা ফক্কাইয়া চলিবে । এখানকার Discipline অত্যন্ত কড়া, যদি কাজ না কর প্রথম খাড়া হাতকড়ি দিব, তথাপি যদি কাজ না কর



পায়ে বেড়া দিব, তাহাতেও যদি কাজ করিতে রাজী না হও তবে মনে রাখিও সাধারণ বদমায়েস কয়েদীদিগের মত ত্রিশ বেত দিব, এবং এমন বেত দিব যে এক একটা বেত এক এক ইঞ্চি মাংস কাটিয়া শরীরের মধ্যে প্রবেশ করিবে, শিক্ষিত ভদ্রলোকের ছেলে বলিয়া একটুও রেয়াইত কবিব না।”

আমাদের এই Jailorটির পরিচয় যাঁহারা বারীন্ বাবুর “দ্বীপাস্তুরের কথা” পড়িয়াছেন তাঁহারা অবশ্য কথঞ্চিং পাইয়াছেন। ইনি সেই সুদূর দ্বীপাস্তুর প্রবাসের কয়েদীদিগের মধ্যে প্রায় সিংহ শার্দুলের স্থায় সমস্ত Jail ভূমি কল্পিত করিয়া সগর্বে বিচরণ করিতেন, এবং কয়েদিরাও তাঁহাকে প্রায় বাঘের মতই ভয় করিত। বর্তমান ক্ষেত্রে আমাকেও ভয় দেখাইয়াই কাজ আদায় করিবার মতলব, আমি ত পূর্ব হইতেই ভবিষ্যতের আশা ভরসা ছাড়িয়া একেবারে মরিয়া হইয়াই আসিয়াছি, সুতরাং তাঁহার তর্জন গর্জনে কোনও ফল হইল না; বরং বলিলাম ভয় দেখাইয়া আমার নিকট হইতে কাজ আদায় করিতে পারিবে না। তুমি ৩০ বেতের কথা বলিতেছ, আমাকে কাটিয়া টুকরা টুকরা করিয়া ফেলিলেও যতদিন পর্য্যন্ত কাজ করা উচিত বলিয়া মনে না করিব, ততদিন আমার নিকট হইতে এক পয়সার কাজও তুমি পাইবে না।

এখানে কিছু অতিলৌকিক ভেঙ্কিও দেখান হইল। Jailএ Jailorই যে সর্বময় কর্তা, একথা সপ্রমাণ করাইবার জন্তই যেন সে আমাকে সোজাভাবে দাঁড়াইতে বলিল, যেন আমি আসামীর কাটরায় দাঁড়াইলাম এবং সে যেন, আমি তাহাকে অপমান করিয়াছি এই শ্লেষ সহ্য করিতে না পারিয়া, আমার সহিত duel খেলিতে প্রস্তুত। নিমেষ মধ্যে দেখিলাম তথায় টেবিলের উপর কত কি যন্ত্রপাতির সৃষ্টি হইল এবং তৎসাহায্যে যেন চারিদিকে কি খবর বার্তা প্রেরিত হইতে লাগিল। পরিশেষে সে প্রস্তাব করিল আমার পক্ষ সমর্থন করিবার কেহ দ্বিতীয় (second)

আছে কি না। আমি তখনও ব্যাপারখানা ঠিক ভাল করিয়া বুঝিয়া উঠিতে পারি নাই, একটু স্তম্ভিত হইয়া আছি; তাই সে আগনা হইতেই বলিল “Savarkarকে ডাকিলে হয় না? সে অবশ্যই তোমার দ্বিতীয় হইবে? এই বলিয়া বিনামূল্যে বলিয়া ডাকিতেই যেন কোথা হইতে কতকটা তাহারই আকৃতি, কিন্তু অপেক্ষাকৃত খর্ব ও ক্ষীণকায়, একব্যক্তি আসিয়া উপস্থিত হইল। তাহাবই সঙ্গিত যেন সে duel খেলিবে এই অভিপ্রায় জ্ঞাপন করাতে উক্ত সাভারকার বলিল “আমি তোমার প্রস্তাব অনুমোদন করিতেছি, কিন্তু duelএর নিয়মানুযায়ী আমাকে gauntlets (দস্তানা) নিষ্ক্ষেপ কবিত্তে হইবে, আমার নিকট ত কোন দস্তানা নাই; তুমি যদি তোমার একখানা ধার দাও তবেই হইতে পারে। ঐরূপ বলাতে Jailor তাহাব কল্পিত হস্ত হইতে একখানা rubberএর দস্তানা খুলিয়া দিল এবং উক্ত Savarkar তাহা পাইয়া ইঙ্গিত মাত্রে একেবারে Jailor এর মুখের উপর ছুঁড়িয়া মারিল। “সাবারকারেব” এরূপ হাতের টিপ দেখিয়া আমিও খুব খুসী হইলাম সন্দেহ নাই। কিন্তু পরক্ষণেই ঐ ভেঙ্কির রাজ্যের খেলা ভাঙ্গিয়া গেল ও আমার প্রতি এক সপ্তাহের জন্ত খাড়া হাতকড়ির হুকুম হওয়ায় আমাকে হাত কড়িতে যাইতে হইল।

এখানে খাড়া হাত কড়ি ব্যাপারটী কি একটু বুঝাইয়া বলা আবশ্যিক; কারণ সে সম্বন্ধে বোধ হয় অনেকেরই কোনও ধারণা নাই। আমাদিগের, দাঁড়াইলে, প্রায় মাথার সমান উঁচু দেয়ালের গায়ে কতকগুলি হুক (hooks) বসান আছে, তাহাতে এক একটি করিয়া হাত-কড়ি (handcuff) ঝোলান রহিয়াছে, সেই হাত-কড়িতে হাত পরাইয়া দেয়ালের দিকে মুখ করিয়া সকালে ছয়টা হইতে বৈকালে চারিটা পর্যন্ত দাঁড় করিয়া রাখা হয়, মধ্যে কেবল দশটার সময় একবার আহারের জন্ত খুলিয়া দেওয়া হয়। আমাকে হাত-কড়িতে টাঙ্গাইয়া দেওয়ার প্রথম দিনই কয়েক ঘণ্টা মধ্যেই, কেন

জানিনা, জ্বর বোধ করিতে লাগিলাম এবং দেখিতে দেখিতে জ্বর অত্যন্ত বৃদ্ধি পাইয়া গেল। একরূপ ভাবে জ্বর লইয়াই কিছুক্ষণ দণ্ডায়মান আছি এমন সময় দেখিলাম যেন jailor—অনুতঃ তখন আমার তাঁহাকে jailor বলিয়াই ধারণা, কারণ দেখিতে অবিকল jailorএরই মত—ও অপব একজন লোক দেখিতে কতকটা আমাদের তখনকার আলিপুর jail এর ডাক্তার O, Neal সাহেবেরই মত, এই দুই ব্যক্তি দরজা খুলিয়া আমার নিকট উপস্থিত। আমাকে “কি হইয়াছে” জিজ্ঞাসা করায় বলিলাম “আমার জ্বর হইয়াছে।” এই কথা শুনিয়া তাহারা বলিল “ও, জ্বর হইয়াছে? এই ঔষধটা খাও, ইহাতে তোমার ভাল হইবে”। এই বলিয়া আমার চোখেব একটু আড়াল দিয়া যেন পিছন দিক হইতে, একটি সবুজ বর্ণ measured glassএ এক dose ঔষধ বাহির করিল ও ইহা quinine বলিয়া আমাকে খাইতে দিল। আমি উহা বাস্তবিকই ঔষধ মনে করিয়া নিঃসন্দেহ চিন্তে যেমনই খাইতে বাইব অননি তাহারা বলিয়া উঠিল “খবরদার খাইওনা, উহা quinine নয় strichnine, খাইলেই মারা যাইবে”। আমি একটু অপ্রস্তুত হইলাম, তবে কোনও সন্দেহ করিলাম না; কেবল উহারা একটু তামাশা করিল মনে করিয়া ঐ ঔষধ খাইয়া ফেলিলাম, খাইতেও উহা ঠিক quinineএরই মত বোধ হইল কিন্তু যেন কিছু কম তিক্ত। তারপর তাহারা আমাকে একটা মস্ত জপ করিবার জন্ত ভজাইবার চেষ্টা করিল। মন্ত্রটা এই Kaiserই Czar হ্যায়” অর্থাৎ জার্মান সম্রাট “কা হু জাবই” রুশ সম্রাট “জার” কেবল ইহাই নহে Czar শব্দটির উচ্চারণ যে কতকটা “স্যার” শব্দের ন্যায় হইবে তাহাও আমাকে বার বার শ্রবণ করাইয়া দেওয়া হইল।

তাহারা চলিয়া গেলে জ্বর এতই বৃদ্ধি পাইল যে হাত-কড়ি খুলিয়া আমাকে কুঠরিতে রাখা হইল; কিন্তু সেখানেও এমন হাত পা থিঁচুনি হইতে আরম্ভ করিল যে অবশেষে ডাক্তার আসিয়া ৬৭ জন লোক দিয়া ধরাধরি

করিয়া আমাকে hospitalএ নিয়া ফেলিল। hospitalএ প্রায় সংজ্ঞাশূন্য অবস্থায় injection দেওয়া হইল ইহা স্বরণ হয়, এবং একবার battery charge করা হয় তাহাও স্বরণ আছে। কেবল স্বরণ আছে কেন, এমনি প্রবল বেগে তড়িত চালনা করা হয় যে আমার তখন বোধ হইতে থাকে যেন আমার সমস্ত শরীর বিদীর্ণ করিয়া, সমস্ত স্নায়ুমণ্ডলীকে ছিন্ন বিচ্ছিন্ন করিয়া ঐ তড়িত নির্গত হইতে থাকে, এবং কিছুক্ষণের জন্য আমার সমস্ত শক্তিকে পরাভূত করিয়া কতকগুলি কুৎসিৎ ও কদর্য গালি আমার মুখ দিয়া নির্গত হয়, যাহা জীবনে কখনও উচ্চারণ করি নাই। ঠিক বোধ হইল যেন তখনকার জন্য আমাকে দুর্বল পাইয়া একটা বিপরীত শক্তি অথবা মানস-আত্মা আমাতে অধিষ্ঠান হইয়া আমার সম্পূর্ণ ইচ্ছার বিরুদ্ধে ঐ কথাগুলি বলাইয়া গেল। তারপর বাহু হিসাবে সংজ্ঞাশূন্য অবস্থাতেই কাটিতে লাগিল। কতক্ষণ অথবা কতদিন ঐরূপে গেল, সে সম্বন্ধে আমার কোনও ধারণা নাই। কিন্তু পরে শুনিলাম যে প্রায় ৩৪ দিন হইবে। বাহু হিসাবে সংজ্ঞাশূন্য হইলেও অস্তুর রাজ্যে কত আকাশ, পাতাল, স্বর্গ, নরক, প্রেত, পিশাচ, অপর, গন্ধর্ব, কিন্নর লোক, লোকান্তর দর্শন করিলাম কে তার ইয়ত্তা করিবে! আমার অবস্থা দেখিয়া আমার সঙ্গীরা প্রায় সকলেই আর বাঁচিবার আশা নাই এইরূপ ধরিয়া লইয়াছিল।

সে যাহা হোক, ক্রমে সংজ্ঞাও লাভ করিলাম এবং বাঁচিবার পথে বুলিয়া অনেকেরই ভরসা হইল। এইরূপে কিছু আরোগ্য লাভ করিলে পর আমাকে হাঁসপাতাল হইতে সরাইয়া ঐ হাঁসপাতাল সংলগ্ন একটা single cellএ রাখা হয়। তখনও ভ্রান্তির রাজ্য হইতে সম্পূর্ণ নিষ্কৃতি লাভ করি নাই, এমত অবস্থায় কয়েকদিন কাটিলে পর, বোধ হইতে লাগিল যেন চারিদিকে আমার আত্মীয় স্বজনবর্গের আর্তনাদ ও কাতরধ্বনি শুনিতে পাইতেছি, চারিদিকেই যেন একটা দুর্ভীষহ যন্ত্রণার চিত্র আমাকে ঘিরিয়া ফেলিল এবং আমার বোধ

হইতে লাগিল যেন আনিই উহাদের সমস্ত যন্ত্রণার মূল কারণ। মনের এই নিঃস্রাবের অবস্থায় একেবারে আত্মসংঘম হারাইয়া ফেলিলাম ও এমনই আত্মগত উপস্থিত হইল যে আত্মহত্যা করিতে উদ্যত হইলাম।

তখন আমার প্রথম অসুখের অবস্থায় যে Medical Supdt চিকিৎসা করিয়াছিলেন তিনি বদলী হইয়া গিয়াছেন ও তৎস্থলে আমাদের পুরাতন Supdt. যাহাকে আমরা প্রথম আন্দামানে আসিয়াই দেখিতে পাই, তিনিই নিযুক্ত আছেন। একদিন ঐরূপ মানসিক ক্লেশ সহ করিতে না পারিয়া আমাকে শুইবার জন্য যে সতরঞ্চখানা দেওয়া হইয়াছিল তাহারই একদিককার সূতা খুলিয়া খুলিয়া একটি দড়ী প্রস্তুত করিলাম ও পশ্চাদিকের জানালার একটা লোহার শিকে বাঁধিয়া ফাঁসি খাইতে যাইব, এমন সময় কে একজন কয়েদী আমার পিছন হইতে দাঁড়াইয়া আমাকে দেখিতেছে ঐরূপ বোধ হওয়ায় গলায় ফাঁসি লাগাইয়াও আবার খুলিয়া নাবিয়া পড়িলাম।

পরদিন প্রাতঃকালে Superintendent সাহেব আমার barrack এর সম্মুখ দিয়া যাইবার সময় সতরঞ্চর ঐরূপ ছরবস্থা দেখিয়া জিজ্ঞাসা করিলেন, “ইহা কি করিয়াছ?” আমি আর কি বলিব, সোজা ভাবে কোন উত্তর না দিয়া তাঁহাকেই একটা প্রতিশ্রুতি করিয়া বসিলাম; জানিতাম তিনি আমাদিগকে যথেষ্ট স্নেহ করিতেন, ঐরূপ প্রশ্ন করায় বিরক্ত হইবেন না। সুতরাং জিজ্ঞাসা করিলাম “আচ্ছা আপনি কি মনে করেন, আমরা একটা অত্যন্ত অন্যান্য কাজ করিয়া এখানে আসিয়াছি?” এই প্রশ্ন করিতেই তিনি একটু অপ্রস্তুত হইলেন এবং বলিলেন “আমার নিকট হইতে কেমন করিয়া তুমি এইরূপ প্রশ্নের উত্তর আশা করিতে পার? আমি হটলাম ইংরেজ, তোমরা হইলে ভারতবাসী; আমার স্বার্থ ও তোমার স্বার্থ কি এক? তা ছাড়া, আমি গবর্ণমেন্টের চাকুরে, কি করিয়া তোমাদের সহিত সাং দিব? তবে তোমাদের দিক হইতে তোমরা বাহ্য কর্তব্য বলিয়া মনে



করিয়াছ তাহাই করিয়াছ, সেজন্য আপনাকে দোষী মনে করিবার কি কারণ হইতে পারে?”

এই প্রকারে আমাকে আশ্বস্ত করিলে আমি বলিলাম “কি করিব কয়েক দিন যাবৎ চারিদিকে আশ্রয়স্বজনগণের মধ্যে এমন একটি যন্ত্রণার চিত্র আমার মনকে অধিকার করিয়া বসিয়াছে যে আমি সহ করিতে না পারিয়া একেবারে আত্মহত্যা করিতে উদ্যত হইয়াছিলাম। কিন্তু আমার সৌভাগ্য কি দুর্ভাগ্য জানিনা আমার পশ্চাৎদিক হইতে কে একজন লোক দেখিতে পার বলিয়া আর হইয়া উঠে নাই।” এই কথা শুনিয়া তিনি অত্যন্ত আশ্চর্যান্বিত হইলেন ও আমাকে ভৎসনা করিলেন। “প্রথম যখন তোমাকে দেখি তখন তোমার উপর আমার একটা খুব উচ্চ ধারণা জন্মিয়াছিল, তুমি এইরূপ করিবে কখনও আশা করি নাই। তোমার এই যুবক বয়স, এখনই এত নিরাশা! ২০ বৎসর কাল আর কতটুকু সময়, অনায়াসে ঐ সময় কাটাটয়া ঘরের ছেলে ঘরে বাইবে। আমার দেখ এত বয়স হইয়াছে তথাপি কত কাজ করি। যা হোক, আমার মনে হয় অতি রক্ত কঠিন পরিশ্রমই তোমার এই অসুখের কারণ। কিন্তু কি করিব Government order এইরূপ, যে তোমাদিগকে কঠিন পরিশ্রম ব্যতীত আর কিছুই দেওয়া হইবে না। তবে আমি এক উপায় বলিয়া দিতে পারি; এখানকার যে Lunatic assylum আছে তাহাতে যদি তোমাকে ভর্তি করিয়া দি, তাহা হইলে তোমাকে কোনও কাজ করিতে হইবে না। অর্থাৎ সেখানে কোনও compulsory labour নাই, ইচ্ছামত শারীরিক ব্যায়ামের জন্ত যদি কোন কাজ করিতে চাও তাহা অবশ্য করিতে পার।” শুনিয়া যেন হাতে আকাশ পাইলাম এবং অমনি তাহাতে স্বীকৃত হইলাম ও তাঁহার এই সহৃদয় ব্যবহারের জন্য আপন কৃতজ্ঞতা জানাইলাম।

এইরূপে jail হইতে Lunatic assylumএ নীত হইলে পর সেখানকার ডাক্তার বাবুও আমার খুব যত্ন লইলেন । তিনিও আমাদের দেশীয় একজন বাঙ্গালী ব্রাহ্মণ, মহানুভূতি হইবার কথা । আমার খাবার দাবার ইত্যাদির জন্ত আমি কখনও কিছু না বলিলেও আপনা হইতেই যথাসম্ভব ব্যবস্থা করিতে লাগিলেন । অনেক সময় নিজে আসিয়া সম্মুখে দাঁড়াইয়া খাওয়াইতে লাগিলেন ও নিজে না আসিলে যদি কখনও খাওয়া সম্বন্ধে অবহেলা করিয়াছি, অথবা খাইব না বলিয়াছি, অমনি লোক পাঠাইয়া তাঁহার বাড়ীতে নেওয়াইয়া তাঁহাদের নিজেদের জন্ত রান্না ভাত তরকারী আনিয়া খাওয়াইবার চেষ্টা করিয়াছেন ; এমন কি, তাঁর ছেলে মেয়েদের পর্য্যন্ত “দাদা” বলিয়া পরিচয় দিয়া আমার সহিত খেলা করিবার জন্ত বলিয়াছেন ও তাহাদের খেলনা ছবি ইত্যাদি আমাকে দিয়াছেন । আমারও তখন দারুণ পীড়ার যম-যন্ত্রণার পর প্রায় এক প্রকার ছেলে মানুষেরই অবস্থা । সেখানকার পাগল কয়েদীদের মধ্যে যাহারা একটু অপেক্ষাকৃত সজ্ঞান তাঁহারা বাগানের কাজ করিত এবং সেই Lunatic assylumএর অধীনে বিস্তর জমি উহাদের দ্বারা কর্ষিত হইয়া নানা প্রকার ফুল ফলে সুশোভিত থাকিত । ঐ বাগানের শাক সবজী, তরকারী Settlementএর অধিবাসীদিগের ব্যবহারের জন্ত প্রেরিত হইত । আমাকে বলা হইল যদি আমার পক্ষে সম্ভব হয় তবে ঐ তরকারীর দৈনিক হিসাব রাখিবার জন্ত । আমি কয়েকদিন চেষ্টা করিয়া দেখিলাম তখনও হিসাব রাখিবার মত অবস্থা আমার হয় নাই, কাজেই আর সেদিকে বড় একটা ঘোঁসলাম না । একজন petty officer ও পাহারাওয়ালার সর্বদা আমার সঙ্গে সঙ্গে থাকিবার জন্ত দেওয়া হইত, তাহাদের লইয়া assylum এর সীমানার ভিতর যে দিকে ইচ্ছা বেড়াইতাম এবং মাঝে মাঝে যে না জানাইয়া বাহিরেও যাইতাম না এমন নহে । উপেন দা, বারীন দা'রা ও সুবিধা পাইলে আমাকে দেখিতে আসিত।

এইরূপে কিছুকাল কাটিলে পর একদিন শুনিলাম India হইতে Director General of Prisons আন্দামানে আসিয়াছেন, ও আমাদের assylum দেখিতে আসিতেছেন । ইনিই হইলেন সমস্ত ভারতবর্ষের Jail department এর সর্বোচ্চ কর্মচারী । ইহার সহিত আমার আলিপুর Jailএ পূর্বেও একবার আলাপ হইয়াছিল । তিনি এবার আমাকে দেখিয়া যেন আশ্চর্য হইয়া গেলেন । পূর্বে আমাকে বেশ সুস্থ ও সবল দেখিয়াছেন, এখন আমার এরূপ অবস্থা দেখিয়া বলিলেন, তুমি এত রোগা হইয়া গিয়াছ ও ওজনে এত কম হইয়া গিয়াছ কিরূপে বিশ বৎসর কাটাইবে ? আমি আমার অসুখের ইতিবৃত্ত বলিলে, বলিলেন “তোমাকে কোন Indian jail এ transfer করা উচিত, নতুবা এখানে থাকিলে নিশ্চয় মারা যাইবে ; তোমাকে আর বিশ বৎসর থাকিতে হইবে না । আমি তোমার transferএর বিষয় Governmentএ লিখিতেছি । তোমাকে যাহাতে এখান হইতে বদলী করা হয় তার জন্য আমি যথাসাধ্য চেষ্টা করিব ।” এই প্রকার বলিয়া আমার শরীর পরীক্ষা করিলেন ও আমার যখন spasms হয় তখন কি দেখি জিজ্ঞাসা করিলেন । তখনও আমার মধ্যে মধ্যে কম্প দিয়া জ্বর আসিত ও ভয়ানক spasms হইত এমন কি এক এক সময় দেয়ালে মাথা খুড়িতাম । জ্বর যখন খুব অধিক হইত, নানা প্রকার স্বপ্ন চিত্র দেখিতাম । জিজ্ঞাসা করিলে বলিলাম এক এক সময় মনে হয় যেন সমস্ত পৃথিবী ধ্বংসের পথে চলিয়াছে । ইংরাজীতে ঠিক এই কথাটি বলিলাম “I see as if the whole world is coming to an end.” শুনিয়া Director সাহেব বলিলেন “কতকটা ঠিক, শীঘ্রই Europeএ এক মহাযুদ্ধের আয়োজন হইবে ।” তখনও Europeএ যুদ্ধ আরম্ভ হয় নাই, এমন কি সে সম্বন্ধে কোন জনরব (rumour)ও আমরা শুনি নাই । Director General চলিয়া গেলে কয়েক মাসের মধ্যেই আমার transferএর হুকুম আসিল ও আমাকে মাদ্রাজে চালান দেওয়া হইল ।



আমাকে জাহাজে তুলিয়া দিবার জন্ত লইয়া যাইতে যাহারা আসিল, তাহাদের কথায় বুঝিলাম যে আমার রেহাইএর হুকুম আসিয়াছে, আমাকে দেশে পাঠাইয়া দেওয়া হইবে । আমিও তাহাই বিশ্বাস করিয়া উহাদের সহিত জাহাজে উঠিবার জন্ত রওয়ানা হইলাম । পথিমধ্যে দেখিতে পাইলাম আমাদের বিপরীত দিক হইতে একটা বালক, বয়স আমা অপেক্ষা অনেক কম হইবে, আমাদের দিকে আসিতেছে, মহাব্যাধিতে তাহার মুখ যেন ধসিয়া পড়িয়াছে । আমার সঙ্গে এক বাঙ্গালী Tindale, অথবা সেই আকারে তখনকার জন্ত আবির্ভূত কিনা ঠিক বলিতে পারিলাম না, আমি উহাকে চিনি কিনা জিজ্ঞাসা করায় কথটা হাসিয়াই উড়াইয়া দিলাম । কিন্তু উহাকে দেখিয়া মনে হইল যেন কোথার পূর্বে উহাকে দেখিয়াছি এবং দুই এক পদ অগ্রসর হইতেই দেখিলাম উহার মুখটুকু বেশ ঠিক হইয়া গিয়াছে, মহাব্যাধির কোনও চিহ্নই নাই এবং দেখিতে ঠিক আমার ছোট ভাই, যে এখন বিলাতে রহিয়াছে তাহারই মত । আমার পাশের সেই Tindale বলিল “উহাকে চিন না ? তোমার ভাই” । আমি দেখিলাম তাহাঁত, বোধ হয় আমারই জন্ত তাহার ঐরূপ দুর্দশা – পরিধানে কেবল মাত্র একখানা ধুতি, গায় কোট অথবা সার্ট কিছুই নাই, কিন্তু একটুও নিরুৎসাহ নহে বরং আমাকেই কত উৎসাহ ও আশার বাণী শুনাইল । সে যেন আমাকেই relieve করিবার জন্ত আমার স্থানে বহুল হইয়া আমাকে ছাড়াইতে আসিয়াছে । কথাবার্তা যাহা কিছু হইল ইংরাজীতেই হইল এবং উহার মুখে এমন পরিষ্কার ইংরাজী শুনিয়া খুব খুশী হইলাম । তবে আমার মনে হইল উহার বিলাত যাওয়ার কথা বুঝি কেবল ফাঁকি, বিলাতের নাম করিয়া আমাদেরই মত ভবঘুরে বৃত্তি লইয়াছে ইত্যাদি । এখন ভাবিয়া দেখুন ঐ সকল আবির্ভাব যেমন একদিকে আশ্চর্য্য ও কৌতুহল উদ্দীপক, অপরদিকে কেমন নিমেষ মধ্যে আমাদের পূর্ব সংস্কারের, সম্পূর্ণ বিপর্যয় ঘটাইয়া এক অদ্ভুত কল্পনা রাজ্যের সৃষ্টি করে এবং এমনই করিয়া

উদ্ধাকে কল্পনা বলিয়া বৃত্তিতে হয়ত আপনাব অন্ধজীবন গত হইয়া যাইতে পারে। যাক্ সে কথা, আমার আন্দামান প্রবাস এখানেই সমাপ্ত।

( ৩ )

জাহাজে উঠিবার সময় এমনই জড়তা প্রাপ্ত হইলাম যে আমাকে ৪১৫ জন লোক দিয়া ধরাধরি করিয়া উঠাইতে হইল ও জাহাজের নিম্নে hold এর ভিতর জড়বৎই পড়িয়া রহিলাম। ডাক্তার আমাকে জোর করিয়া এক dose brandy খাওয়াইয়া দিল। তারপর সেই hold এর ভিতরই পড়িয়া আছি বলিয়া কয়েক জনে মিলিয়া ধরাধরি করিয়া আমাকে তুলিয়া উপরে deck এ লইয়া গেল এবং সেখানে ডাক্তারের নির্দেশানুযায়ী জোর করিয়া ধরিয়া আমাকে নাকে নল দিয়া দুধ খাওয়াইয়া দেওয়া হইল। দুধ খাওয়ান হইলে পর চাহিয়া দেখিলাম feeding tube এর অভাবে ডাক্তার একটা rubber এর catheter দিয়াই কার্যোদ্ধার করিয়া বসিয়াছেন। ডাক্তারের ঐরূপ জষণ আচরণ দেখিয়া আমার তাহার উপর অত্যন্ত ঘৃণা জন্মিল, এবং পাশেই চাহিয়া দেখিলাম একখানা easy chairএ বসিয়া একজন European কর্মচারী। পরে জানিলাম ইনিই আমাকে মাল্জাজ হইতে লইয়া যাইবার জন্ত আসিয়াছেন—ঐ European টীর দিকে ফিরিয়া ব্যাপার-খানা লক্ষ্য করিবার জন্ত ইঙ্গিত করিতেই তিনি বলিয়া উঠিলেন “আমার এখানে কোনই হাত নাই, এস্থলে ডাক্তারই সৰ্ব্ব সৰ্ব্বা, আমাকে আর বলিয়া কি হইবে।” কাজেই কিছু না বলিয়া চূপ করিলাম এবং যে কোনও প্রকারে গন্তব্য পথ অতিক্রম করিয়া বন্দরে পৌঁছিবার আশায় জড়বৎ পড়িয়া রহিলাম।

অবশেষে দুই দিন দুই রাত্র অনবরত চলিয়া জাহাজ বন্দরে পৌঁছিল। জাহাজ বন্দরে থাকিলে পর শুনিলাম উহা কলিকাতা বন্দর নয়, মাঙ্গলগঞ্জ।

পূর্বেই বলিয়াছি, জাহাজে উঠা অবধি বন্দবে আসা পর্যন্ত ববাবর আমার ধারণা যে আমাকে দেশে পাঠাইয়া দেওয়া হইতেছে সুতরাং কলিকাতা বন্দবেই পৌঁছিবাব কথা । কিন্তু বখন শুনিলাম জাহাজ মাদ্রাজ বন্দরে আসিয়া লাগিয়াছে তখন ভাবিলাম, এ আবাব কি বিপদ, মাদ্রাজ আসিতে হইল কেন ? তবে বোধ হয় জাহাজ কলিকাতা যাইবার আরও কিছুদিন বিলম্ব আছে তাই শীঘ্র শীঘ্র মাদ্রাজেব পথেই আমাকে চালান দেওয়া হইয়াছে, মাদ্রাজ নামিয়া স্থলপথে আমাকে কলিকাতা যাইতে হইবে । এইরূপ মনে মনে কত কি আলোচনা করিতেছি, এমন সময় দেখি আমাদের পূর্বকথিত European কর্মচারীটি আমাকে লইয়া যাইবার জন্ত আসিয়াছেন, আমিও দেখা যাক কি হয়— এই বলিয়া তাহার সঙ্গে চলিলাম ।

Jolly boat এ করিয়া ডাক্তার আসিয়া নামিলে পর, আমি কোথায় যাইব জিজ্ঞাসা করায় সোজা উত্তর করিলাম বাঙ্গলা দেশে । তিনি বলিলেন “বাঙ্গলা দেশে ! মানে কি ?” আমি বলিলাম “কেন ? আমার রেহাই হইয়া গিয়াছে, এখন দেশে বাব না তবে কোথায় যাব ?” উত্তরে তিনি বলিলেন “আমি তো তা জানি না ! আমাকে পাঠান হইয়াছিল তোমাকে অনিবার জন্ত, তাই আমি গিয়াছিলাম । এখনও তোমার কাগজ পত্র আসিয়া পৌঁছায় নাই, কাগজ পত্র না দেখিয়া তোমার রেহাই সন্দেহে আমি কেমন করিয়া বলিব ? এখন প্রশ্ন হইতেছে ষতদিন পর্যন্ত তোমার কাগজ পত্র আসিয়া না পৌঁছিয়াছে ততদিন তোমাকে কোথায় রাখা যায় ? যদি Jail এ যাইতে চাও সেখানে পাঠাইয়া দিতে পারি নচেৎ আমি এখানকার Luntic Assylum এ কাজ করি আমার সঙ্গেই তোমাকে লইয়া যাই, সেখানেই তোমাকে ভর্তি করিয়া দিব, এবং পরে Supdt যেরূপ উচিত বিবেচনা করেন সেইরূপই করা যাইবে ।” আমিও উপায়ান্তর না দেখিয়া সেই Serjeant এর সঙ্গেই চলিলাম । তিনি একটা আড়াটির গাড়ী ডাকিয়া আমাকে উঠাইয়া লইলেন এবং আমাকে

মাদ্রাজের রাস্তা ঘাট ইত্যাদি দেখিতে দেখিতে Lunatic Assylum এ আসিয়া পৌঁছিলাম। গথিমধ্যে electric tram দেখিয়া জিজ্ঞাসা করায় জানিলাম তথায় electric tram প্রায় ৩০ বৎসর যাবৎ চলিতেছে, শুনিয়া একটু অবাক বোধ হইল। কলিকাতায় তখনও electric tram ১০, ১২ বৎসরে অধিক হইবে না চলিতেছে। Bombay তে তাহারও অনেক কম, বোধ হয় চারি পাঁচ বৎসরের অধিক হইবে না। যে মাদ্রাজ সম্বন্ধে গল্প শুনিয়াছিলাম ‘তথায় রেলগাড়ীর প্রথম প্রচলনের সময় যে ব্রাহ্মণ প্রথম উহা দেখিতে যায় তাহাকে তাহার গোষ্ঠিবর্গসহ ছাত্ত্যাত করা হইয়াছিল’ সেই মাদ্রাজই electric tram রূপ এমন একটী আশ্চর্যজনক ও নূতন ব্যাপারে ভারতবর্ষের প্রথম অগ্রণী, শুনিলে অবাক হইবারই কথা।

যাক্ আমাকে Lunatic Assylum এ লইয়া আসিলে পর পাশাপাশি দুইটা কুঠুরি যুক্ত একটা কোঠা ঘরে থাকিবার স্থান দেওয়া হইল। শুনিলাম উহা নাকি special class patients দেব জন্য। আমি আসিয়া পৌঁছবার অব্যবহিত পরেই শুনিতে পাইলাম, বাসন পত্র নাড়ানাড়ির এক মহা ধুম পড়িয়া গিয়াছে। মনে হইতে লাগিল যেন খালি বাসন পত্রের ঢং ঢং আওয়াজ দ্বারা আমাকে ইঙ্গিত করা হইতেছে যে উহা খালি, উহার ভিতরে কিছুই নাই। যদি অনুমতি হয় তবে লোক মারফতে নিকটস্থ পাকশালা হইতে অন্ন, পানীয় দ্বারা ঐ সকল খালি বাসন ভর্তি করিয়া আনা যাইবে। সেখানকার লোক আমাকে যেন এক মস্ত কাপ্তেন পাইয়া বসিয়াছে তাই আমার কল্যাণে উহারা বহুদিনের অনশন-ক্লেশ দূর করিয়া কৃতার্থ হইবে। অবশ্য, এখানে সোজাসুজি ভাবে কোনই কথা নাই, যা কিছু সব আকারে ইঙ্গিতে; এবং তাহাও তৃতীয় ব্যক্তির সাহায্যে। সেখানকার স্থানীয় ভাষা তামিল, আমাদের মত নূতন লোক উহাকে মস্তকুট করিবে সাধ্য কি? সুতরাং ‘স্থানীয় লোকদিগের সহিত আলাপ

পরিচয় করিবার এক মুক-বধির-বিদ্যা—হাত নাড়া, মুখ নাড়া বই উপায়ান্তর নাই। নূতন লোক দেখিয়া কত পাগল কোতুহলী হইয়া কত কি জিজ্ঞাসা করিত। আমি একা থাকিলে তাহাদিগের কোতুহল চরিতার্থ করিবার কোনই উপায় থাকিত না, তবে অনেক সময় ওয়ার্ডারদিগের মধ্যে অনেকে হিন্দুস্থানী বলিতে পারিত এমন কি ভাঙ্গা ইংরাজীও অনেকে বলিতে পারিত, তাহাদের সাহায্য কথাবার্তা বলিবার সুবিধা হইত।

স্বান্বামান পাগলা গারদ হইতে মাদ্রাজ পাগলা গারদে আসিয়া একটা প্রধান পার্থক্য লক্ষ্য করিলাম এই যে সেখানে European অথবা Eurasian patientsদেরও থাকিবার ব্যবস্থা আছে এবং দেশীয় ও ইউরোপীয় উভয়বিধ patients সেবার জন্যই nurse নিযুক্ত আছে। যদিও Medical College Hospital অথবা অন্যান্য বড় বড় হাসপাতালে আজকাল কখনও কখনও দেশীয় nurse দেখিতে পাওয়া যায়, পাগলা গারদের হাসপাতালে কখনও দেশীয় nurse কাজ করিতে দেখি নাই। ঝাঁহার সেখানে কাজ করেন তাহারা প্রায়ই ইউরোপীয় অথবা ইউরেশীয় সমাজভুক্ত এবং তাহাদিগের ঐরূপ ভয়াবহ স্থানেও কাজ করিতে যাওয়া খুবই সাহসের কাজ বলিতে হইবে, কারণ সেখানকার ব্যাপার বাহা স্বচক্ষে দেখিয়াছি তাহাতে পুরুষলোকদিগেরই ঐরূপ স্থানে কাজ করা আশঙ্কাজনক, মেয়েদের ত ভয় হইবারই কথা; ঝাঁহার সেখানে কাজ করিতে যান বোধ হয় একেবারে প্রাণের মারা ত্যাগ করিয়াই যান। কিন্তু দুঃখী দীন দরিদ্র অসহায় পাগলদিগের মধ্যে তাহাদিগের মাতৃতুল্য স্নেহহস্ত অশেষবিধ মানসিক ক্লেশ উপশম করিয়া থাকে সন্দেহ নাই।

সবাই ছেড়েছে নাহি যার কেহ  
তুমি আছ তার, আছে তব স্নেহ,  
নিরাশ্রয় জন পথ যার গেহ,  
সেও আছে তব ভবনে ॥”



গান্ধী নৈন ঠিক এইরূপ চ'লন্ত প্রযুক্ত্য। এত দিনকার কঠিন কর্মতার পীড়িত শুকতার পর এই নূতন ব্যবস্থা, আমার পক্ষেও কতকটা সরস বলিয়া বোধ হইতে লাগিল,—যেন কতকটা বাড়ীর স্নেহ মমতার অভাব-জনিত দুঃখ ভুলিয়া থাকিবার অবসর পাইতে লাগিলাম। তবে হাজার হোক “পাগলা গারদ” বের্দীদিন এরূপ স্বাচ্ছন্দ্য ভোগ করিতে হইল না।

কিছুদিন যাইতে না যাইতেই আমার পাশের cellএ ক'য়কজন European Soldier মিলিয়া উহাদের মধ্যে একজনকে ভক্তি করিয়া দিয়া গেল।” নাম জিজ্ঞাসা করিলে সে এক নিঃশ্বাসে বলিয়া ফেলিত “Admirichardson” বাড়ী কোথায় জিজ্ঞাসা করিলে বলিত Benny “Sco'land”। একদণ্ড বসিয়া থাকিতে পারিত না, সর্বদাই চঞ্চল, কাপড় পরাইয়া দিলে হৃদয় গায়ে রাখিতে পারিত না, কুঠুরির সম্মুখেই দাঁড়াইয়া প্রস্রাব করিয়া ভাসাইয়া দিত। প্রতিনিয়ত তাহাকে খাওয়াইবার জন্ত স্নান করাইবার জন্ত, কাপড় পরাইবার জন্ত ৪।৫ জন লোক লাগিয়া থাকিতে হইত। প্রথম অবস্থায় বার বার করিয়া তাহার জন্ত নানা প্রকার খাবার আসিতে লাগিল, যেন আমাকে পরীক্ষা করিবার জন্তই আমার সম্মুখে আমাদের দু'জনের প্রতি আদর বড়ের এতটা প্রভেদের সৃষ্টি করা হইল।

আমার নিজেদেরও মানসিক অবস্থা তখন একবারে সুস্থ নহে। আমার মনে হইতে লাগিল যেন আমারই খাবার আমাকে দেখাইয়া দেখাইয়া তাহাকে খাইতে দেওয়া হইতেছে। অবশেষে একদিন সত্য সত্যই দৈর্ঘ্যচাত হইয়া তাহার Porridge এর বাটি ধরিয়া টানাটানি আরম্ভ করিয়া দিলাম। যে boy তাহার খাবার আনিত সে আমাকে ছাড়াইবার জন্ত একখণ্ড জুতা হাতে করিয়া একেবারে আমার কপালে মারিয়া বসিল। Soldierটি যদিও boyকে ঐ porridgeএর বাটিটা দিয়া দিবার জন্য অনুরোধ করিল তথাপি

boy আপন কর্তব্য ভুলিল না, তাহাকে খাওয়ানিতে লাগিল। আমি যেন কিংকর্তব্যবিমূঢ় হইয়া আপন cell এ ফিরিয়া আসিলাম।

বসিতে ভুলিয়া গিয়াছি আমি মাদ্রাজ পাগলা-গারদে আসিবার পরের দিনই আমার বন্ধু ছুটিয়া গেল। সেও সেখানকার একজন Political prisoner, Tinnevelly হইতে চারি বৎসর কারাদণ্ডে দণ্ডিত হয়। সে তখন পাগলা গারদের অধীনে অপেক্ষাকৃত সুস্থ কয়েদীদিগের জন্য যে স্থান নির্দিষ্ট আছে সেখানে থাকিত ও কাজ করিত। আমার সঙ্গে প্রথম দেখা হইবার সময় বড় একটা কথাবার্তা কিছু হইয়া উঠিল না, তবে আমি যেখানে থাকিতাম সেখানটা ছিল হাসপাতালের অধীনে, কাজেই ঔষধের জন্য অথবা অন্য কোনও একটা আচ্ছিনায় সে আসিয়া মাঝে মাঝে আমার সহিত দেখা করিয়া যাইত। ক্রমে উহার সাহায্যে এবং লোকের মুখে শুনিয়া শুনিয়া একটু তামিল ভাষা শিখিতে লাগিলাম।

Richardson আমার পাশের কুঠুরিতে আসিবার কিছুদিন পরেই আমাকে অপর একটি কুঠুরিতে বদলী করা হয়। সেখান হইতে বদলী হইবার পূর্বে একটা বিষয় লক্ষ্য করিয়াছিলাম যে উহার শরীরে এমন সকল উৎকট রোগ-বিষ প্রবর্ত হইত যে উহার মুখ হইতে যে খুঁত ফেলিত তাহা মাটিতে পুড়িয়া একেবারে সাদা ফেনার মত চটচটে হইয়া জ্বলিয়া যাইত এবং উহার উপর মাছি আসিয়া বসিলে সে প্রায় আধ হাত দূর হইতে তর্জনীর দ্বারা লক্ষ্য করিয়া ইংরাজী alphabet হইতে কোনটি অক্ষর উচ্চারণ করিয়া মাত্র যে মাছিটির প্রতি লক্ষ্য করা হইয়াছিল সেটি মরিয়া যাইত ; এইরূপে ক্রমান্বয়ে ৪।৫টি মাছি মরিয়া যাইতে আমি স্বচক্ষে দেখিয়াছি। ঐরূপ অবস্থায় উপযুক্ত আহাৰাদির ব্যবস্থা না থাকিলে হয়ত সে নিঃশেষে ঐ বিষের হাত হইতে রক্ষা পাইত কি না সন্দেহ।

পূর্বে কুঠুরি হইতে বদলীর পল আমাকে যে কুঠুরিতে রাখা হইল তথায়

যাইতে না যাইতে আমি এক মহা উৎপাতের মধ্যে পড়িয়া গেলাম । একদিন সন্ধ্যার সময় আমি আমার বিছানার উপর শুইয়া আছি এমন সময় তথাকার একজন ওয়ার্ডার আসিয়া “হ্যাঁ তুমি এখন সন্ধ্যার সময় পড়িয়া যুমাইতেছ” এই বলিয়া হঠাৎ আমার ঘুম ভাঙাইয়া দেয় । আমি তখনও মাল্লাজের পাগলা গারদে নূতন বলিতে হইবে ; সেখানকার হাল চাল তখনও ভালরূপ জানিনা । ওয়ার্ডারের ঐরূপ ব্যবহার দেখিয়া একেবারে চটিয়া গিয়া উহাকে তীব্র ভৎসনা করিলাম, ; ওয়ার্ডারও একেবারে কাণ্ডজ্ঞানশূন্য হইয়া আমাকেই ভয় দেখাইবার চেষ্টা করিল ও অর্পর একজন ওয়ার্ডারকে একখানা চটের কঞ্চল আনিতে বলিল । চটের কঞ্চল আসিলে নিজে চাবি দিয়া তালা খুলিয়া আমার কুঠুরির ভিতর প্রবেশ করিল ও ঐ কঞ্চল দিয়া আমার মুখ গলা পর্য্যন্ত জড়াইয়া জোরে টানিয়া ধরিল এবং সম্মুখে, পশ্চাতে, দক্ষিণে এবং বামে কয়েকবার কাত করিয়া অবশেষে টানিয়া উপর দিকে লম্বা করিয়া তুলিল, এবং সেই সঙ্গে সঙ্গে আমার সর্বশরীরে খুব প্রহার করিল ।

এইরূপ চলিতেছে এমন সময় বোধ হইল যেন আমার ঘরের চারিদিক ঘিরিয়া ঘূর্ণিবায়ুর মত কি একটা চলিয়া যাইতেছে এবং পর মুহূর্ত্তেই বোধ হইল যেন আমার মুণ্ডটা উড়িয়া গিয়াছে । এরূপ অবস্থা দেখিয়া যে ওয়ার্ডার আমাকে মারিতেছিল সেও ভীত এবং বিমূঢ়ের ন্যায় বলিয়া উঠিল একি ব্যাপার !!! কত লোককে এই রকম মারিয়াছি কিন্তু এইরূপ ত কখনও দেখি নাই !! আমার মাথা উড়িয়া গিয়াছে এরূপ বোধ হইয়াছিল অসুমান কয়েক বৎসর কাল, এবং ঐ সময়ের জন্য আমিও সংজ্ঞা হারাইয়াছি এরূপ বোধ করি নাই । বা কিছু হইতেছে গুনিতে পাইতেছি এবং এক প্রকার দেখিতে পাইতেছিও বলা যাইতে পারে । কারণ তখন আমার ঠিক বোধ হইতেছে যেন আমি কবকের ন্যায় মাটিতে পড়িয়া আছি এবং ঐ অবস্থাতেই



শনির দৃষ্টিতে গণেশের মুণ্ড উড়িয়া গিয়াছিল এই আখ্যায়িকার কথাও মনে মনে আলোচনা করিয়া লইলাম।

কয়েক সেকেণ্ড পরেই যখন আবার ধড়ে মাথা আসিয়া লাগিয়াছে বলিয়া অনুভব করিলাম তখন মনে হইল বুকি বা বাঁচিয়া গেলাম। অতঃপর যখন আমাকে সেই রাত্রে জন্ম অণু এক ঘরে লইয়া যাওয়া হইল, তখন বোধ হইতে লাগিল যেন আমার ঘাড় উঠের মত হইয়া গিয়াছে। পরদিন সকাল বেলা Superintendent আমাকে দেখিতে আসিলে আমি পূর্ব রাত্রে ঘটনা কিছুই বলিলাম না; কিন্তু মারের চোটে আমার সর্কশরীরে এমন বেদনা অনুভব করিতেছিলাম যে একেবারে আড়ষ্ট হইয়া জড়বৎ এক কোনে বসিয়া রহিলাম। Superintendent সাহেব আমার অবস্থা দেখিয়াই বুকিতে পারিলেন একটা কিছু ব্যাপার হইয়া গিয়াছে, কারণ তাঁহাদের ত পাগলা গারদের কাণ্ড জন্মাই আছে, সুতরাং তিনি আর কিছু জিজ্ঞাসা না করিয়াই আমার জন্ম আহাৰাদির এবং অন্যান্য নানা প্রকার সুব্যবস্থা করিয়া দিলেন। এইরূপে ঐহার স্নেহ যত্নে কিছুদিনের মধ্যে কতকটা সুস্থ বোধ করিতে লাগিলাম।

অবশেষে এক দিন হাসপাতাল হইতে আমাকে Criminal enclosure এ পাঠান হইল, সেখানে গিয়া আমার পূর্বকথিত বন্ধুর দেখা পাইলাম এবং তাঁতশালার কাজ কিছু কিছু করিতে আরম্ভ করিলাম। ক্রমে কাজ কর্মের ভিতর বেশ একটু স্মৃতি পাইতে লাগিলাম এবং কতকটা সহজ ভাবেই সময় কাটিতে লাগিল। উপরোক্ত বন্ধুর নিকট সেখানকার স্থানীয় ভাষা শিক্ষা করিবারও একটা বিশেষ সুবিধা পাইলাম, কারণ ইংরাজি জানা লোক না হইলে ভারতীয় অন্যান্য ভাষা যেমনই হোক, তামিল ভাষা শিক্ষা করা এক প্রকার অসম্ভব হইয়া পড়িত। সংস্কৃত মূল ভাষা ভাষীর পক্ষে একেবারে বিভিন্নমূল তামিল ভাষা এক প্রকার হুর্কোধ্য কটমট বলিয়া বোধ হয়, তবে অবশ্য আজকালকার

আধুনিক তামিল অনেক সংস্কৃত শব্দদ্বারা আপন কলেবর পুষ্ট করিয়াছে। তাই প্রথম প্রথম স্থানীয় লোকদিগের কথাবার্তার ভিতর যে সকল সংস্কৃত শব্দ ব্যবহৃত হইত, কাণ পাতিয়া সেইগুলিই লক্ষ্য করিতাম এবং তৎসাহায্যে একটী অর্থ করিয়া লইতাম; হয়ত এক এক সময় একেবারে বিপবীত অর্থ করিয়া বসিতাম, না হয় আপনার মন গড়া একটা কিছু অর্থ করিয়া লইতাম, পরে কেহ বুঝাইয়া দিলে নিজেই আপন উদ্ভাবনী শক্তির দৌড় দেখিয়া হাসিতাম।

এইরূপে বেশ এক রকম কথিয়া সময় কাটিতেছে এমন সময় একদিন হাসপাতাল হইতে এক ওয়ার্ডার আসিয়া আমাকে লইয়া যাইবার জন্য উপস্থিত। জিজ্ঞাসা করিলে বলিল “তোমার অসুখ করিয়াছে, তোমাকে হাসপাতালে বাইতে হইবে, Superintendent সাহেবের হুকুম।” আমি দেখিলাম ব্যাণার মন্দ নয়; আমার অসুখ আমি না জানিলেও উহাদের আবশ্যক হইলে জানিবার পক্ষে কিছুই আটকার না। আমি জিজ্ঞাসা করিলাম “কি অসুখ হইয়াছে?” সে আমার প্রশ্নের বেগ সামলাইতে না পারিয়া “কথার উপর কথা কও কেন?” এই বলিয়া আমাকে থামাইতে চেষ্টা করিল ও বলিল “Superintendent সাহেব যখন হুকুম দিয়াছেন তখন তোমার কফ্ টক্ কিছু একটা নিশ্চয়ই হইয়াছে।” আমি আর কি বলিব, কোনও উচ্চ বাচ্য না করিয়া হাসপাতালে গিয়া হাজির হইলাম। সেখানে তখনকার জন্ত আমাকে special patients দের জন্ত নির্দিষ্ট একটা ঘরে রাখা হইল এবং আমার ঘেন ভারি অসুখ করিয়াছে তাই একখানা easy chair এ চিৎ করিয়া শোয়াইয়া রাখিবার জন্ত একজন ওয়ার্ডার ও nurse মিলিয়া আমার উপর মহা জোড়জবরদস্তি আরম্ভ করিয়া দিল। আমিও কিছুতেই শুইয়া থাকিতে রাজি হইলাম না। অবশেষে আপোষ নিষ্পত্তি করিয়া ঐ চেয়ারে বসিয়া থাকিতে রাজি হইলাম।

এদিকে তখনই আবার আমার ঘরের নিকটে আর একটি ঘবে ভেঙ্কির খেলা চলিয়াছে। পূর্বে আন্দামান হইতে আসিবার সময় আমার যে কনিষ্ঠ ভ্রাতার আবির্ভাব সম্বন্ধে উল্লেখ করিয়াছি এখানে আবার তাহারই কণ্ঠস্বর শুনিয়া সেই দিকে লক্ষ্য করিতেই, যদিও মাঝে কয়েকটা দর ব্যবধান তথাপি, উহাকে বেশ স্পষ্ট দেখিতে পাইলাম। এবার আর সেই খালি গা, এক ধুতি পরা দৈন্যদশার মূর্তি নহে ; একেবারে সাহেবীমানা-কোট প্যান্ট পরা ফিট্ ফাট্, ৫ বং অপর একটি ইংরেজ বালিকার সহিত ফষ্টি নষ্টি হইতেছে। অনুমানে ধরিয়া লইলাম যাহার সহিত উহার বিবাহ হইয়াছে শুনিয়াছি এ সেই মেয়ে হইবে।

এখানে আবার বলিয়া রাখি যে আন্দামানে উহার প্রথম আবির্ভাবের পর হইতে উহার বিলাত যাত্রা সম্বন্ধে আমার ধারণা একেবারে এমনি পরিবর্তিত হইয়া গিয়াছিল যে জেল হইতে নিষ্কৃতি পাইয়া বাড়ী আসা পর্যন্ত তাহার সম্পূর্ণ সংশোধন হয় নাই বলিলেও চলে। সুতরাং এই ব্যাপারেও আমার ধারণা জন্মিল যে সে মাদ্রাজেই কোথায় আসিয়া রহিয়াছে এবং স্থানীয় কোনও ইংরাজ অথবা Anglo Indian এর মেয়েকে বিবাহ করিয়া বাড়ীতে জানাইয়াছে যে সে বিলাতেই ঐরূপ করিয়াছে। কিছুকাল পরে উহার হাসপাতালের ফটক দিয়া বাহির হইবে এমন সময় দেখিলাম উহার সঙ্গে Dr. Sundari Mohan Das এর ছেলে প্রেমানন্দও রহিয়াছে। সে যেন Salvation Armyর (মুক্তি ফৌজদিগের) প্রথামুখারী সেখানকার স্থানীয় মালবানী ধরণে একখানা কাপড় কাছা না দিয়া লুঙ্গির মত করিয়া গুড়াইয়া লইয়াছে। উভয়ে ফটকের দিকে অগ্রসর হইয়া ফটক বন্ধ দেখিয়া তেঁর একটু অপ্রস্তুত হইয়া দাঁড়াইল, পরে সুন্দরী বাবুর ছেলেই আবিষ্টের মত একজন ওয়ার্ডারের নান ধরিয়া ডাকিতেই সে আসিয়া দরজা খুলিয়া দিল এবং উহারাও যেন বাহির হইয়া হাফ ছাড়িয়া বাঁচিল।

আমার সহিত উহাদের কোনও আলাপ সালাপ হইল না, কেবল মাত্র আমি যে সেখানে আছি তাহা টের পাইরাছে এরূপ ইঙ্গিত করিল মাত্র।

হাসপাতালে থাকিয়া এইরূপ ভাবে কিছুদিন কাটিতেছে, এমন সময় একদিন বৈকাল বেলা সেখানকার Deputy Superintendent আমার পিছনদিক হইতে আসিয়া আমাকে ডাকিলেন এবং বলিলেন “দেখ দেখি উহাদের চেন কি না?” আমি চাহিয়া দেখিলাম মা ও বাবা উহার সঙ্গে আসিয়াছেন। বহুদিনের দুঃখ দুর্দশার পর এই পিতৃমাতৃদর্শন ও তাঁহাদের সেই যত্ন লাভ আমার পক্ষে কতটা সৌভাগ্য ও সুখের বিষয় হইল তাহা বোধ হয়-কাতাহাকেও আর বলিয়া দিতে হইবে না। Deputy Superintendent এর সহিত দুই একটি কথাবার্তার পর তিনি চলিয়া গেলে, মা বাবার সহিত বাড়ীর সকলের কুশল প্রশ্নের পর, আমার কনিষ্ঠ ভ্রাতার বিষয় জিজ্ঞাসা করাতে জানিলাম সে বিলাতেই আছে। বলিলাম “তা কেমন করিয়া হইবে, আমি যে উহাকে সেদিন এখানে দেখিলাম!” তাঁহারা ত শুনিয়া অবাক হইয়া গেলেন, সে বাহা হোক, মা বাবা প্রায় মাসাবধিকাল মাদ্রাজে থাকিবেন বলিলেন এবং প্রতি সপ্তাহে দুইবার করিয়া আমার সহিত দেখা করিবার বন্দোবস্ত করিলেন। পরে একদিন আমার বিশ্বাস জন্মাইবার জন্ত আমার কনিষ্ঠ ভ্রাতার সঙ্গীক photo ও তাহার বিলাতের চিঠি আনিয়া দেখাইলেন, তথাপি আমার যেন কেমন সন্দেহ ভঞ্জন হইল না। মনে মনে চিন্তা করিয়া উহার কিছুই ঠিক করিয়া উঠিতে পারিলাম না। হইই চাক্ষুষ প্রত্যক্ষ, একদিকে উহার প্রেরিত photo ও চিঠি পত্র, অপর দিকে উহার সশরীর আবির্ভাব; ব্যাপারখানা এমনই জটিল বলিয়া বোধ হইতে লাগিল যে বুদ্ধি বিচার হার মানিতে বাধ্য হইল। তবে, লোকের জিজ্ঞাসা করিলে বলিলাম যে আমার কনিষ্ঠ ভ্রাতা বিলাতেই আছে, কিন্তু কথাটা খুব ছোর করিয়া বলিতে পারিতাম না।



এই সকল দেখিয়া শুনিয়া মনে হয় যে আমাদের পক্ষে অস্তিত্বগুণসম্পন্ন জাগতিক ঘটনাবলীর প্রত্যেকটির ঠিক তুল্যসম্পর্কে নাস্তিত্বগুণসম্পন্ন এমন প্রতিক্রিয়া আছে যাহা স্থান ও কালবিশেষে প্রকটিত হইলে, সত্য মিথ্যার একেবারে বিপর্যয় ঘটাইয়া দিতে পারে। তবে পার্থিব সম্পর্কে অস্তির রাজ্য বতদিন পর্য্যন্ত না আপন কর্মোদ্যম নিঃশেষে ব্যরিত করিয়াছে ততদিন পর্য্যন্ত নাস্তির রাজ্য আপন আধিপত্য সর্বতোভাবে বিস্তার করিবার সুযোগ পায় না। কেবল বিশেষ বিশেষ অবস্থাতে আকস্মিক ভাবে প্রকটিত হয় মাত্র। কিন্তু এই আকস্মিকতাই আমাদের চিরাত্যস্ত ও জ্ঞাত্যদোষ-বৃত্ত বুদ্ধির পক্ষে জ্ঞানাজননশলাকা, বাহার উপকারিতা ক্ষুদ্র বৃহৎ ভেদে সকল ব্যাপারেই কখনও না কখনও আমরা সকলেই অনুভব করিয়া থাকি। বাহ্যবস্তুবিষয়ক জ্ঞানলাভ করিতে হইলে আমরা দুই বিপরীত দিক হইতে উহা লাভ করিতে পারি। প্রথমতঃ কোনও বাহ্য বিষয়কে উহার পারিপার্শ্বিক বিষয় হইতে বিশ্লেষণ করিয়া তৎপ্রতি আপন মনোযোগ স্থাপন দ্বারা, অথবা দ্বিতীয়তঃ কোনও বাহ্য বিষয় পারিপার্শ্বিক বিষয় হইতে আপন বিশিষ্টতা গুণে অথবা পার্থক্যের প্রাবল্যে আমাদের মনোযোগ আকর্ষণ করিলে পর। এস্থলে বিষয় বলিতে কেবল জড় বস্তু বুঝিলেই চলিবে না, চেতন অচেতন উদ্ভিদ সর্বপ্রকার বিষয়ই বুঝিতে হইবে। সাধারণ ভাবে আমরা আমাদের অস্তিত্বকে তিন ভাগে বিভক্ত করিয়া দেখি। যথা শারীরিক, মানসিক এবং আধ্যাত্মিক। ইংরাজীতে একটি প্রবাদ আছে “Birds of a feather flock together” বাক্যটির বাহ্যিক বলা “চোরে ২ মাসতুত ভাই”। তেমনি আমাদের জড়গুণসম্পন্ন শরীর বাহ্য জড় প্রকৃতির সহিত, এবং চেতন গুণ সম্পন্ন মন ও আত্মা চেতন গুণ সম্পন্ন উদ্ভিদ ও প্রাণী জগতের সহিত সহজ ও নিকট সহজে সহজ। পরস্পর পরস্পরের প্রতি, ঘাত প্রতিঘাত দ্বারা সহজ ভাবে আদান প্রদান এবং

ভাব বিনিময়ে শ্রম, ইংরাজিতে যাহাকে বলে conduction ; কিন্তু যদি ইহাদের মধ্যে কোনও একটা এক থাক ডিঙ্গাইয়া অপর কোনটির সহিত ঘাতপ্রতিঘাত স্বরূপ স্থাপন করিবার চেষ্টা করে তাহা হইলেই সহজ ও সাধারণ নিয়মের ব্যতিক্রম হইয়া পড়ে। ফলে আমরা আপন স্বভাবগত সাম্য হারাষ্টয়া আকস্মিকতার রাজ্যে আসিয়া পড়ি। অবশ্য ইহা স্বীকার করিতে হইবে যে এই আকস্মিকতাই আমাদের আমিত্ববোধকে জাগাইয়া তোলে এবং এই আমিত্ববোধই আমাদের ব্যক্তিগত বিশেষত্ব রক্ষার প্রধূন উপকরণ। এই আমিত্ববোধ জাগরণের সঙ্গে সঙ্গেই জীব সাবালকত্ব প্রাপ্ত হয় ও আপনাপন শুভাশুভ কর্মফল ভোগের অধিকারী হইয়া থাকে। নচেৎ কেবল নাবালকের অছিগরি করিয়া স্বয়ং ভগবানকেও নাস্তা নাবুদ হইতে হইত সন্দেহ নাই।

যাক্, এখন আর আমাদের এই সকল গবেষণা লইয়া মাথা না ঘামাইলেও চলিবে, আমাদের ইতিবৃত্ত পুনরাবৃত্ত করা যাক্। মা, বাবু সেখান হইতে চলিয়া আসিলে পর আমিও পুনরায় আমাদের কর্মস্থান Criminal enclosure এ ফিরিয়া আসিলাম। এবারও পূর্বের ছায় তাঁতের কাজ করিতে আরম্ভ করিলাম এবং সকাল হইতে বৈকাল ৪টা পর্য্যন্ত এই কাজ করিতাম। মধ্যে কেবল আহারের জন্ত এক আধ ঘণ্টা ছুটি লইতাম। তবে এখানকার কাছে এই সুবিধা ছিল যে কেহ কখনও কাজের জন্ত অবসর পাইত না, সুতরাং যাহা কিছু করিতাম নিজের ইচ্ছাধীন বলিয়া কাণ্ডটা একটা বোঝা বলিয়া বোধ হইত না এবং কাজও অনেক বেশী করিতে পারিতাম।

এখানেই বেশ বুঝিতে পারা যায় যে লোককে অনবরত কাজের জন্ত খেঁচাখেঁচি না করিয়া যদি তাহাকে তাহার স্বাধীন কর্তব্যবুদ্ধির উপর ছাড়িয়া দেওয়া যায়, তাহা হইলে সে যেমন সুস্থ বোধ করে এবং কাজ করিতে



পারে, তাহার ইচ্ছার বিরুদ্ধে তাহার স্বক্ষে চাপিয়া কাজ আদায় করিতে গেলে কখনও সে সেরূপ পারে না, কাজেই “যেন তেন প্রকারেণ” এক রকম করিয়া সারিয়া লয় এবং সুবিধা পাইলেই মাথা ফস্কাইবার চেষ্টা করে ।

একদিন সকাল বেলা তখনও কাজে যাই নাই, কেবল যাইবার জন্ত প্রস্তুত হইতেছি এমন সময় দেখিতে পাইলাম ফটকের দিক হইতে তিন চার জন স্ত্রীলোক আমাদের তাঁতের কারখানার দিকে আসিতেছে । আমি এক পাশে সরিয়া দাঁড়াইলে উহারা তাঁতশালার প্রবেশ করিল এবং আমিও উহাদের পশ্চাৎ পশ্চাৎ কিছুদূর অগ্রসর হইয়া কারখানার প্রবেশ দ্বারের নিকট দাঁড়াইলাম । উহারা সোজা লম্বালম্বি ভাবে তাঁতশালার এক প্রান্ত হইতে, অপর প্রান্ত পর্য্যন্ত বাইরা ফিরিবার সময় উহাদের মধ্যে একজন হঠাৎ যেন আমাকে লক্ষ্য করিয়া একেবারে এক নিশ্বাসে আমার দিকে অগ্রসর হইতে লাগিল এবং নিকটে আসিলে মনে হইল যেম আমাকে হাত বাড়াইয়া ধরিতে চাহিতেছে, কিন্তু কেন যেন কিছুতেই পারিতেছেন না, অবশেষে হার মানিয়া বলিল “না, এ হইবার নয়” । আমি চাহিয়া দেখিলাম আমার যে আত্মীয়ের কথা পূর্বে আন্দামান বিবরণে উল্লেখ করিয়াছি ইনি তিনিই, কেবল গড়ন খানা একটু লম্বা ছাঁদের, হাতে গিণ্টি সোণার বালা ও কানে পূর্বে উহার বেরূপ ear drops দেখিয়াছি, ঠিক সেইরূপই, তবে একটু বড় এবং সবই গিণ্টি সোণার কাজ, পরিধানে একখানা গোলাপী রংএর সাড়ি । উহার সঙ্গিনীর সকলেই মাল্জাজি মেয়ে । ব্যাপার দেখিয়া আমরা উভয়েই কিছুক্ষণ স্তম্ভিত হইয়া দাঁড়াইলাম, অবশেষে সকলে মিলিয়া বাহিরে আসিলে পর বাহ্য কিছু কথা বার্তা হইল তাহাতে আমি কেবল মূক রূপে মাথা নাড়িয়া স্মৃতি অথবা অনুস্মৃতি জ্ঞাপন করিলাম মাত্র ।

এখানে বলিয়া রাখা দরকার এতাবৎ আমার নিকট যতবার এইরূপ আকস্মিক আবির্ভাব ঘটিয়াছে প্রত্যেক বাবই আমাকে পরস্পর কথাবার্তার

মধ্যে মুকুটের অঙ্কন করিতে হইয়াছে; একবারও মুখ কুটরা কথা বলিতে পারি নাই। তবে ইহাও বলি এই মুকাবহার জন্য উহাদের নিকট আপন মনোভাব জ্ঞাপন বিষয়ে কোনই অনুবিধা অনুভব করি নাই। বলিতে কি, আমার মনের অবিকল ভাবটি যেন ঠিক সময়ে আমার মুখ হইতে কাড়িয়া লইয়া উহারা আমার নিকট উপস্থিত করিয়াছে, তাহাতে সম্মতি বা অসম্মতিহীন কোন ইঙ্গিত করিলেই আমার পক্ষে যথেষ্ট হইয়াছে। এইরূপে কিছুক্ষণ কথা-বার্তার পর উহারা বাহিরের দিকে অগ্রসর হইতে লাগিল এবং ফটকের নিকট আসিলে আমিও তথায় উপস্থিত হইলাম। সেখানে Guard roomএ যে European warder উপস্থিত ছিলেন তিনি আমাকে জিজ্ঞাসা করিলেন “ইনি কে?” অর্থাৎ ঐ গোলাপী রংএর কাপড় পরা মেয়েটী কে, আমি আর কি বলিব, চূপ করিয়া রহিলাম, অর্থাৎ অনুমান করিয়া লউন এইরূপ ইঙ্গিত করিলাম মাত্র। European warderটী সেখানকার স্থানীয় একজন christian আমাকে ঠিক আপন ছোট ভাইয়ের মত দেখ করিতেন এবং তেল হইতে ছাড় পাইয়া কলিকাতা আসিবার সময় ইনিই আমাকে লইয়া আসেন। আমার ইঙ্গিত বুঝিয়া তিনি বলিলেন “বুঝিয়াছি ইনিই তোমার প্রথমস্ত্রী, কিন্তু তুমি ভুল করিতেছ, ইহারা মানবী নহেন।” আমি কথটা একেবারেই বুঝিতে পারিলাম না, সুতরাং আমার ধারণা পূর্ববৎই রহিয়া গেল; তাবিলাম পূর্বে যে রূপ কোনও উদ্যানে আন্দামান আসিয়া উপস্থিত হইয়াছিল সেখিয়াছি, এদারও সেইরূপ, আমি আন্দামান হইতে চলিয়া, আসিয়াছি বলিয়া, একজন আসিয়া উপস্থিত। উহারা ফটকের বাহির হইয়া চলিয়া যাইতে লাগিল এবং আমি কেবল হাঁ করিয়া উহাদের দিকে চাহিয়া রহিলাম, অবশেষে কিছুদূর অগ্রসর হইয়া যেন আমার ঐরূপ লক্ষণগুলি বুঝা করিতে না পারিয়া আমাকে আন্দামান বিহার জন্ত বলিল “এরূপ আবে চাহিয়া থাকিও না, আমি নিকটেই আছি, তবু কিছুমাত্র মাঝে দেখা হইবে।”

আমিও যেন ঐ কথায় আশ্বস্ত হইয়া ফিরিলাম । কথাবার্তা যা কিছু হইল তখনকাল জন্য সব ইংরাজীতেই হইল এবং সে এমন সচ্ছন্দ ভাবে ইংরাজী বলিতে শিখিয়াছে দেখিয়া আশ্চর্য হইলাম এবং খুসীও হইলাম ।

এই ঘটনাব পর আর এক দিন সন্ধ্যাবেলা সকলে, আহাবাদির পর, আপনাপন cell অথবা ঘরে আবদ্ধ আছি এমন সময় কেমন কবিতা কোথা হইতে আমাদের পূর্বোক্ত আত্মীয়সী আসিয়া আমার cellএব সম্মুখে হাজির, এবার আর সঙ্গিনী দলবৎ কেহই সঙ্গে নাই, নিজে একা মাত্র । কিছুক্ষণ আমার cell এর সম্মুখে দাঁড়াইয়া কথাবার্তা হইল, অবশ্য আত্মীয় উহাতে পূর্বের ন্যায় মুকরূপেই অবস্থান করিতে লাগিলাম এবং ইঙ্গিত-দ্বারা সম্মতি অথবা অসম্মতি জ্ঞাপন করিতে থাকিলাম । একরূপ ভাবে আর কত দিন কাটিবে ! পূর্বের ন্যায় যদি আন্দামানে থাকিতাম তাহা হইলে হয়ত ১০ বৎসর পরে Ticket of leave লইয়া বিবাহাদি করিয়া একসঙ্গে বসবাস করা সম্ভবপর হইত, কিন্তু এ পাগলা গারদ ( Lunatic Assylum ), এখানে একরূপ কোনই ব্যবস্থা নাই, সুতরাং উপায়ান্তর না দেখিয়া বলিলাম ( অর্থাৎ উহার মুখেই কথাটা বলা হইল, আমি তাহাতে সার ক্লিয়ার মাত্র ) “আপাততঃ আপন ভরণ পোষণের জন্য কোথাও একটা কাজ কর্ষ খুঁজিয়া লও এবং যা হোক করিয়া দিনান্তিপাত করিতে থাক । ২০ বৎসর পরে হইলেও যদি কখনও কাঙ্ক্ষিত লাভ করিতে পারি, পুনরায় মিলিত হইব ।” বলা বাহুল্য আমি ইহার সহিত পার্থিব জ্ঞানেই বাহ্য কিছু বলিবার বলিরাছি, নচেৎ একরূপ কথা হইবারই কোনও কারণ ছিল না । সেই যদিও মাঝে মাঝে আপন প্রকৃত স্বরূপ আমাকে বুঝাইবার প্রয়াস পাইয়াছে, তথাপি আমার পক্ষে উহা ধারণা করা একেবারেই সম্ভব হয় নাই । একেবারে আত্মসম্মান রক্ষা মাংসের শরীর আমার সম্মুখে দাঁড়াইয়া কথা কহিতেছে, উহার সম্বন্ধে অন্য প্রকার ধারণা কি করিয়া মনে স্থান পাইবে ?

সুতরাং তখন হইতে আমার মনে এই ধারণা বদ্ধমূল হইয়া গেল যে সে নিকটেই কোথাও রহিয়াছে ; শুধু সে কেন, যা বাবা আমার সহিত দেখা করিয়া চলিয়া যাইবাব পর হইতে তাঁহাদের সম্বন্ধেও ঐরূপ একটা ধারণা জন্মিয়া গেল ; কনিষ্ঠ ভ্রাতার কথা ত পূর্বেই বলিয়াছি। এইরূপে আত্মীয় স্বজনদিগের মধ্যে ক্রমে আরও অনেকের সম্বন্ধেই ঐরূপ ধারণা জন্মিতে লাগিল। সর্বদাই যেন তাঁহারা নিকটেই কোথাও আছেন এইরূপ মনে হইত।

ইহার কারণ, তাঁহাদের প্রত্যেকেরই আতিবাহিক সত্তা এমনি ভাবে আমার মনসাকালকে পূর্ণ করিয়া অবস্থান করিত যে আমার ভ্রাতাহাতেই ভ্রম জন্মাইয়া দিত এবং আমি অনুমান করিয়া লইতাম যে তাঁহাদের পার্থিব সত্তাও নিকটেই কোথাও অবস্থিত। তখনও এই আতিবাহিক সত্তা সম্বন্ধে আমার ধারণা বিশেষ পরিস্ফুট হয় নাই, সুতরাং পার্থিবের সহিত অনেক সময়ই জড়াইয়া ফেলিয়াছি এবং ভ্রমে পতিত হইয়াছি। তখন মনে হইয়াছে আতিবাহিক মখন এত সন্নিকট তখন পার্থিবও অবশ্য নিকটেই কোথাও হইবে, নচেৎ ইহা আসিবে কেনন করিয়া! সাধারণ ভাবে যেমন ভ্রাণেশ্রিয় দ্বারা কোনও সুব্রাণ অনুভূত হইলে নিকটেই কোথাও ঐরূপ ভ্রাণবিশিষ্ট কোনও বস্তু রহিয়াছে এরূপ অনুমান হয়, অথবা শ্রবণেশ্রিয় দ্বারা কোনও পরিচিত কণ্ঠস্বর শ্রুত হইলে ঐ ব্যক্তি নিকটেই কোথাও রহিয়াছে এরূপ অনুমান করিতে কোনই বিধা বোধ হয় না, এহলে আমার অনুমানও কতকটা প্রায় তরূপ বলিতে হইবে; এবং বলিতে কি যদি জেল হইতে একেবারে নিষ্কৃত পাইয়া বাহিরে না আসিতাম তাহা হইলে আমার এই ভ্রান্ত ধারণা কখনও পরিবর্তিত হইত কিনা কে বলিতে পারে?

প্রথম অবস্থায় যখন ঐ সকল বিষয়েই আবির্ভাব হইত তখন সত্য হোক, মিথ্যা হোক, এক প্রকার আত্মপ্রসাদ লাভ হইত। আত্মীয়স্বজনগণের



অভাবজনিত ছঃখ বড় একটা মনে স্থান পাইত না, কিন্তু ক্রমে ব্যাপার এমনই গড়াইতে লাগিল যে এই অপরিচিত রাজ্যের সহিত নিঃসঙ্কোচ ঘনিষ্ঠতার ফল হাড়ে হাড়ে অনুভব করিতে বাধ্য হইলাম। থাক, সে কথা আর বলিরা এখন কাজ নাই, আপন অজ্ঞতার ভোগ আপনি ভুগিয়া আবু কাহার ঘারে চাপাইব ?

এখন কথা হইতেছে ঐ সকল অতিলৌকিক দেহের সহিত আমাদের এই পার্থিব দেহের একরূপ ধর্মগত পার্থক্য কি করিয়া সম্ভবপর হইতেছে? প্রথমতঃ দেখিতেছি আমাদের পার্থিব সত্তা লাভ করিতে হইলে দশ মাস গর্ভ-বাস ব্যতীত গত্যান্তর নাই, কিন্তু উহাদিগেব সম্বন্ধে তেমন কোনও বিধি দৃষ্ট হইতেছে না। আমাদের যেমন নগ্ন দেহে মাতৃক্রেড়ে অঙ্গগ্রহণ করিতে হইতেছে, উহাদিগের তাহা কিছুই করিতে হইতেছে না, বরংক্রমে আপন পূর্ণাবয়ব লইয়া, এমন কি বসনভূষণে সুসজ্জিত হইয়া আবির্ভূত হইতেছে; ইহাদের জন্ম মাতৃক্রেড়ের কোনই অবশ্যক দৃষ্ট হইতেছে না, ইহার অর্থ কি? এক যাত্রায় পৃথক ফল কেমন করিয়া সম্ভব হইতেছে! একেবারে পার্থিব দেহ ধারণ করিয়া আসিবে, অথচ উহাতে পার্থিব ধর্মের কোনই বন্ধনই দৃষ্ট হইবে না, ইহা স্বীকার করিতে গেলে যে আমাদের দর্শন বিজ্ঞান সব একেবারে বাতিল হইয়া যাইবার কথা। কিন্তু তাহাই বা কেমন করিয়া স্বীকার করি। সচরাচর আমাদের পার্থিব ধর্মী জীবের পক্ষে পার্থিব দর্শন বিজ্ঞান অকাট্য বলিরাই প্রমাণিত হইতেছে, সুতরাং ইহা স্বীকার করিতে হইতেছে যে এই দুই আপাতঃ বিপরীত রাজ্যের মধ্যে অবশ্য কোথাও একটা সামঞ্জস্য রহিয়াছে, নচেৎ সর্বতোভাবেই এক অস্ত্রের শীকার বহির্ভূত থাকিয়া যাইত। পরস্পর পরস্পরের সহিত পরিচিত হইবার কোনই কারণ হইত না। এখন দেখা যাক, এই সামঞ্জস্য কোথায় এবং কি প্রকার।

মোটামুটি ভাবে বুলিতে গেলে আমাদের আর্গতিক আবর্তন বিবর্তনের ফলে দুইটা শক্তি কার্য করিতেছে দেখিতে পাই—একটা সক্রিয় এবং

অপরদিকে কেন্দ্রাতিগ। কেন্দ্রাতিগ শক্তির বলে পার্থিব বস্তুনিচয় পৃথিবীর কেন্দ্রের দিকে আকৃষ্ট হইতেছে এবং কেন্দ্রাতিগ শক্তির বলে বিপরীত দিকে ধাবমান হইবার প্রয়াস পাইতেছে। এই উভয় শক্তির সাম্যাবস্থাতে বস্তুনিচয় কোন এক দিকে বিক্ষিপ্ত না হইয়া স্বস্থানে অবস্থান করিতে সমর্থ হইতেছে। সাধারণ জড়বস্তু সম্বন্ধে এই বিধিই যথেষ্ট হইলেও ইচ্ছাশক্তিসম্পন্ন জীব সম্পূর্ণরূপে ঐ পূর্বোক্ত দুই শক্তির অধীন দৃষ্ট হয় না। জীব ঐ দুই শক্তির মধ্যবর্তী রূপে অবস্থানপূর্বক আপন ইচ্ছানুরূপ এক তৃতীয় শক্তির প্রয়োগের দ্বারা যথেষ্ট বিচরণ কবিতে সক্ষম। তবে এই ইচ্ছা শক্তিকেই যদি আমরা মাধ্যাকর্ষণ, মহাকর্ষণের ন্যায় অথবা কেন্দ্রাতিগ কেন্দ্রাতিগ শক্তির ন্যায় পার্থিব এবং অপার্থিব এই দুই ভাগে বিভক্ত কবিয়া সুবিধার চেষ্টা করি তাহা হইলে বোধ হয় আমাদের লৌকিক ও অতিলৌকিকের প্রক্রিয়া কতকটা পরিষ্কৃত হইয়া আসিবে।

আমরা পূর্বে উল্লেখ করিয়াছি যে আমাদের পার্থিব লোকে জন্ম-প্রাপ্ত করিবার এক মাত্র পথ মাতৃগর্ভবাস, অর্থাৎ পার্থিব জড় প্রকৃতির সহিত এমনি ঘনিষ্ঠ সংস্পর্শ দ্বারা আমরা একেবারে পার্থিব গুণসম্পন্ন হইয়া বাই। ফলে আমাদের ইচ্ছা শক্তিও আপন অপার্থিব ও ব্যাপকতর স্বরূপ হইতে বিলিষ্ট হইয়া পার্থিব গতির অধীনে আপন আপেক্ষিক স্বাধীনতা হ্রাস করে মাত্র, আপনাকে সম্পূর্ণ স্বাধীন বলিয়া অনুভব করিতে পারে না। অপর দিকে অপার্থিব অথবা অতিলৌকিক যে ইচ্ছার কথা উল্লেখ করিলাম উহা পার্থিব সম্পর্কে জড়গুণনির্মুক্ত বলিয়া পার্থিব হইতে অশেষ গুণে অধিক মুক্ত ও স্বাধীন। তবে এক দিকে যেমন স্বাধীন, অপর দিকে উহা পার্থিব ব্যাপারে পার্থিব অপেক্ষা ক্ষণস্থায়ী; কারণ, পার্থিবের যে জড়গুণ (inertia) রহিয়াছে উহাতে তাহার অভাব। কাজেই এখনই ঐ সকল স্বাধীনতা বঞ্চিত হইয়াছে তখনই দেখা গিয়াছে যে উহা কেবল মতি



অল্পক্ষণেই পার্থিব আকারে অবস্থান করিতে সমর্থ হইয়াছে। এবং পরক্ষণেই শূন্যে মিলাইয়া গিয়াছে ।

এস্থলে একটা বিষয় আলোচনা করিব যদ্বারা পার্থিব এবং অপার্থিব এই দুই ইচ্ছাশক্তির প্রকৃতিগত বিভেদ কতকটা আমাদের ধারণার বিষয় হইবে আশা করা যায় । এখানে বিষয়টী হইতেছে উভয়ের গতিশক্তি । এক খণ্ড ইষ্টক যদি একটা স্তম্ভে অথবা রজ্জুর এক প্রান্তে বাঁধিয়া অপর প্রান্ত ধারণা ঘুরান যায় তাহা হইলে হস্তস্থিত প্রান্তভাগে যে সময়ে একবার আপনার চারিদিকে ঘুরিয়া আসিবে, ইষ্টকটীও ঠিক সেই সময়েই একবার ঘুরিয়া আসিবে সন্দেহ নাই ; কিন্তু সময় এক হইলেও গতির কত প্রভেদ ! হস্তস্থিত প্রান্ত আপনার চতুর্দিকে একবার ঘুরিয়া হরত দুই ঠিকি কি চারি ঠিকি স্থান অতিক্রম করিল, কিন্তু সেই সময়ের মধ্যেই ইষ্টকবন্ধ প্রান্ত হরত দশ গজ অথবা বিশ গজ স্থান অতিক্রম করিয়া আসিতেছে । এই দৃষ্টান্তের সহিত তুলনা করিলে দেখিতে পাইব আমাদের পৃথিবীর গতি সম্বন্ধেও এই কথাই প্রযোজ্য । আমাদের পৃথিবীও দৈনিক একবার করিয়া আপনার চারিদিকে ঘুরিতেছে এবং এই গতি অনুসরণ করিয়া যদি আমরা পৃথিবীর কেন্দ্রের দিকে অগ্রসর হই দেখিতে পাইব গতির বেগ ক্রমশঃই হ্রাস পাইতেছে ; পুনঃ আমরা যদি কেন্দ্র ছাড়িয়া বাহ্যদিকে অগ্রসর হইতে থাকি তাহা হইলে আমাদের ঠিক ইহার বিপরীত অনুভূতি জন্মবে অর্থাৎ আমাদের গতির বেগ ক্রমশঃই বৃদ্ধি পাইতে থাকিবে । এই স্বতন্ত্রস্বক গ্রহণ করিলে আমাদের বাসভূমি পৃথিবীর উপরিভাগ হইতে পৃথিবীর মাধ্যাকর্ষণ সীমা অতিক্রান্ত হওয়া পর্য্যন্ত যতই বাহ্যদিকে অগ্রসর হইতে থাকিব ততই গতির বেগ উত্তরোত্তর বৃদ্ধি পাইবে সন্দেহ নাই । অবশ্য এই গতি যে সত্য সত্যই আমাদের অনুভূতিগম্য তাহা বলিতেছি না ; কারণ পৃথিবীর গতি সবটাই আমাদের মধ্য বর্তিয়া গিয়াছে সুতরাং প্রত্যক্ষ অনুভূতিগম্য হয় না ।

অপার্থিব জ্যোতিকমণ্ডলীর তুলনায় অশুমান করিয়া লই মাত্র । যেমন একটা চলমান রেলগাড়ীর আরোহীবর্গ রেলগাড়ীর সম্পর্কে কোনই গতি অনুভব করেনা, কিন্তু বাহিরের নিশ্চল ভূমি এবং বৃক্ষ লতাতির দিকে তাকাইলেই ঐ গতি অনুভব করিতে পারে । এখানেও ঠিক তদ্রূপ । তবে গতি অনুভূত না হইলেও গতিবেগ যে আবোহীব দেহে সঞ্চারিত হইয়া যাইতেছে ইহা বোধ হয় কাহাকেও বলিয়া দিতে হইবে না । এবং পার্থিব গতি সম্পর্কে যদিও অনুভূত না হউক, কেন্দ্রাভুগ হইতে কেন্দ্রাতিগ অবস্থায় সঞ্চারিত গতির বেগ বহুল পরিমাণে বর্দ্ধিত হইয়া যাইতেছে ইহাও সিদ্ধ ।

এখন দেখা যাক, আমাদের ইচ্ছাশক্তির উপর এই গতির তারতম্যের কোনও প্রভাব আছে কিনা । ইতঃপূর্বে আমরা ইচ্ছাশক্তিকে পার্থিব এবং অপার্থিব এই দুই ভাগে বিভক্ত করিয়া বুঝিবার চেষ্টা করিয়াছি এবং ইহাও দেখিয়াছি যে পার্থিব অর্থাৎ জীব জাড়াগুণসংস্পর্শে অধিক স্থিতিশীল এবং অপার্থিব অর্থাৎ জৈবের গতি গুণ সংস্পর্শে অধিক গতিশীল ; তবে উভয়ই এক পূর্ণ সত্তার দুই দিক মাত্র পরস্পর সাপেক্ষ । অপার্থিব ইচ্ছাশক্তি আপনতে সঞ্চারিত গতিবেগের আধিক্যের বলে দেশ এবং কালের ব্যবধানকে পার্থিবের তুলনায় একেবারে অনায়াসে ইচ্ছামাত্রেরই সংক্ষেপ করিয়া লইতে পারে, কিন্তু পার্থিবের সেই শক্তি নাই অথবা থাকিলেও উহার প্রয়োগ বহু আয়াসসাধ্য অর্থাৎ বর্তমান বৈজ্ঞানিক জগৎ আপন উদ্ভাবনী শক্তির দ্বারা বৈজ্ঞানিক যান বাহন ইত্যাদির দ্বারা দেশ কালের ব্যবধানকে কতক পরিমাণে সংক্ষেপ করিতে সমর্থ হইয়াছেন সন্দেহ নাই ; কিন্তু তাহা হইলেও ঐ সকল আবিষ্কার বহু আয়াস এবং প্রয়াসের ফল । অপর পক্ষে অপার্থিব অথবা জৈবগুণসম্পন্ন ইচ্ছাশক্তি যে ভাবে দেশ কালের ব্যবধানকে সংক্ষেপ করিতেছেন উহা তাঁহাদের নিসর্গলব্ধ গুণ, কোনও বিশেষ প্রচেষ্টার ফল নহে । গুণন বোধ হয় ঐ সকল ঐশ্বরীয় আবির্ভাব তিরোভাব সম্বন্ধে আমাদের

ধারণা কতকটা পরিষ্কৃত হইয়া আসিয়াছে। এখানে জীব এবং জৈব এই উভয়ের স্বরূপ সম্বন্ধে আরও কিছু বলা আবশ্যিক। মূলতঃ জীব এবং জৈব উভয়ই এক কোনই বিভেদ নাই।

“একমিদমগ্র আসীৎ”, কিন্তু সৃষ্টি বৈচিত্রের ভিতর উভয়ের বিভেদ রহিয়াছে এবং এই বিভেদের ফলে প্রত্যেক জীব যেমন অপরাপর জীব হঠতে সমষ্টি-ধর্মে এক হইলেও ব্যক্তি ধর্ম্মানুযায়ী আপনাপন বৈশিষ্ট্য রক্ষা করিয়া চলিতেছে। জৈবও ঠিক সেইরূপ সমষ্টিরূপে এক অদ্বিতীয় স্বরূপ হইলেও বিভিন্ন জীব স্বরূপের ছায় বিভিন্ন আকৃতি প্রকৃতিতে বিচিত্ররূপে প্রতীয়মান হইবেন ইহাতে আর আশ্চর্য্য কি। অর্থাৎ প্রত্যেক জীব স্বরূপের আপন বিশিষ্টতানুযায়ী এক একটা জৈব স্বরূপ রহিয়াছে এইরূপ অনুমান করিয়া লইতে বোধ হয় কাহারও আপত্তি হইবে না। এখানে আমাদের বস্তু-বিজ্ঞান ইহাতে একটা বিষয় আলোচনা করিলেই বোধ হয় যথেষ্ট হইবে। বস্তু-বিজ্ঞান বলেন প্রত্যেক ক্রিয়ার সমস্পর্কিত এবং তুল্য প্রতিক্রিয়া আছে। এই স্বতঃসিদ্ধ অবলম্বনে আমরা দেখাইতে চেষ্টা করিব যে প্রত্যেক ক্রিয়ার তুল্য সম্পর্কে প্রতিক্রিয়াও ঠিক তদনুরূপ এবং তুল্যাকৃতি। যেমন আলোক এবং ছায়া। কোনও বস্তুর উপর সূর্যালোক প্রতিফলিত হওয়ার বস্তুটির যে চিত্র আমাদের দৃষ্টিগোচর হইতেছে, সূর্যালোকের অভাব জানিত ছায়া চিত্রটীও ঠিক তাহারই অনুরূপ। ভাস্কর্য্য বিদ্যায় যেমন একটি চিত্র অঙ্কিত করিতে হইলে চিত্রণ ভূমি হইতে উহা উত্তোলিত করিয়া চিত্রটী পরিষ্কৃত করা খাইতে পারে, আবার ঐ ভূমি ক্ষোদিত করিয়াও ঠিক ঐ চিত্রটীই পরিষ্কৃত আকারে অঙ্কিত হইতে পারে। একটি ভাবাত্মক চিত্র এবং অপরটি অভাবাত্মক চিত্র। কিন্তু উভয়ই এক আদর্শের চিত্র। আমাদের পার্থিব রাজ্যের যাবতীয় অনুভূতিনিচয়কে যদি ভাবাত্মক সংজ্ঞা দান করা যায় তাহা হইলে ঠিক তুল্য সম্পর্কে অপার্থিব রাজ্যের অনুভূতিনিচয়কে অভাবাত্মক সংজ্ঞা দান করা

যাইতে পারে। এইরূপে ঠিক একই আদর্শ অবলম্বনে পার্শ্ব এবং অপার্শ্ব, ভাবাত্মক এবং অভাবাত্মক দুইটা রাজ্য স্বীকার করিয়া লইবার পক্ষে কোনই বাধা দৃষ্ট হইতেছে না। তবে সাধারণতঃ একই লোকের পক্ষে একই সময়ে উভয় রাজ্যের অনুভূতি সম্ভবপর হয় না, কেবল মাত্র যাহারা উভয় রাজ্যের মধ্যবর্তীরূপে দণ্ডায়মান হন তাঁহাদিগেরই প্রত্যক্ষগোচর হইয়া থাকে। আবার দুই বিপরীত শক্তি ইন্দ্রিয় গ্রাম অনুমান করিয়া লইলে বোধ হয় কথাটা আরও পরিষ্কাররূপে বুঝা যাইবে। দিবালোকে আমরাদিগের চক্ষু যে সকল বস্তু দেখিতে পায় পেচকের চক্ষু তাহা দেখিতে পায় না; আবার রাত্রির অন্ধকারে ঐ সকল বস্তুই পেচকের চক্ষু বেরূপ দেখিতে পায় আমরা তাহা পাই না, অথচ উভয়েই কেবল মাত্র অবস্থাভেদে একই বস্তু তুল্যরূপেই দেখিতে পাইতেছি। এস্থলে কেবল চাক্ষুষ ইন্দ্রিয়ের তারতম্যানুযায়ী অথবা বৈপরীত্যানুযায়ী অনুভব শক্তির তারতম্য অথবা বৈপরীত্যের আলোচনা করা হইল। ঠিক এইরূপেই অপরাপর ইন্দ্রিয়গ্রাম সম্বন্ধেও ঞ্জণ বৈপরীত্য অনুমান করিয়া লওয়া যাইতে পারে। এবং এই ঞ্জণ বৈপরীত্যের ফলে একই বস্তু অথবা একই জগৎ ইহলৌকিক এবং পারলৌকিক ভেদে দৃশ্য অথবা অদৃশ্য, গোচর অথবা অগোচর, প্রত্যক্ষ অথবা পরোক্ষরূপে গৃহীত হইতে পারে।

অতঃপর একদিন মনে আছে আমার যে স্থানীয় (Tinevelly case) এর বন্ধুটির কথা পূর্বে উল্লেখ করিয়াছি তাহার উপর কি জানি কেন চটিয়া গিয়া তাহাকে ডাকিয়া একটা ঘরের কোণে লম্বা গেলাম, এবং অপর সকলের চক্ষের আড়ালে তাহাকে খুব ভৎসনা করিতে লাগিলাম। তখন বেলা প্রায় নয়টা কি সাড়ে নয়টা হইবে, বেশ পরিষ্কার দিবালোক, কোনও প্রকার ভয় নর্শন করিবার কথা নহে। আমার সহিত বন্ধুটির খুব বটসা চলিয়াছে এমন সময় ঞ্ঠাৎ যেন আমাকে সতর্ক করিবার জন্য সে বলিয়া উঠিল (I am



coming ) ঐ আ সত্যে !! কথাটা বলিতে না বলিতেই মুহূর্তের মধ্যে কোথা হইতে কি একটা বাড়র মত আসিয়া উহার মাথাটা উড়াইয়া দিল । আমরা উভয়েই দণ্ডায়মান অবস্থাতে কণা কহিতেছিলাম ; মাথাটা উড়াইয়া যাইতেই সে বেন পড়িয়া যাইতেছিল, কিন্তু আমি বাম হাতে উহার এক হাত ধরিয়া ছিলাম তাই গ্রাব পড়িতে পাইল না । পূর্বে উল্লেখ করিয়াছি আমার ভাগ্যেও ঐরূপ দশা একবার ঘটয়াছিল, তখন আমি ধরাশায়ী অবস্থায় পড়িয়াছিলাম, এস্থলে উহাকে দণ্ডায়মান অবস্থাতেই পাইলাম ।

\* আপনাকে বোধ হয় অনেকেই দশমহাবিদ্যার এক মহাবিদ্যা, ছিন্নমস্তাব চিত্র দেখিয়াছেন । এই ক্ষেত্র দেখিতে আমার বন্ধুগণ অবস্থাও ঠিক তদ্রূপ হইয়া দাঁড়াইল । ছিন্নমুণ্ড দেহের কাণ্ডভাগ স্থিরভাবে দণ্ডায়মান, স্বর্গদেশের চতুর্দিকে আবর্তের ন্যায় বর্ণায়মান প্রাণবায়ু অথবা যেকোনও এক প্রকার বায়ু (সাধারণ বায়ু নহে ইহা নিশ্চিত) ভীমবেগে যুগিত হইতেছে, স্বর্গদেশ হইতে ছিন্নমস্তাব ত্রিশিবার ন্যায় তিনটী ধারা উর্কে শূন্য পানে ছুটিয়াছে—দেখিয়া যে কি ভাব মনে উদয় হইয়াছিল তাহার যথাযথ বর্ণনা আমার পক্ষে ছরুহ ব্যাপার । তবে ব্যাপারখানা সাধারণ চক্ষে একেবারে অদ্ভুত ও আশ্চর্যজনক হইলেও আমার নিকট সম্পূর্ণ নূতন নহে, তাই এমতাবস্থায়ও একেবারে বিচলিত হইয়া পড়িলাম না, বরং বিষয়টী বিশেষ ভাবে লক্ষ্য করিয়া বৃষ্টিবার চেষ্টা করিতে লাগিলাম ।

এক মিনিট, কি আধ মিনিট পরেই হঠাৎ বেন কোথা হইতে ঝপ্ করিয়া মস্তক স্বন্ধে লাগিয়া গেল এবং আমরা উভয়েই বেন পরিভ্রাণ পাইলাম ও পরস্পরের মুখ তাকাইতে লাগিলাম, ব্যাপারের অর্থ কি কেহই পরিষ্কার বুঝিতে পারিলাম না । বিশেষতঃ আমার বন্ধুটির উহা প্রথম অভিজ্ঞতা, তাহার ত আশ্চর্য্য হইবারই কথা । পরে অনেক বার বিষয়টী বিচার করিয়া দেখিয়াছি কিন্তু তথাপি ইহার অর্থ যে ঠিক বুঝিতে

সকল হইয়াছি এখন বলিতে পারি না। তবে এই সম্বন্ধে আমার বাহ্যিক ধারণা তাহা যথাসম্ভব ব্যক্ত করিতে চেষ্টা করিব।

পূর্বে যখন একবার আমি নিজে ঐরূপ ঘটনা প্রত্যক্ষ করি তখন গুয়ার্ডারই কেবল আমার উপর হাত এবং মুখ চালাইয়াছিল, আমি কোনও প্রত্যুত্তর করি নাই। দ্বিতীয় বারের ঘটনায় আমার বন্ধুটী অথবা আমি, কেহ কাহারও প্রতি হাত না চালাইলেও, উভয়েই উত্তর প্রত্যুত্তর করিয়াছি এবং এই উত্তর প্রত্যুত্তরের মধ্যে আমি আমার বন্ধু অপেক্ষা বয়সে কিছু বড় বলিয়া কতকটা মূর্খতা গোছের, তাই তর্কস্থলে উহাকে অনেক সময় ঘাট মানিতে হইয়াছে; বিশেষতঃ কথাবার্তা সব ইংরাজীতেই হইতেছিল। তাই অপেক্ষাকৃত অনভ্যাস নিবন্ধন উহাকে কিছু অধিক বেগ পাইতে হইয়াছিল। এইরূপে হার মানিতে মানিতেই যেন শেষ মুহূর্ত্তে একেবারে ঝড়ের মত এই অদ্ভুত কাণ্ড সাধিয়া গেল।

এখন কথা এইতছে, এইরূপ প্রতিক্রিয়া আমরা দুইদিক হইতে আলোচনা করিতে পারি। এক শব্দ বিজ্ঞানের দিক হইতে, নতুবা আলোক বিজ্ঞানের দিক হইতে। তবে, যদিও এস্থলে আমাদের উভয়ের মধ্যে কেবল পরস্পরের প্রতি তীব্র দৃষ্টিপাত এবং উত্তর প্রত্যুত্তরই চলিয়াছিল, তথাপি উক্ত বন্ধুটিকে ঘরের কোণে ডাকিয়া আনিবার সময় উহার হাত ধরিয়া আনিয়াছিলাম, এবং উত্তর প্রত্যুত্তরের সময়ও যে মাঝে মাঝে উহার হাত না ধরিয়াছি এমন নহে। হাত ধরার কথাটা এখানে উল্লেখ করা দরকার মনে করিলাম; কারণ, আমাদের পক্ষেদ্রিয়ের মধ্যে স্পর্শেদ্রিয়ই সর্বাপেক্ষা স্থূল; অতএব যে শক্তির খেলা দেখিলাম উহা মনোরাজ্যের হইলেও শরীরের উপর এতই প্রবল এবং স্থূল ভাবে কার্য করিয়াছে যে উহাতে সেই স্থূল শক্তির আবশ্যকতাও রহিয়াছে বলিয়া মনে হয়। মূল কথা, এই শক্তির খেলার ভিতর আমরা দুই ব্যক্তি কেবল নিমিত্ত মাত্র, আমাদের কথ-বার্তা, ইঙ্গণ-প্রতীক্ষণ এই প্রচণ্ড



শক্তি উৎপাদন করিল এরূপ মনে করা বাতুলতা। প্রায় সবুটাই আমাদের উভয়েরই অপরিজ্ঞাত প্রদেশ হইতে হঠাৎ আগন্তুক রূপে ঝড়ের মত এই ব্যাপার ঘটাইয়াছিল। যদিও আমার বন্ধুটী একটু পূর্বাভাস লাভ করিয়া আমাকে সতর্ক করিবার চেষ্টা পাইয়াছিল, তথাপি ঐ সতর্কতা কার্যে পরিণত হয় নাই এবং ঐ পূর্বাভাসও ঠিক সজ্ঞান বলিতে পারি না। এখন কথা হইতেছে, এই অপরিজ্ঞাত প্রদেশ সম্বন্ধে আমাদের কোনও প্রকার ধারণা সম্ভবপর কি না? যদি সম্ভবপর না হয় তবে উহা আমাদের পরিজ্ঞাত রাজ্যের উপর কার্য করিল কি প্রকারে?

যখন দেখা গেল স্ক্রোপার মস্তক দৃষ্ট হইতেছে না তখন যদি হাত দিয়া উথায় সত্য সত্যই মস্তক নাই এইরূপ অস্বভাব করিয়া লইতে, পান্ডিত্যম, তাহা হইলে বোধ হয় কথাটা আরও সপ্রমাণ হইতে পারিত। কিন্তু ঐরূপ না করা সত্ত্বেও আমি নিজেই যখন দুইবার ঐরূপ ব্যাপার প্রত্যক্ষ করিয়াছি তখন সে বিষয়ে সন্দেহ করিবার কোনই কাবণ নাই। তর্ক হইলে যদি ধরিয়া লওয়া যায় যে ঐ ঘটনা কেবল চাক্ষুস প্রত্যক্ষ মাত্র, সুতরাং সাধারণ নিয়মের বহির্ভূত বলিয়া বাস্তব নহে, ইংরাজীতে যাহাকে Hypnotism বলে, বাঙ্গলার যাহাকে বশীকরণ বলা যায়, ইহাও কতকটা তদ্রূপ। Hypnotism দ্বারা একজন subject কে যদি বলা যায় “তুমি চক্ষু মেলিয়া অমুক লোকটীকে আর দেখিতে পাইবে না”, সে সত্য সত্যই, যদিও সেই লোক উহার সম্মুখেই দণ্ডায়মান তথাপি, তাহাকে দেখিতে পায় না, এমন কি যদি ঐ লোকের মস্তকে একটী টুপী পরাইয়া দেওয়া যায়, তাহা হইলে সে কেবল মাত্র টুপীটাই দেখিতে পায় এবং কেমন করিয়া ঐ টুপী শূন্য অবস্থান করিতেছে কিছুই বুঝিতে না পারিয়া অবাক হইয়া যায়। যদি কেহ বলেন এখানে আমাদের ঘটনার অনুভূতিও সেই রূপ, তবে উত্তরে বলিতে হয় যে

hypnotised অবস্থাতে Subject যাহা দেখিয়া অবাক হইতেছেন Hypnotiser অথবা operatorও কি তাহাই দেখিতেছেন? তাহা নহে, কিন্তু আমরা উভয়েই একই বিষয় অনুভব করিয়াছি, অথবা আমি নিজেই একবার স্বয়ং ছিন্নমুণ্ড হইয়া যাহা অনুভব করিয়াছি পুনশ্চ বন্ধুটির ছিন্নমুণ্ড অবস্থায় তাহাই প্রত্যক্ষ করায় আমার ধারণা বন্ধনুল হইবারই কথা।

এখানে Professor Tyndallএর প্রত্যক্ষীকৃত একটা ঘটনার কথা আলোচনা করিলে বোধ হয় বিষয়টি কতক পরিষ্কার হইয়া আসিবে। Professor Tyndall একদিন একটা সভায় বক্তৃতা করিবার জন্য উপস্থিত। সভায় বহুলোক সমাগম হইয়াছে। তাঁহার পাশেই তড়িতপূর্ণ ১৫টি বড় বড় leyden jar প্রস্তুত রাখিয়াছে, এমন সময় তাঁহার একটু অসতর্কতা নিবন্ধন হঠাৎ battery সংলগ্ন একটা তারে হাত লাগিয়া যায় এবং উহার তড়িৎ প্রবাহ তাঁহার শরীরের ভিতর দিয়া নিঃসৃত হয়। তিনি বলিতেছেন তৎক্ষণাৎ তাঁহার জীবনী-শক্তি যেন কিছুক্ষণের জন্য একেবারে blotted out অর্থাৎ মুছিয়া গেল অথচ তাহাতে তাঁহার কোনও বেদনা অনুভূত হইল না। মুহূর্তকাল পরেই তাঁহার জ্ঞান ফিরিয়া আসিল, অস্পষ্টভাবে সভাস্থ শ্রোতৃবর্গ এবং তাঁহার যন্ত্রপাতি দেখিতে পাইলেন, এবং তৎসাহায্যে অনুমান করিলেন যে তিনি battery হইতে তড়িৎ প্রবাহের আঘাত পাইয়াছেন। তাঁহার তাৎকালিক অবস্থাজ্ঞাপক বুদ্ধিবৃত্তি অতিশয় ক্ষিপ্রগতিতে ফিরিয়া আসিল, কিন্তু দৃষ্টি শক্তি তাহা "পারিল না। শ্রোতৃবর্গ যাহাতে ব্যাপার দেখিয়া বিচলিত না হন, তাই তিনি বলিলেন "আমার অনেক দিন ধাবৎ ইচ্ছা এইরূপ আকস্মিক ভাবে একবার বৈজ্ঞানিক আঘাত পাই। সেই বাসনা আজ সফল হইল।" কিন্তু যখন তিনি ঐ কথা বলিতেছেন তখন তাঁহার শরীরের অবস্থা যাহা তাঁহার দৃষ্টিগোচর হইয়াছিল তাহা অত্যন্ত আশ্চর্যজনক। তিনি দেখিতে

পাইলেন যেন তাঁহার শরীরের অঙ্গ প্রত্যঙ্গ সব গাণ্ড খণ্ড রূপে প্রতীর্ণমান হইতেছে, তাঁহার হস্তদ্বয় যেন সমগ্র দেহভাগ হইতে বিচ্ছিন্ন হইয়া শূন্যে ঝুলিতেছে। বস্তুতঃ তাহার বুদ্ধি ও বিচারশক্তি অতি সহনই স্বাভাবিক কার্য্য করিতে সক্ষম হইয়াছিল; কিন্তু অশ্রান্ত ইন্দ্রিয় বৃত্তি-নিচয় সেরূপ পারে নাই।

সাধারণতঃ দেখিতে পাওয়া যায় আমাদের জন্মকাল হইতে আমাদের শারীরিক এবং মানসিক বৃত্তিনিচয়ের মধ্যে বুদ্ধিবৃত্তিই প্রায় সর্বশেষ পরিণতি প্রাপ্ত হয়। কথায় বলে “গরলার আশী বছরে বুদ্ধ হয়”। এ স্থলে কিন্তু ঠিক ইহার বিপরীত, যাহা সর্বশেষ পরিণতি প্রাপ্ত হইয়াছে তাহাই সর্বপ্রথম আবিভূত হইল, যেমন ক, খ, গ, এই পর্য্যায় উল্টাইয়া দিলে গ, খ, ক, হইয়া যায়। বুদ্ধিবৃত্তি আবিভূত হইলেও শরীরে তড়িতাৰ্ণ-জনিত অণু পরমাণুর ভিতর যে গতিবেগের সৃষ্টি হইয়াছিল, তাহা সাম্যাবস্থা প্রাপ্ত হইবার পূর্বেই বাণ্ড নিষ্পত্তি করিতে যাওয়ায় Professor সাহেবের ধারণাশক্তি অথবা ইন্দ্রিয় গ্রামের স্বাভাবিক কার্য্যকরী শক্তি কিছুকালের জন্য ঐরূপ বিগ্গিষ্ট অথবা বিকৃত অবস্থা প্রাপ্ত হইয়া যায়, তাই তিনি ঐরূপ দেখিয়াছিলেন এরূপ অনুমান করিতে বোধ হয় কাহারও আপত্তি হইবে না। এখন আমাদের আশৌচ্য ঘটনার সহিত উক্ত ঘটনার পার্থক্য এই হইতেছে যে Tyndall সাহেব স্বয়ং যাহা অনুভব করিয়াছিলেন তাহা তাঁহার ব্যক্তিগত অনুভূতি মাত্র, সম্ভাষ্যে অপর কেহই ঐরূপ অনুভব করেন নাই বা দেখেন নাই; কিন্তু আমাদের ঘটনায় আমরা উভয়েই অনুভব করিয়াছি, অর্থাৎ আমি যাহা চাক্ষুষ দেখিয়াছি আমার বন্ধুটী তাহাই অনুভব করিয়াছেন; সুতরাং ব্যাপারখানা কেবল মাত্র ব্যক্তিগত অনুভূতি বলিয়া উড়াইয়া দেওয়া চলে না, উহাতে সমষ্টিগত অনুভূতিরও একটী সাধারণ ভূমি রহিয়াছে বালিতে হইবে। পরে আমরা দেখিতে পাইব কেবল দুইজন কেন ২০।২৫ জন কিম্বা ততোধিক লোক সমক্ষেও অতিকৌকিক ঘটনা সংঘটিত হইয়াছে; আবশ্যিক হইলে

তাহাদিগের মধ্যে কাহারও সাক্ষ্য পর্য্যন্ত লাগু হইতে পারে। আমি নিজে ঐরূপ অতিলৌকিক রাজ্য হইতে আমার সম্মুখে আবির্ভূত ব্যক্তিদিগের সহিত আলাপ মালাপ এমন কি করমর্দন পর্য্যন্ত করিয়াছি। উহাদের আবির্ভাবকালস্থায়ী শরীর প্রায় আমাদিগের পার্থিব শরীরের ত্রায় স্থূলগুণ সম্পন্ন, এমন কি স্পর্শ পর্য্যন্ত করা যায়; সুতরাং ঐরূপ দেহ যখন চক্ষের সম্মুখে শূন্যে মিলাইয়া যাইতেছে, তখন কি এরূপ অনুমান করা যাইতে পারে না যে আমাদিগের পরস্পর বাকবিতণ্ডার মধ্যে ঐ প্রকার কোনও ঐশী শক্তি প্রবলের সহায়তা লইয়া দুর্বলকে অথবা তাহার শরীর কিম্বা শরীরের অংশ বিশেষকে ক্ষণকালের জন্য একেবারে অদৃশ্য এমন কি কারণ রেণুতে পরিণত করিয়া দিতে পারে? এবং স্বয়ং যে প্রকারে আবির্ভূত হইতেছেন সেই প্রকারেই পুনঃ বিশিষ্ট অংশস্বরূপ অথবা শরীর পূর্বের ত্রায় পূর্ণাবয়ব করিয়া দিতে পারেন? যে তড়িৎ-শক্তির অথবা আলোক-শক্তির গতি নিমিষে লক্ষ কোটী মাইল নির্দ্ধারিত হইতেছে এরূপ কোনও প্রকার শক্তির পক্ষে ইহা আর আশ্চর্যজনক বলিয়া বোধ হইবে কেন?

এখন আমরা ইহার পরের ঘটনা বর্ণনা করিব।—সে দিন মহরমের দিন, চারিদিকে কাড়া, নাকাড়া বাজিতেছে। এই সুযোগে শুনিতে পাইলাম যেন Superintendent সাহেবের bungalowর দিক হইতে একদল মহরমের খেলোয়াড় আমাদিগের criminal enclosure এর দিকে আসিতেছে। ব্যাপার দেখিবার জন্য আমরা সকলে আমাদের gate এর নিকট হাজির। উহারাও ঢাক ঢোল ইত্যাদি বাজাইতে বাজাইতে ক্রমে আমাদিগের দরজায় আসিয়া পৌছিল। উহারা প্রায় পাঁচ সাত জন লোক হইবে, সঙ্গে একটি ডিম চার বছরের ছেলেও রহিয়াছে। Gate এর দরজা খুলিয়া দিলে উহারা সকলে ভিতরে প্রবেশ করিল এবং দেখিতে পাইলাম উহারা উহাদিগের মধ্যে একজনকে প্রায় চার পাঁচ জন মিলিয়া গলায় হাঁসুলী পরাইয়া তাহাতে



৪।৫টা চেন্ন বোজনা করিয়া চার পাঁচ দিক হইতে টানিয়া ধরিয়াছে । বাহাকে ধরিয়াছে তাহার গায় নানা প্রকার রং লাগাইয়া চিত্র করা হইয়াছে এবং অপরপর সকলেও ঐ প্রকার নানা বর্ণে চিত্রিত হইয়াছে । ব্যাপার কি জিজ্ঞাসা করায় জানিলাম ইহাই মেথানকার “পুলিনাচ” Tiger play—মেথানকার স্থানীয় তামিল ভাষায় পুলি মানে tiger “বাঘ” । মহরমের সময় সে দেশে এইরূপ সংসারজয়া নাট্য, সরকার খেলার প্রথা প্রচলিত আছে । প্রথমতঃ দেখিলাম সেট তিন চার বছরের ছেলেটী বেশ উহাদের বাজনার তালে ২ পরতাড়া ভাঁজিতেছে ; দেখিয়া কৌতুহল বশতঃ একটু অগ্রসর হইয়া উহাদেরই মধ্যে একজনকে জিজ্ঞাসা করিলাম “ছেলেটী কার ?” বাহাকে জিজ্ঞাসা করিলাম সে যেন কথাটা প্রথমতঃ শুনিতেই পাইল না, বলিল “cant hear you”; পুনরায় জিজ্ঞাসা করায় বলিল “God” এবং আমাকে আর কিছু জিজ্ঞাসা করিতে বারণ করিল । আমি ব্যাপারখানা কিছুই ঠিক করিতে পারিলাম না, তবে জিজ্ঞাসা করিবার সময় যদিও একেবারে উহার কাণের কাছে মুখ নিয়া কথাটা জিজ্ঞাসা করিয়াছি তথাপি সে যে শুনিতে পাইতেছে না ইহা বেশ অসম্ভব করিলাম । খুব উঁচু পাহাড়ের উপরে উঠিলে যেমন দেখা যায় মেথানকার বায়ুস্তর এমনই পাতলা হইয়া গিয়াছে যে পরস্পর কথা বলিবার সময় বোধ হয় যেন কথাগুলি ফাঁকা হইয়া যাইতেছে, একটু দূরে দাঁড়াইলেই যেন আর একজনকার কথা অপরের নিকট পৌছায় না, এক্ষেত্রেও ঠিক সেইরূপ বোধ হইল । উহাদের দেহের আবরণটি দেখিতে আমাদেরই স্থায় স্থূল হইলেও এমনই কোন প্রকার স্বল্প পদার্থে নির্মিত যে আমাদের স্থূল আকাশের শব্দ গ্রাহ্য যেন সহজে উহাদের বোধগম্য হয় না । সে বাহা হোক, আমি আর বিশেষ কোনও উচ্চ বাচ্যনা করিয়া উহাদের খেলা দেখিতে লাগিলাম । আমার যে কনিষ্ঠ ভ্রাতার কথা পূর্বে উল্লেখ করিয়াছি সে যে এই দলের মধ্যে রহিয়াছে ইহা আমি কখন কল্পনাও করিতে

পাবি নাই কিন্তু কি আশ্চর্য্য । যাহার গলায় চাঁসুলী ও chain লাগাইয়া ৪।৫ জন মিলিয়া ধরিয়া রাখিয়াছে এ যে সেই মুক্তি !! তবে সে নিজে আসিয়া পবিত্র না দিলে উহ ব এ দণ্ড রং চং এর আবেশের ভিতর হইতেও উহাকে চিন্তা লইতে পারিতাম এমন আশা করা যায় না । উহাদের 'ব ব' খেলার দলের মধ্যে সেই সকলের প্রধান "বাঘ" । পরিধানে কেবল মাত্র একটানা লেঙ্গোট। যাহাকে তামিল ভাষায় "জব্বটম" বলে, সর্ষি মস্তে চরিত্র, বর্ণের এক প্রকার বং, মাঝে ২ বাঘের অঙ্কবর্ণে কাগ ২ রেখা, হাতের উপরে বাঘের খাবার অঙ্কবর্ণে এক প্রকার দস্তানার মতন । আমাকে দেখিয়া "অনেক কথা" বার্ত্ত্বাব পঃ উহ ব খেলা আরম্ভ হইল । মহবমের তালে ২ নানা প্রকার পয়তাদা ও অঙ্গভঙ্গিব পর বাঘ বেন গরম হইয়া গিয়াছে তাই নিকটেই আমাদের খাইবার জল বো সকল জলের Can' ভর্ত্তি করিয়া রাখা হইয়াছিল, তাহা হইতে প্র য় হই তিন 'Man' জন আনিয়া উহার উপর ঢালিয়া দেওয়া হইল, কিন্তু সেই জনে যে উহা ব তৃ প্ত হইল না ইহা বেশ স্পষ্টই বুঝিতে পারিলাম এবং সেও ইহা স্বীকার করিল । অর্থাৎ আমাদের পার্থিব জল যেরূপ স্থল গুণসম্পন্ন উহাদের দেহ ততটা স্থূল বিষয়ানুভূতিতে অভ্যস্ত নহে, তাই বেন উহাতে তাহার বিশেষ কোনও পবিতৃষ্টি লাভ হইল না । অবশেষ সেখানকার European warden কে একটা chair এ বসিবার জন্ত অনুরোধ করা হইল উহারা সেই chairএব সম্মুখে খেলা দেখাইবে ইহাই উহাদের উদ্দেশ্য । এই European warden টী তখন প্রায় ২০ কি ২৫ বৎসর হইবে সেই Lunatic asylumএ কর্ম্ম করিতেছে । আমি সেখান হইতে নিকৃতি পাইয়া চলিয়া আসিবার কিছু দিন পূর্বে পেন্সন লইয়া অন্ত্র চাণিয়া গিয়াছে । মোহরনের দল আসিতেছে শুনিয়া হয়ত কিছু বকশিষ দেওয়া আবশ্যক হইতে পারে এরূপ অহুমান করিয়া সেই warden টী পূর্বে হইতেই একটা টাকা আনাহয়া হাতে রাখিয়াছিল । Chainএ বসিতে অনুরোধ



করায় সে বলিল “তোমরা বুঝি কিছু বক্শিষ্ চাও?” এই বলাতে সে বেচাবীরা ভারি অপ্রস্তুতে পড়িল। কিন্তু যখন মানুষের খেলা খেলিতে আসিয়াছে, সবটাই মানুষের মত হওয়া চাই; নচেৎ ধরা পড়িয়া যাইবার কথা; সুতরাং বক্শিষ্টি না লইয়া গতান্তর নাই; তাই একটু ইতস্ততের পর প্রথম “বাঘ” রাজী হইল। এখন, টাকাটা যে একেবারে পার্থিব জড় পদার্থে প্রস্তুত, Magic অথবা ভোজ বাজী নহে, উহার এই টাকা লুইয়া কি করিবে? সে যাহা হোক, টাকাটীত সেই European warder এর পায়ের নিকট রাখা হইল এবং আমার সেই দেবদেহী ভ্রাতা বাজনার তালে তালে নাচিতে নাচিতে এবং নানা প্রকার অঙ্গভঙ্গি ও পংগতাড়া কসিতে কসিতে কয়েক বার সম্মুখে আগমন, এবং পশ্চাতে প্রত্যাগমনের পর যেন বহু কষ্টে উপস্থিত হইয়া মুখ দিয়া সেই টাকাটা তুলিয়া লইল। এখন, এই টাকা লইয়া যেন সে ভারি ফাঁপরে পড়িয়া গেল। সেখানে সকলের সম্মুখে ফেলিয়াও দিতে পারে না অথচ হাতে রাখিতে গেলে ঐ জড় পদার্থ উহার শরীরের উপর এমনই প্রক্রিয়া করে যে তাহাতে যেন উহার পেটের নাড়ী পর্যন্ত উন্টিয়া বাহির হইতে চায়।

উহাদের দলের সকলের মধ্যে এই টাকা লইয়া সেই যেন ধরা পড়িয়া গেল; তাই কি করিবে, সঙ্গীদিগকে বিদায় দিয়া উহাদিগকে disperse এই আজ্ঞা করিবার মাত্র যে ঘাহার মত চারিদিকে অদৃশ্য হইয়া গেল; কিন্তু সে নিজে তখনকার মত অদৃশ্য হইতে পারিল না। সে এখন কি করিবে জিজ্ঞাসা করায় বলিল “কি আর করিব নিকটেই একটা বাড়ীতে কোথাও টাকাটা রাখিয়া অদৃশ্য হইবার চেষ্টা করিব” ইত্যাদি।

যে European warder টাকা রাখিয়াছিল তাহার বাড়ীর পাশেই আর একটি European warder সপরিবারে বাস করিত; উভরই Criminal enclosure এর গৃহ সন্নিকট; gate খুলিলেই দেখিতে পাওয়া

যায়। সে যখন ঐ বাড়ীর দিকে অগ্রসর হইতেছিল তখন আমরাও কয়েকজন উহার পশ্চাৎ পশ্চাৎ যাইতেছিলাম, কিন্তু সে বায়ণ করার আমরা প্রতিনিবৃত্ত হইলাম। এই প্রকার ঘটনা সম্বন্ধে এতাবৎ যাহা বলা হইয়া আসিয়াছে তাহার পর বোধ হয় ব্যাখ্যা হিসাবে আর বিশেষ কিছু না বলিলেও বিষয়টি কতকটা আমাদের ধারণার যোগ্য হইয়া আসিয়াছে। এখন কেবল ঐ সকল অতিলৌকিক ও অত্যাশ্চর্য ঘটনার বর্ণনা না করিয়া, মাঝে মাঝে আমাদের সাধারণ দৈনন্দিন কর্মকলাপ সম্বন্ধে আলোচনা করিলে বোধ হয় পাঠকের কতকটা মনঃপুত হইবে। একেবারে এক সঙ্গে কতকগুলি অসম্ভব এবং অনভ্যস্ত রাজ্যের ব্যাপার লইয়া নাড়াচাড়া করিতে গেলে যে আমাদের বাস্তব রাজ্যে অভ্যস্ত মহিষ্ক অধীর হইয়া পড়িবে তাহাতে আর সন্দেহ কি ?

এপর্যন্ত তাঁতশালার কাজই করিয়া আসিতেছিলাম, কিন্তু ক্রমে ব্যাপার এমনই দাঁড়াইতে লাগিল, যে আর ঐ কাজ সম্ভব হইয়া উঠিল না। তাঁতের কাজে বসিলেই মনে হইত যেন আমার সমস্ত মানস আকাশটাই একখানা তাঁত হইয়া গিয়াছে এবং এই মানস এবং বাস্তব উভয়ের মধ্যে এমনই বিপরীত প্রক্রিয়া আরম্ভ হইয়া যাইত যে অবশেষে আয়ুস্বলী একেবারে হার মানিতে বাধ্য হইত। শরীর জ্বলত তাঁতের অংশবিশেষকে একদিকে টানিতে যাইবে, মন তৎপূর্বেই তাহা টানিয়া ধরিয়াছে, কাজেই শরীরের টানিবার আর অবসর রহিল না, অথবা শক্তিই রহিল না বলিতে হয়। যদি বা জোর করিয়া ঐরূপ অবস্থাতেও কোনও কাজ করিবার চেষ্টা করিয়াছি, অমনি শরীর মনের ঘর্মে তাল কাটিতে আরম্ভ হইয়াছে, এবং ফলে সূতা ছিড়িয়া ছোট পাকাইয়া, কাপড় ধারাপ করিয়া এক বিপরীত কাণ্ড বাধিয়া গিয়াছে।

ঠিক এই সময়ই আমার সৌভাগ্যবশতঃ এক নূতন কাজের আমদানী

হইল। পূর্বে পাগলদিগের শুইবার জন্য যে তালপাতার চাটাই দেওয়া হইত তাহা সবই বাজার হইতে ক্রয় করিয়া আনা হইত। এখন ব্যবস্থা হইল যে ঐ সমস্ত চাটাই পাগলদিগের মধ্যেই কয়েক জন মিলিয়া প্রস্তুত করিয়া লইবে। আমি অবশ্য প্রথম ২ ঐ কাজে যাইতে রাজী হই নাই, কারণ তালপাতার কাজ আমার মেটেই জানা ছিল না। জানা কাজ ছাড়িয়া পারত পক্ষে অজ্ঞানকে রাজ্যে কে যাইতে চাহে? তবে যখন ক্রমে তাঁতের কাজ আমার পক্ষে একেবারেই বিড়ম্বনা হইয়া দাঁড়াইল, তখন কি করা যায় তাবি-  
 তেছি, এমন সময় আমার হৃদশা দেখিয়া সেখানকার Dy. Supdt নিজেই এক-  
 দিন আমার তালপাতার কাজ শিখিবাব উপদেশ দিলেন। আমারও তখন  
 এই পরিবর্তন অতীব উপাদেয় বোধ হইল এবং স্বয়ং Dy. Supdt আদেশ  
 করায় কাজ শিখিবার পক্ষে অনেক সুবিধা হইয়া গেল। সাধারণতঃ জেল-  
 খানার কোনও নূতন লোককে কাজ শিখিতে গেলে প্রায়ই বড় নাস্তানাবুদ  
 হইতে হয়। বাহাবা কাজ শিখার তাহার অনেক সময় হাতে কিছু পাইলে যে  
 কাজ অতি অল্প সময়ে বেশ সহজেই শিখাইয়া দিতে পারে, ঠিক সেই কাজই  
 একেবারে নিঃসম্বল লোককে শিখিতে গেলে অনেক নাকানি চোবানি  
 খাইতে হয়। তবে যদি পশ্চাতে তেমন মুরকি থাকে তাহা হইলে আর সে  
 সকল আশঙ্কা থাকে না। Dy. Supdtএর কল্যাণে আমাকেও ঐ সকল  
 হুর্ভাগ ভুগিতে হয় নাই। যথাবিধি কাজ শিখিতে আরম্ভ করিয়া অল্প  
 সময়ের মধ্যেই বেশ চাটাই বুনিতে শুরু করিয়া দিলাম; এবং ক্রমশঃ গড়ে  
 প্রায় দুই তিনখানা করিয়া চাটাই রোজ বুনিয়া দিতে লাগিলাম।

এরূপ ভাবে তাল পাতার চাটাই কোনা এক প্রকার অভ্যস্ত হইয়া  
 গেলে দেখিলাম ২৩ খানা চাটাই রোজ বুনিয়াও আমার যথেষ্ট সময় অবশিষ্ট  
 থাকিয়া যায়; সুতরাং ভাবিলাম নিতান্ত সহজ ও এক ঘণ্টে বকমের কেবল  
 চাটাই বুনিয়া কি হইবে, উহারা মোটা চাটাইএর জন্য পাতা চাহিয়া যে সকল

ধাব অনাবশ্যক বলিয়া ফেলিয়া দিত, দেখিলাম, তাহাই পুনরায় সুরু করিয়া চাঁছিয়া লইলে বেশ অনায়াসেই নানা প্রকার সূক্ষ্ম বুনানির চেষ্টা করা যাইতে পারে। ছুঁতাগের বিষয় সেখানকার লোকেরা কোনও প্রকার কাজের জন্তই আমার হাতে ছুরি, এমন কি নিতাস্ত ভোঁতা ছুরিও দিতে সাহস করিত না। কাজেই অগত্যা আমাকে এক উপায় অবলম্বন কবিত্তে হইল। সেখানকার চারিদিককার দেওয়ালের মাথায় নানা বকমের বোতল ভাঙ্গা কাচ বসান ছিল; আমি তাহাব মধ্য হইতেই খুঁজিয়া যে খানা ধারাল পাইতাম, সেখানা তুলিয়া লইতাম, অথবা না পাইলে বেশ বড় বকমেব' এক খানা কাচ হাতে লইয়া মাটিতে আছাড় মারিয়া ভাঙ্গিয়া ফেলিতাম এবং ঐ ভগ্ন অংশগুলি হইতে একখানা বেশ ধারাল কাচ বাছিয়া লইয়া উহাদ্বারাই পাতা চাঁছিতাম।

সাধারণ চাটাই বোনা শিক্ষা করিবার সময় এক গুরু গ্রহণ ভিন্ন অপর কোনও গুরু লাভ হয় নাই। তবে শুনিয়াছি অবধূত নাকি ২৪ জন গুরু গ্রহণ করিয়াছিলেন, তাহার মধ্যে কাক, চিল ইত্যাদিও বাদ পড়ে নাই। আমার, বলিতে গেলে, সেই হিসাবে কোনও প্রকার গুরুর অভাব হয় নাই; কারণ প্রথম অবস্থায় ত ভাল পাতার সূক্ষ্ম শিল্প শিখিবার জন্ত যন্ত্রাদির মধ্যে কাচ, পাথর ইত্যাদি তোড় জোড় লইয়া পরিত্যক্ত পত্রাংশ চাঁছিয়া সাব্দ করিয়া কাজ আরম্ভ করিয়া দিলাম এবং অবসর সময় মত রোজ চার আঙ্গুল, ছয় আঙ্গুল করিয়া প্রথমতঃ অপেক্ষাকৃত মিহি জমিনের এক প্রকার পাটাই বুনিয়া রাখিতে আরম্ভ করিলাম। ক্রমে উহাই চন্দ্রমার কলার স্থায় দৈনন্দিন বর্দ্ধিতায়তন হইয়া প্রায় পক্ষ কাল মধ্যে এক২ খানা পাটি হইয়া বাহির হইত এবং উহা লইবার জন্ত warder দিগের মধ্যে প্রায় এক বকম কাড়াকাড়ি পড়িয়া বাইত ও আমার উপর নূতন২ করমাসের অস্ত থাকিত না।

ক্রমে দেখিলাম আমার এক পাখিমাষ্টাব জুটিয়া গেল, আমি যখনই



কোনও প্রকার বুনানির কাজ হাতে লইয়াছি তখনই ঐ পাখি ঘাটটার আসিয়া জুটিয়াছে এবং নিকটস্থ বৃক্ষে বসিয়া আমার কাজ দেখিয়াছে ও যখনই বুনানির ভিতর কোনও প্রকার ভুল হইয়াছে, অমনি সে কিচির মিচির করিয়া আমাকে অস্থির করিয়া তুলিয়াছে, আবার বুনানির ভুল সংশোধন হইয়া গেলেই চুপ করিয়াছে। অবশ্য পাখিরা যে সজ্ঞানে মানুষের মত করিয়া আমাকে শিক্ষা দিবার জন্ত ঐরূপ করিত, তেমন মনে করা বোধ হয় ঠিক সঙ্গত হইবে না; উহারা যেন আবিষ্টের স্তায়, মানুষকে যেমন ভূতে পার ঠিক তেমনই, অপর কোনও জাগ্রত চৈতন্তের যন্ত্রস্বরূপ হইয়া ঐরূপ করিতে থাকিত।

তখন আমার এমনই একটা অবস্থা, যে সেই সময় পশু, পক্ষী, কীট, পতঙ্গ, এমন কি বৃক্ষ লতাদিতে পর্যন্ত এমনই এক অদ্ভুত চৈতন্ত শক্তির খেলা দেখিতে পাইতাম, যে চোখ ঝেলিয়া চাহিলেই সেই সর্বব্যাপী চৈতন্ত আমাকে চারিদিক হইতে ঘিরিয়া ফেলিত। ইহা ঠিক কবিকল্পনা নহে এবং যিনি আপন জীবনে ঐরূপ প্রত্যক্ষ করিয়াছেন তিনি ভিন্ন অপর কেহ আমার এই কথার মর্ম গ্রহণ করিতে পারিবেন কিনা বলিতে পারি না। উহা যেন আমারই অন্তরস্থ আত্মচৈতন্তেরই প্রতিচ্ছবি অথবা প্রতিধ্বনি মাত্র। যখনই আমার মনে যে প্রশ্নের অথবা ভাবের উদয় হইয়াছে বহিঃপ্রকৃতির ভিতর অথবা পশু, পক্ষী, কীট, পতঙ্গ এমন কি বৃক্ষলতাদি যখনই বাহার প্রতি দৃষ্টিপাত করিয়াছি তাহারই ভিতর হইতে শ্রুত অশ্রুত, স্ফুট অস্ফুট আকারে, এমন কি আমাদেরই স্পষ্ট মানব ভাষার তাহারই প্রতিধ্বনি পাইয়াছি; কেবল প্রতিধ্বনি বলিলে কথাটা পরিষ্কার বুঝা যাইবে কিনা জানি না, কারণ প্রতিধ্বনি বলিতে আমরা সাধারণতঃ জড় প্রতিধ্বনিই বুঝিয়া থাকি। এ প্রতিধ্বনি ঠিক তাহা নহে, ইহার ভিতর ঠিক জড় ভাব তেমন বিশেষ কিছুই নাই; সম্পূর্ণ স্বপ্রকাশ, স্বচ্ছ ও সচেতন।



জড় প্রতিধ্বনি কেবল মাত্র যে ধ্বনিটি উচ্চারিত হইল তাহাই প্রত্যাচারণ করিয়া ফিরাইয়া দেয় মাত্র ; কিন্তু আমি যে প্রতিধ্বনির কথা উল্লেখ করিলাম উহার স্বরূপ উপরিউক্ত প্রতিধ্বনি হইতে অনেক বিভিন্ন । উপরিউক্ত স্থলে কেবল মাত্র শব্দদ্বারাই শব্দের প্রতিধ্বনি হইতেছে, অর্থদ্বারা নহে ; তাই উহা জড় । কিন্তু যে স্থলে অর্থদ্বারা শব্দের, অথবা শব্দদ্বারা অর্থের, অথবা শব্দ অর্থ উভয় উপকরণ সাহায্যে শব্দার্থের প্রতিধ্বনি হইতেছে তাহাকে কেমন করিয়া জড় বলিয়া উড়াইয়া দিব ? তবে ইহাও বলিতে হয় যে, উহা কেবল মাত্র আমারই আত্ম-চৈতন্যের দ্বৈত-ভাবের অভিব্যক্তি মাত্র, উহাতে কখনও আমার জ্ঞানের সম্পূর্ণ ও সর্বশ্রেষ্ঠ বহির্ভূত কোনও বিষয়ের অবতারণা করা হইত না ; তবে অকস্মাৎ কখনও কখনও বিজ্ঞান চম্‌কানর মত এক একটা কথা কোথাও হইতে যে আসিয়া না পড়িত এমনও নহে । কিন্তু আমি নিজে আপন ব্যক্তিগত বুদ্ধি বিচার সেইরূপই চলা ফেরা অধিক পছন্দ করি, ঐরূপ আকস্মিকতার রাজ্যে স্বইচ্ছায় ঝুঁকিয়া পড়িতে চাহি না, কাজেই এস্থলেও ঐরূপ কোনও প্রকার আকস্মিকতাকে প্রাধান্য দিতে ইচ্ছা করি না । আবার ইহাও বলি, যে সকল আকস্মিক ব্যাপার আপনা হইতেই আসিয়া আমার সম্মুখে উপস্থিত হইয়াছে তাহার কার্য-কারণ বিশেষ ভাবে আলোচনা করিয়া উহাকে আমাদের জ্ঞান বুদ্ধির বিষয়ীভূত করিবার চেষ্টা না করিয়াই ব্যাপারখানা কিছুই নয় বলিয়া একেবারে বিষয়টী উড়াইয়া দিবারও আমি পক্ষপাতি নহি ।

ঐ প্রকার প্রতিধ্বনির বিষয় যাহা কিছু এ পর্যন্ত বলা হইল উহাই এক প্রকার যথেষ্ট হইলেও একটা বিষয় উল্লেখ করা আবশ্যিক মনে করি, কারণ তদভাবে বিষয়টী একটু অসম্পূর্ণ থাকিয়া যায় । বিষয়টী হইতেছে, ঐ প্রতিধ্বনির মূর্ত আধার ও তাহার ব্যক্তিগত পার্থক্য । আমি পূর্বে

বলিয়াছি যে ঐ প্রতিধ্বনি এক প্রকার আমারই হৈত ভাবে অভিব্যক্তি মাত্র। এ স্থলে প্রতিধ্বনি কথাটির প্রতি একটু দৃষ্টি রাখিলেই চলিবে এবং আমার কথার অর্থও কতকটা বুঝা যাইবে। প্রতিধ্বনি বলিতে যে ঠিক শব্দদ্বারা শব্দের প্রতিধ্বনি নয় ইহাও বলিয়াছি, এ স্থলে যেমন অর্থের দ্বাৰাও শব্দের এবং শব্দদ্বারাও অর্থের প্রতিধ্বনি, অর্থাৎ অন্তর্নিহিত মনোভাবের সমস্ত শব্দ প্রত্যাহার সম্ভব হইয়াছে, যেন আমায়ই মানসাগ্রভাণ আমা হইতে বহির্গত ও বাহ্যপ্রকৃতিতে প্রতিহত ও প্রতিবিস্তৃত হইয়া আমাকেই প্রত্যাহার করিয়াছে, বাহাকে উপনিষদকার বলিয়াছেন “তদ্ভাবতোই স্তোনত্যোতি তিষ্ঠৎ”। কিন্তু যে অধার অবলম্বনে শব্দ অথবা প্রত্যাহার উচ্চারিত হইয়াছে তাহা যে ঠিক আমারই আকৃতিবিশিষ্ট অধার তাহা নহে (যেমন ঙ্গ পৃথিবীর স্থায় শব্দের প্রতিধ্বনি ঠিক সেই শব্দদ্বারা নহে) আমার জ্ঞানের বিষয়ীভূত যে কোনও আকৃতিবিশিষ্ট অধার হইতে পারে, কারণ কাল নিয়তই আমাদিগের অঞ্চল সর্বত্র ব্যপ্ত ও বিস্তৃত করিয়া চলিয়াছে, বাহাব ফলে বিশ্বসৃষ্টির এটী লীলা-কৈচিত্র্য।

তাল পাতার স্থল শিল্পের মধ্যে প্রথম অবস্থায় ত চাটাই বুনলাম; পরে ক্রমেই অন্যান্য স্থল কাজেও হাত দিতে লাগিলাম, তবে উহা যে কখনও কাঁহাবও কাজে লাগিত এমন নহে; কিন্তু ইহাতে আমার বেশ আনন্দ লাগিত এবং সহজ সরল রেখা বুনানী হইতে আরম্ভ করিয়া নানা প্রকার লতায়মান বক্র নমিত ও চক্রায়ত গতি সহকারে পাখা, টুপী, ধলি, hand bag, এমন কি চটি জুতা পর্যন্ত বুনোট করিবার কৌশল শিখিয়া ফেলিলাম। এখানে হর ত প্রস্তু হইতে পারে যে এত রকম স্থল শিল্পের কাজ আমার করায়ত্ত থাকিতে আমার চটি জুতা বুনোট করিবার অদ্বিত খেয়াল মাথায় চাপিল কেন? ইহার একটু কারণ আছে; Major Leet-palk নামের এক বৃহৎ Superintendent যখন

আমার, পূর্ব Superintendent প্রদত্ত সকল বিশেষ সুবিধা কাড়িয়া লয়, সেই সঙ্গে আমার পায় দিবার জন্য যে জুতা তৈয়ার করাইয়া দেওয়া হইয়াছিল তাহাও লইয়া যাওয়া হয়, সুতরাং আমার নগ্ন পদে বিচরণ ভিন্ন আর উপায়ান্তর রহিল না। কিন্তু একরূপ ভাবে কিছু দিন খালি পায় চলিয়া দেখিলাম কেমন যেন পায় এক প্রকার ঠাণ্ডা লাগিয়া শরীরের স্বাভাবিক প্রক্রিয়ার ভিতর এক প্রকার অস্থিতির সৃষ্টি করিতে আরম্ভ করিল। ভাবিলাম কি বিপদ, জুতাও লইয়া যাওয়া হইল, খালি পায় চলাও সহ্য হইতেছে না, ইহার কি কোন ও প্রতিকার নাই? অবশেষে ভাবিয়া ঠিক করিলাম, যেমন করিয়াই হোক এক প্রকার জুতা অথবা খড়ম প্রস্তুত করিয়া লইতেই হইবে।

এই প্রকার স্থির করিয়া উপযুক্ত উপকরণ অন্বেষণ করিয়া আনিবার মানসে বাহিরে ঘোরা ফেরা করিয়া দেখিলাম একখানা নারিকেল পাতার মাঝ খানকার শুক হও পড়িয়া রহিয়াছে, তাহারই গোড়ার দিকটা আমার পায়ের আন্দাজে তুই খণ্ড করিয়া এক প্রকার খরম প্রস্তুত করিবার চেষ্টা করিলাম, ও ঐ প্রকার অদ্রুত রকমে উপানদুগ্ঠপাদ হইয়া কিছু ক্ষণ বিচরণ করিয়া দেখিলাম উহা ঠিক পায় দিবার উপযোগী হইল না। অতঃপর পুনরায় আমার উদ্ভাবনী কল্পনার সাহায্যে নানা প্রকার চিন্তা করিয়া ঠিক করিলাম এখার আর অন্য কথা নাই। যে বস্তু এককাল ধরিয়া প্রায় এক প্রকার শয়নে, স্বপনে, জাগরণে অষ্টপ্রহরের সঙ্গীরূপে আমার লাহচর্ধ্য করিয়াছে, আমি আমার এই সঙ্কট সময়ে সেই তাল পত্রেরই শরণাগত হইব। এইরূপ স্থির করিয়া ঐ তাল পাতা লইয়াই নানা প্রকার নাড়া চাড়া করিয়া অবশেষে বেশ এক প্রকার চটি জুতা প্রস্তুত করিলাম, ও পায় দিয়া উপানদুগ্ঠ নিবারণ করিলাম। আমার ঐ চটি জুতা দেখিয়া একজন European warderএর পর্যাপ্ত পছন্দ হইয়া গেল ও সে

উহাকে এক জোড়া তৈয়ার করিয়া দিবার জন্য আমাকে অনুরোধ করিল। অগত্যা আমাকে সেই European warderএর জন্যও এক জোড়া প্রস্তুত করিয়া দিতে হইল। মনে আছে এই উপলক্ষে তখন একটা হুলাইন গান পর্যন্ত রচনা করিয়া ফেলিয়াছিলাম ও তাল পাতার কাজ করিবার সময় বাউলে সুরে বুনানির তালে ২ ঐ লাইন দুটি গাহিয়া আমোদ উপভোগ করিতাম :—

“আমার তালের পাতা ও আমার তালের পাতা,  
তোমার পাতায় চটি বুনি, তোমার পাতায় চাটাই বুনি  
তোমার পাতায় পাখা বুনি, টুপি বুনি খলতে বুনি,  
তালের পাতা।”

এত গেল আমার নিজের কথা, এবং ইহাও বোধ হয় এত দিনে প্রায় এক রকম একঘেয়ে হইয়া আসিয়াছে ; সুতরাং একেবারে একঘেয়ে ভাবে কেবল নিজের কথা না বলিয়া মাঝে মাঝে আমার সঙ্গী সাখী-পাগলদের কথাও কিছু কিছু লিখিলে বোধ হয় পাঠকের একটু মুখ বদলান হইবে এবং একঘেয়ে লেখা পড়ার ফলে অরুচি অথবা অজীর্ণের সম্ভাবনা থাকিবে না।

সেখানকার পাগলা গারদে সাধারণতঃ একেবারে কাণ্ডজ্ঞানশূন্য উন্মাদ পাগল খুব কমই দেখিয়াছি, তবে মাঝে মাঝে যে না দেখিয়াছি এমন নহে। সাধারণতঃ, যে সকল পাগল সেখানে দেখিতে পাওয়া যায় তাহারা প্রায়ই নিরীহ প্রকৃতির লোক, হয়ত কোনও পারিবারিক অশান্তির জন্য, অথবা অন্য কোনও প্রকার মানসিক ক্লেশনিবন্ধন ঐরূপ দশা প্রাপ্ত হইয়াছে। তাহারা সাধারণতঃ যে যাহার আপন মনে চলিতেছে, ফিরিতেছে, কাজ করিতেছে, কাহাকেও উহাদের জন্য বড় একটা উদ্বেগ পাইতে হয় না। উহাদের মধ্যে কেহ কেহ আবার এক-এক ভাবের পাগল, আপন আপন কাল্পনিক সৃষ্টির ভিতর কত কি দেখিতেছে, আপন মনে কাহারও সহিত কথা কহিতেছে, হাসিতেছে, কাঁদিতেছে, কিন্তু কাহারও প্রতি অত্যাচার অথবা উৎপীড়ন করিতেছে না

একটা European পাগল দেখিয়াছিলাম, শুনিয়াছি সে প্রায় গত ৫০ বৎসর যাবৎ সেই Lunatic Assylumএ বাস করিতেছিল, আমি সেখান হইতে চলিয়া আসিবার কিছু পূর্বে মারা যান। তাহার কতকগুলি ভারি অদ্ভুত অভ্যাস ছিল। আমি প্রথম সেখানে পৌঁছিয়া উহাকে যে ঘরে দেখিতে পাই, শুনিয়াছি, সে নাকি বরাবর সেই ঘরেই রহিয়াছে এবং তাহাও বড় কম সময় নয়, প্রায় ৪০।৫০ বৎসর হইবে, কখনও তাহাকে বাহির হইতে, অথবা অন্য কোথাও যাইতে দেখি নাই। কিছুক্ষণ পরে পরেই তাহার এক অভ্যাস ছিল, গলার একরূপ অস্বাভাবিক ঘড়্ ঘড়্ আওয়াজ করিয়া উচ্চঃস্বরে বলিয়া উঠিত “Asia, Europe, Africa, America, খাড়া রাও”। আবার, মাঝে মাঝে বড় বড় করিয়া কি সব বলিত। উহাদের যেন আমাদিগের পার্থিব রাজ্যের সহিত কেবল মাত্র এক খাইবার শুইবার সংস্ক, বাদ বাকী সবটাই যেন উহারা অপর কোনও অতী-স্ত্রিয় রাজ্যের লোক। উহাদের ভাবগতিক দেখিয়া মনে হয় আমাদিগের যেমন সাধু মহাজনগণ পরমার্থ অন্বেষণে গৃহ পরিবার ছাড়িয়া বনে জঙ্গলে অথবা পর্বতগুহায় যাইয়া বাস করেন, উহারাও যেন তেমনি মনের বিরাগ উপস্থিত হইলে ঐ পাগলা গারদে যাইয়া হাজির হন, নতুবা এতকাণ ধরিয়া ঐরূপ একটা স্থানে বাস করার অর্থ আর কি হইতে পারে? ঐরূপ আরও দুই একজন civil patients দেখিয়াছি, যাহারা বহুকাল যাবৎ ঐ পাগলা গারদেই বাস করিতেছেন এবং পরিশেষে সেখানেই অন্তিমদশা প্রাপ্ত হইয়াছেন। তবে এরূপ ভাবে একেবারে চলা ফেরা বন্ধ করিয়া কোনও একটা স্থানকে বিশেষভাবে আঁকড়াইয়া ধরিয়া থাকার ফল এই হইতে পারে যে স্থান অপরিবর্তনীয় থাকার কালের গতি বিশেষ ভাবে আমাদিগের নিকট প্রকাশিত হয়।

সাধারণতঃ আমাদিগের সাংসারিক কৰ্ম-বন্ধনের ভিতর আমাদিগের



সতত বিক্ষিপ্ত ও চঞ্চল মতি স্থিরভাবে কোনও নিরপেক্ষ সত্যের অনুসন্ধান করিয়া উঠিতে পারে না। সংসারের কোলাহলে আপনাপন সুখ স্বাচ্ছন্দ্য বিধানের প্রচেষ্টায় আমরা নিয়তই ইতস্ততঃ ধাবমান হইতেছি, এক স্থানে নিশ্চলভাবে অবস্থান পূর্বক কালচক্রের সূক্ষ্মাতিসূক্ষ্ম গতি-বেগ নিরূপণ করিবার সময় ও সুবিধা আমাদের কোথায় ?

সেখানকার স্থানীয় একটি মাদ্রাজী পাগল দেখিয়াছিলাম, বেশ লেখা-পড়া জানা লোক ; সাধারণ কথাবার্তার ভিতর তাহাকে মোটেই পাগল বলিয়া বোধ হইত না, কিন্তু সারাদিনের পর সন্ধ্যার সময় যখন তাহাকে তাহার কুঠুরিতে আবদ্ধ করা হইত তখন প্রায় সিংহ-গর্জনে সে এক মন্ত্র জপ করিতে আরম্ভ করিত। তাহার মন্ত্রটি হইতেছে এই "I wish at the time of death, I be born, and take revenge in that simple way।" হয়ত তাহার কোনও পারিবারিক অশান্তির অবস্থায় কেহ তাহার প্রতি শক্রতা করিয়া থাকিবে, তাই তাহার ঐরূপ এক অদ্ভুত ভাবের উদ্ভঙ্গ। মন্ত্রের প্রথম অংশ revenge কথাটি পর্য্যন্ত সে যেরূপ সিংহ-বিক্রমে উচ্চারণ করিত তাহা শুনিয়া মনে হইত যেন সে তাহার অনিষ্টকারী শত্রুকে পাইলে একেবারে চিবাইয়া খাইয়া ফেলিবে, অথবা তাহাকে দুঃশাসনের শাস্তি মাটিতে ফেলিয়া ভীমের শাস্ত তাহার বুক চিরিয়া রক্তপান করিবে, কিন্তু পরম্পরেষ্ট "in that simple way"—মন্ত্রের এই শেষ অংশটুকু এমনি মৃদুভাবে উচ্চারণ করিত যে যুধিষ্ঠিরের "ইতি গজের" শাস্ত তাহাতেই তাহার মন্ত্রের অর্থ একেবারে পরিবর্তিত হইয়া যাইত।

অপরূপ পাগলদের মধ্যে বিশেষভাবে উল্লেখযোগ্য আরও দুই একটা পাগলের কথা উল্লেখ করিয়া পাগলদের কথা শেষ করিব। সাধারণ পাগলদিগের মধ্যে অনেককেই দেখিয়াছি, কোন এক অদৃশ্য শত্রুর প্রতি নিরন্তরই কোপ প্রকাশ করিতেছে এবং অতীব কুৎসিৎ ও কদর্য্য ভাষায় তাহাকে

গানি দিয়া আপন মনের ক্ষোভ মিটাইতেছে—কেবল ঐটুকুই উহাদের পাগলামী, অজ্ঞান বিষয়ে উহারা নিতান্ত ভাল মানুষ, পাগলামীর কোন চিহ্নই নাই।

একটা লোক ছিল সে সর্বদা আমাদিগেরই সহিত কাণ্ডকর্ম করিত এবং কথাবার্তা আচার ব্যবহারেও বেশ শাস্ত ও ধীর-প্রকৃতির বলিয়াই উহাকে জানিতাম। কিন্তু কি কারণে জানি না একদিন উহার এমনি এক অদ্ভুত অবস্থা হইয়া গেল, যে সে একেবারে আত্মবিস্মৃত হইয়া সমস্ত পাগলা-গারদ কাঁপাইয়া এক অদ্ভুত কাণ্ড বাঁধাইয়া দিল। আমি তখন, কোন শারীরিক, অসুস্থতার জন্ত হাসপাতালে দাখিল আছি, সেও সেই সময়, কেন জানি না, হাসপাতালেই ছিল। একদিন রাত্র প্রায় দ্বিপ্রহর, আমরা সকলেই আপনাপন-কুঠুরীতে ঘুমাইতেছি। সেই লোকটীও আমার পাশের একটা কুঠুরীতে ছিল—এমন সময় হঠাৎ মাথার উপর অর্থাৎ টালীর ছাদের উপর একরূপ ঘড়্ ঘড়্ শব্দ শুনিয়া আমরা সকলেই জাগিয়া গেলাম। ব্যাপার কি, জানিবার জন্ত দরজার সম্মুখে আসিয়া দাঁড়াইলে, দেখিলাম সমস্ত হাসপাতালময় এক মহা হলুদুর্ণ কাণ্ড। যে লোকটির কথা বলিলাম সে রাত্রিকালে কোনও এক সুযোগে তাহার কুঠুরীর পশ্চাৎদিক্কার জানালা ধরিয়া দেয়ালের উপর উঠিয়া হাতে ঘুসা মারিয়া টালি ভাঙ্গিয়া ছাতের উপরে উঠিয়া গিয়াছে। গোলমাল শুনিয়া হাসপাতালের warder, nurse ইত্যাদি সব চারিদিকে ছুটাছুটি করিতেছে এবং সেই লোকটী প্রচণ্ড বেগে ছাতের উপরকার টালি, সুড়কি সব চারিদিকে ছুঁড়িয়া ফেলিতেছে। সে যখন আমার ঘরের উপরে ঐরূপ উৎপাত আরম্ভ করিয়াছে এবং আমার ঘরে সূড়কির ঢেলা ইত্যাদি পড়িতে আরম্ভ করিয়াছে, তখন আমি কোনও উপায়ান্তর না দেখিয়া আশ্রয়ার্থ এক কোণে জড় সড় হইয়া দাঁড়াইয়া আছি, এমন সময় একজন European warder আসিয়া আমার কুঠুরীর দরজা খুলিয়া আমাকে বাহির করিয়া লইল।

এই European warder টীর তখনকার অবস্থা যাহা দেখিয়াছি তাহাও এক প্রকার আশ্চর্য্য ব্যাপার, সুতরাং সে সম্বন্ধে একটু উল্লেখ না করিয়া পারিলাম না। ইহার নাম G. A. Brady ; ইনিই আমাকে কালাপানি হইতে মাদ্রাজে লইয়া আইসেন। আমার দরজা খুলিয়া দিবার সময় দেখিতে পাই আশ্চর্য্য এক প্রকার আলোক উহার শরীর হইতে বিকীর্ণ হইতেছে, দেখিলে মনে হয় যেন উহার শরীরের সমস্ত অনু-পরমাণু, যে করিয়াই হোক, একরূপ স্বচ্ছতা প্রাপ্ত হইয়াছে এবং ঐ স্বচ্ছ আবরণের ভিতর যেন একটী আলো জ্বলিতেছে, যাহার রশ্মি উত্তাপহীন চাঁদের কিরণের ন্যায় শিথল ও শীতল এবং উহার শরীর আবরণ ভেদ করিয়া চতুর্দিকে বিকীর্ণ হইতেছে। শুনিয়াছি মানুষের শরীর হইতে নাকি এক প্রকার আলোক নির্গত হয়, যাহাকে বৈজ্ঞানিকগণ “N-rays” বলিয়া থাকেন এবং উহাও সাধারণতঃ কেবল মস্তিষ্ক হইতেই বিনির্গত হয় বলিয়া জানি। সাধু মহাজনগণের শরীরের চতুর্দিকে এক প্রকার halo দেখিতে পাওয়া যায়, ইহা বোধ হয় অল্পেকেই জানেন, কিন্তু এরূপ উজ্জল ও সর্বত্র-পরিব্যাপ্ত আলোক আর কখনও দেখি নাই ; এমন কি, কেবল মাত্র ঐ সময়ের জন্ত ব্যতীত ঐ European warder টীর শরীরেও আর কখনও দেখি নাই, তবে মাঝে মাঝে রাত্রিকালে স্বল্প বিস্তর এরূপ আলোক উহার শরীরে লক্ষ্য করিয়াছি। আমাকে বাহির করিয়া আনিবার পর দেখিলাম Superintendent Dy. Superintendent ইত্যাদি সকলেই আসিয়া উপস্থিত। “তম্বিপারন” (সেই লোকটির নাম, সকলে তাহাকে “চিন্না তম্বি” বলিয়া ডাকিত। তামিল ভাষায় তম্বি মানে ছোট ভাই) ছাতের এক দিক হইতে অপর দিক পর্য্যন্ত অঙ্গুর বিক্রমে ফিরিতেছে এবং হাত দিয়া এবং পা দিয়া টালির রাশি চারিদিকে ছড়াইতেছে, কার সাধ্য তাহার নিকটে যার অথবা তাহাকে প্রতিনিবৃত্ত করে। Superintendent কত আদর করিয়া উহাকে

ভাকিলেন, কিন্তু সে কিছুই শুনিবে না। এরূপ ভাবে একদিককার টালি প্রায় শেষ করিয়া উহার কি এক বুদ্ধি হইল, নিকটেই একটা বটগাছ ছিল, এক লক্ষ তাহার একটা ডালে গিয়া চড়িয়া বসিল, এবং আপন পরিধান বস্ত্র খুলিয়া তথাকার একটা ডালে বাঁধিয়া যেন জয় পতাকা উড়ান করিয়া দিল; অতঃপর পুনরায় এক লক্ষ ছাতে আসিয়া পড়িল। এ প্রায় ত্রেতাযুগে হনুমান যাহা করিয়াছিলেন, তাহারই পুনরাভিনয় বলিতে হইবে। স্বাভাবিক অবস্থায় এতটা উঁচু হইতে এতটা দূর লক্ষ প্রদান করিয়া এমন দুঃসাহসিকতার পরিচয় কেহ দিতে পারে বলিয়া আমাদের ধারণাই হয় না। ইতিমধ্যে চকম্ (মই) লইয়া ছাতে লাগান হইল এবং জয়ার্দার দগের মধ্যে দুই একজন সাহস করিয়া উহাকে ধরিয়া ছাত হইতে নামাইবার জন্য অগ্রসর হইল, কিন্তু কয়েক ধাপ উঠিতে না উঠিতেই টালি হাতে লইয়া তস্থিপায়ন উহাদিগকে এমনি তাড়া করিল যে “ত্ৰাহি ত্ৰাহি” রবে উহাদিগকে নামিয়া আসিতে হইল। অবশেষ এই অদ্ভুত পরিশ্রমের পর তস্থিপায়ন একেবারে অবসন্ন ও সংজ্ঞাশূন্য অবস্থায় ছাতের উপর হইতে গড়াইয়া পড়িয়া গেল এবং সেই আঘাতে তাহার দুইখানা হাতই ভাঙ্গিয়া নাক মুখ কাটিয়া রক্তস্রোত বহিয়া গেল। সকলে মিলিয়া ধরাধরি করিয়া তাহাকে একটা কুঠুরীতে আনিয়া রাখিলে পর তাহার ভ্রম হস্তের কাঠের splint দিয়া বাঁধিয়া দেওয়া হইল এবং ক্ষত স্থান শুষ্ক দিয়া bandage করিয়া দেওয়া হইল। ক্রমে সে সংজ্ঞা লাভ করিল এবং উপযুক্ত সেবা যত্নের ফলে কিছুদিনের মধ্যে বেশ আরোগ্য লাভ করিল; কিন্তু হুঃখের বিষয় উহার হস্তের চিরদিনের মত অক্ষম হইয়াই রহিল। ক্রমে যেন এই অক্ষম জীবন উহার নিকট একেবারে অসহ হইয়া উঠিল এবং কি করিবে কিছু উপায় না দেখিয়া অগত্যা একদিন রাতিকালে আপন কুঠুরীতে ফাঁসী লাগাইয়া আত্মহত্যা করিয়া বসিল।

অনুমান প্রায় এই সময়েই আমাদের পুরাতন Superintendentএর  
 বদলী হওয়ায় তৎস্থানে Major Leet Palk নামক এক বিশাল-  
 বপু Superintendent আমাদের Assylum এর কর্তৃত্ব গ্রহণ করেন ।  
 উক্ত Superintendent কর্তৃক বহাল হইবার প্রথম দিনই, কেন জানিনা,  
 উহার কি খেয়াল হইল, বৈকাল বেলা অপর একটা European warder  
 সহ আমার cellএর সম্মুখে আসিয়া হাজির। আমি স্তম্ভিত ও পূর্ব  
 Superintendent এর নির্দেশানুযায়ী European patients দিগের  
 সঙ্গেই থাকিতাম এবং কয়েকদিগের কাপড় না পরিয়া বাড়ীর কাপড়  
 পরিতাম। আমাদের নূতন Superintendent আমার cell এর সম্মুখে  
 আসিয়া আমাকে দেখিয়াই একটু রহস্য করিবার মানসে ‘Ah ! you  
 monkey’ বলিয়া একটা সাদর সম্ভাষণ করিলেন। আমি দেখিলাম  
 ব্যাপার যৎকিঞ্চিৎ নয়, আমার সহিত আলাপ নাই পরিচয় নাই অথচ প্রথম  
 দর্শনেই একরূপ স্মৃষ্টি সম্ভাষণ !! ব্যাপার কি ? কাজেই আমি তাঁহার ঐ রহস্য-  
 ক্রমে মধুর সম্ভাষণটী একেবারে ছব্বহ গলাধঃকরণ করিতে পারিলাম না,  
 ও বলিলাম ‘‘What do you mean ? You seem to be no better  
 than what I am ? ‘‘আপনি কি বলিতে চান ? আমাকে ‘‘monkey’’  
 বানস বলিতেছেন, আপনাকেও ত আমাপেক্ষা কোন অংশেই শ্রেষ্ঠ বলিয়া  
 বোধ হইতেছে না ?’’ আমার এই প্রত্যুত্তরের সাহেব ত আমার উপর চটিয়া  
 গিয়া মহা তর্ক আরম্ভ করিয়া দিলেন—‘‘ও তুমি একটু স্বাধীনচেতা লোক !  
 আচ্ছা দেখা যাক তোমার জন্য কি করা যাইতে পারে।’’ এই বলিয়া তাঁহার  
 প্রথমেই নজরে পড়িল যে আমি European ward এ আছি, অমনি  
 বলিয়া উঠিলেন ‘‘কে তোমাকে European ward এ ভর্তি করিয়াছে ?  
 তুমি কি European ?’’ আমি বলিলাম ‘‘না, আমি Indian, পূর্ব  
 Superintendent আমাকে এই স্থানে থাকিবার ব্যবস্থা করিয়াছেন।’’



অতঃপর তাঁহার দৃষ্টি পড়িল আমার পরিধান বস্ত্রের প্রতি—কয়েদীর কাপড় না পরিয়া বাড়ীর কাপড় পরিয়া আছি, তাই অমনি বলিয়া উঠিলেন “তুমি যে বাড়ীর কাপড় পরিয়া রহিয়াছ দেখিতেছি, এ কি তোমার বাড়ী? জান তুমি কয়েদী? তোমাকে এ স্থানে থাকিতে হইলে কয়েদীর কাপড়ই পরিতে হইবে?” এই বলিয়া warder কে হুকুম জারি করিলেন, “উহার বাড়ীর কাপড় খুলিয়া কয়েদীর কাপড় পরাইয়া দাও এবং European ward হইতে বদলী করিয়া অপরাপর পাগল কয়েদীদের সহিত native ward এ লইয়া যাও।”

“হুকুম মারফিক্ কয়েদীর কাপড় আসিলে আমি দেখিলাম এ আবার কি-  
আপদ, এতদিন বাড়ীর কাপড় পরিয়া আবার কয়েদীর কাপড় পরিতে হইবে?  
কথাটা মোটেই ভাল লাগিল না, অবশেষ মনে মনে চিন্তা করিয়া এক বুদ্ধি  
আঁটিলাম, এবং আমার বিছানা তটতে একখানা কঞ্চল লইয়া তাহাই গায়ে  
বুড়াইয়া আমার পরিধান বস্ত্র খুলিয়া দিলাম এবং বলিলাম “কুছ পরোয়া নেই,  
তোমরা বাড়ীর কাপড় এবং কয়েদীর কাপড় উভয়ই লইয়া যাইতে পার,  
আমার ঐ সব কিছুই আবশ্যিক নাই।” এই বলিয়া সাধু বাবার মত  
বারাণ্ডায় বসিয়া পড়িলাম। কিন্তু ওয়ার্ডারেরা সকলে মিলিয়া পীড়াপীড়ি  
আরম্ভ করিয়া দিল এবং বুঝাইতে চেষ্টা করিল যে এই Superintendent  
একটু হেঁতকা রকমের হইলেও মোটের উপর লোক ভাল, কোনও ছল  
চক্রের ধার ধারে না, সাদা প্রাণে যাহা মনে হয় তাহাই বলিয়া বসে। কিছু দিন  
উহার কথা মত চলিলেই আবার সব ঠিক হইয়া যাইবে, তা ছাড়া কাপড় না  
পরিতে চলিবে না; কারণ, যে কঞ্চল বুড়াইয়া বসিয়া রহিয়াছি উহাও  
European শ্রমিকের অন্ত, সুতরাং আমাকে native ward এ বদলী করিয়া  
দিলে তাহাও পাওয়া যাইবে না। কাজেই বাধ্য হইয়া পুনরায় আমাকে  
কয়েদীর কাপড়ই পরিতে হইল। নতুবা অন্য এক উপায় ছিল বটে; সেখানকার  
পাগল কয়েদীদের মধ্যে এমন অনেকে আছে যাহারা বসন ভূষণের

একেবারেই কোন ধার থাকবে না, যে নগ্ন দেহ লইয়া মাতৃক্রোড়ে জন্মগ্রহণ করিয়াছে, জীবনের অবশিষ্ট অংশটুকুও সেই দিগম্বর মূর্তিতেই কাটাইয়া দিবে, ইহাতে কাহার কি বলিবার থাকিতে পারে? ইচ্ছা করিলে, ইহাদের দৃষ্টান্ত অনুসরণ করিয়া বসন-ভূষণের দৌরাখ্য হইতে একেবারেই মুক্তি পাইতে পারিতাম বটে, কিন্তু বোধ হয় আমার তখনও উহাদের ক্রাশে promotion পাইবার অনেক বাকী ছিল, তাই আর তখন ঐরূপ হইয়া উঠে নাই। সে বাহা হোক, ফয়েদীর কাপড়ও পরিলাম এবং European ward হইতে তাড়িত হইয়া আমাকে native ward এও বাইতে হইল। সেখানে গিয়া বাধ্য হইয়া আমাকে European দিগের তোড় জোড় সব পরিত্যাগ করিতে হইল এবং কেবল মাত্র রাত্রিকালে শয়নের জন্য একখানা তালপাতার মোটা চাটাই, মাথায় দিবার একখানা খড়ের বালিস ও গায় দিবার একখানা মোটা চট আমার শয়ন কক্ষের শোভা বর্ধন করিতে লাগিল। এই সকল লঘু লাঞ্ছনার ফলে আমার মনের বল কোনও প্রকার হ্রাস হওয়া দূরে থাক, বরং আরও বৃদ্ধি পাইতে লাগিল। ক্রমে ঐ Superintendentও দেখিলাম আর কোনও প্রকার উৎসীড়ন না করিয়া বেশ সম্ব্যবহারই করিতে লাগিলেন।

উপরি উক্ত Superintendent আমাদিগের পাগলা গারদে অবস্থান কালীন আর একটা উন্মাদ পাগল এক ভীষণ কাণ্ড বাধাইয়া বসে। উহার নাম ইলাইয়া গোল্ডন্। সে যখন প্রথম সেখানে অপর কোনও এক জেল হইতে প্রেরিত হইয়া আসিয়া উপস্থিত হয়, তখন উহার মধ্যে তেমন কোনও উন্মত্ততার লক্ষণ দৃষ্ট হয় নাই; তবে আমার বেরূপ কালাপানি হইতে মাদ্রাজ চালান হইবার সময় “আমার রেহাই হইয়া গিয়াছে” এরূপ একটা ধারণা, যে করিয়াই হউক, জন্মিয়া গিয়াছিল, উহারও দেখিলাম ঠিক তাহাই। সে সেখানে আসিয়াই কেবল বাড়ী বাইবার জন্য অস্থির হইত। এমন কি, ফটকের নিকট যে guard room ছিল তাহাকে Railwayর Ticket Office মনে করিয়া

বারবার Ticket পাইবার জন্য সেখানে গিয়া হাজির হইত। একপ ভাবে কিছুদিন কাটিলে পর, বিশেষ কোনও উন্নততার লক্ষণ দৃষ্ট না হওয়ায়, উহার সম্বন্ধে বিশেষ কোনও সতর্কতা অবলম্বন করা হয় নাই, সাধারণ কয়েদিদিগের সঙ্গেই থাকিতে ও চলাফেরা করিতে দেওয়া হইত।

অবশেষে এক দিন বেলা প্রায় দ্বিপ্রহর কি আড়াই প্রহরের সময় হঠাৎ উহার এমনই বুদ্ধিবিপর্যয় উপস্থিত হইয়া গেল, যে তাহার কাণ্ড দেখিয়া, সেখানকার প্রায় অধিকাংশ লোককেই “কার কপালে কি বে আছে, বলা নাহি যায়” একপ ভাবে প্রাণ হাতেব তলায় লইয়া সশস্ত্র অবস্থায় দণ্ডায়মান হইতে হইয়াছিল। আমাদের থাকিবার স্থান Criminal enclosureএর অধীনে একখানা ছোট কর্মকার-শালা ছিল, সেখানে নানা প্রকার যন্ত্রপাতি ও লোহা লকড় পড়িয়া থাকিত। হঠাৎ, কেন জানিনা, তাহার কি এক দুর্ভুক্তি মাথায় চাপিল, সে সেই কর্মকার-শালা হইতে একখানা প্রকাণ্ড লোহার ডাণ্ডা হাতে তুলিয়া লইয়া একদিকে ছুটিতে আরম্ভ করিল ও পথিমধ্যে বাহাকে দেখিতে পাইল তাহারই সম্বন্ধে তাহার ঐ লোহ-দণ্ডের এক এক ঘা করিয়া বসাইতে লাগিল। এইরূপে ক্রমান্বয়ে একজন, দুইজন, তিনজনকে যখন সে একেবারে সাংঘাতিক-রূপে অধম করিয়া বসিয়াছে, তখন চারিদিকে এক মহা কোলাহল পড়িয়া গেল। চার পাঁচ জন সবল ও সুস্থকায় লোক সাহস করিয়া বংশদণ্ড হস্তে উহাকে তাড়া করিল ও অল্পক্ষণের মধ্যেই উহাকে ধরিয়া ফেলিল। অবশ্য ধরিবার পর উহাকে যথেষ্ট উত্তম-মধ্যম দেওয়া হইল; কিন্তু তাহাতে আর কি হইবে বাহা করিয়া বসিয়াছে তাহার প্রতিকার উহাকে মারিয়া যমের দক্ষিণ দ্বার দেখাইয়া আনিলেও হইবার নহে। আমি সৌভাগ্য-ক্রমে ঐ উন্নাদের গন্তব্য পথ হইতে কতকটা দূরে, আমার কুঠুরীর নিকটে ছিলাম কোলাহল শুনিয়া ব্যাপার কি জানিবার জন্য অগ্রসর হইলে বাহা দেখিলাম তাহাতে অতি বড় সাহসীও হৃদকম্প হইবার কথা। সেই সেই স্থানে ঐ উন্নাদ-

কর্তৃক আহত লোক পড়িয়া রহিয়াছে, সেই সেই স্থানে একেবারে রক্ত-গঙ্গা বহিয়া বাইতেছে এবং যাহাদিগকে আঘাত করিয়াছে, তাহাদিগের দিকে তাকাইতেও, বোধ হয়, সাধারণ লোকের সাহসে কুলাইবে কিনা সন্দেহ ; এমন কি একটু দুর্বল-চিত্ত লোক ঐ দৃশ্য দেখিলে প্রথম দৃষ্টিতেই মূর্ছা যাইবে, সে বিষয়ে কোনই সন্দেহ নাই ।

যাহাদিগের মস্তকে আঘাত লাগিয়াছে, তাহাদের প্রত্যেকেবই এক এক আঘাতেই মস্তকের খুলি ভাঙ্গিয়া একেবারে চেপ্টা হইয়া গিয়াছে এবং মাথার ঘি ছািব হইয়া পড়িয়াছে । আহত তিন জনের মধ্যে দুই জনকে অচিরেই পঞ্চম প্রাপ্ত হইতে হইয়াছে । অপর একজন উহাদের মধ্যে অপেক্ষাকৃত সবল ও সুস্থকায় ছিল ; Superintendent আসিয়া তিন জনকে দেখিয়া কেবল মাত্র উতাকেই stretcher এ কবিয়া হাঁসপাতালে লইয়া যাইবার আদেশ করিলেন, অপর দুই জন সম্বন্ধে ত কোনই ভরসা নাই, দেখা যাক প্রাণপণ যত্নে যদি উতাকে বাঁচাইতে পারেন । হাঁসপাতালে প্রায় ৭৮ দিন উহার কোনও সংজ্ঞাই হয় নাই, নাকে নল দিয়া অথবা feeding cup দিয়া দুধ খাওয়াইয়া দেওয়া হইয়াছে, এমত অবস্থায়ও যে সে বাঁচিয়া উঠিল ইহা খুবই আশ্চর্যের বিষয় সন্দেহ নাই, এবং আজকালকার অস্ত্রচিকিৎসা শাস্ত্রের পক্ষে ইহা খুবই গৌরবের বিষয় বলিতে হইবে । যদিও গত বৃদ্ধ ব্যাপারে একান্ত ইচ্ছা সত্ত্বেও নিজে যাইবার কোনই সুবিধা ঘটানো উঠে নাই, তথাপি বলিতে পারি, ঐ দিনকার লোমহর্ষণ দৃশ্য যাহা দেখিয়াছি, ভয়াবহ সমর-ক্ষেত্রেও ঐরূপ ভীষণ দৃশ্য পরিলক্ষিত হয় কিনা সন্দেহ ।

পাগলা-গারদের পাগলদের কথা এই পর্য্যন্ত হইলেই যথেষ্ট হইবে । আর তেমন উল্লেখ-যোগ্য পাগলের কথা বড় বিশেষ কিছুই নাই ; তবে একটা লোক দেখিয়াছিলাম, জাতিতে মুসলমান, তাহার স্বীয় অন্ননালীর উপর এমনই আশ্চর্য্য দৃশ্য ছিল, যে আহার করিয়া কয়েক বাটা জল গলাধকরণ করিয়া



যত্নক্রমে সমস্ত ভুক্ত অন্ন উদগীরণ করিয়া ফেলিতে পারিত। আমাদের হটযোগ শাস্ত্রে যে ধৌতি এবং নেতি প্রক্রিয়ার কথা পাওয়া যায়, উহার অন্ত্যাস কতকটা তরুণ। প্রায়ই মাঝে মাঝে দেখিয়াছি যে আমাদের মেথানকার খাইবার bowl এ করিয়া এক বাটী কি দুই বাটী জল, ওজনে প্রায় তিন চার সের হইবে, একবারেই ঢক্ ঢক্ করিয়া পান করিয়া ফেলিত এবং পরক্ষণেই উহা সমস্ত, রাস্তার জলের কলের মত, খানিকক্ষণ ধরিয়া অবিচ্ছিন্ন প্রবাহে উদগীরণ করিতে থাকিত। লোকটী অতিশয় ধর্ষাকৃতি, কিন্তু বেশ বলিষ্ঠ গঠন, ডন কুস্তিও উহার বেশ জানা ছিল; কিন্তু হইলে কি হইবে, তাহার ঐ সকল অদ্ভুত ক্ষমতা সত্ত্বেও জেলখানাই তাহার প্রকৃত আবাস বলিতে হয়। মাদ্রাজ অঞ্চলে যাহারা দুই তিন কি ততোধিক বার জেল খাটে, তাহাদিগকে K. D. অর্থাৎ Known Desperado বলা হয়, আমাদের ঐ লোকটীও তাহাদিগেরই একজন অন্ততম, বাবস্বাব চুরি ইত্যাদি অপরাধে উহার ঐরূপ দশা।

এই ত গেল আমাদের পাগলদের কথা। এখন পুনরায় আমার পূর্ব-কথিত অতিলৌকিক কয়েকটি ঘটনার উল্লেখ করিব। এবার যাহা বলিব তাহা শুনিয়া সকলেই আশ্চর্যান্বিত হইবেন সন্দেহ নাই।

একদিন সকালবেলা আমি আমাদের বড় ফটকের দিকে মুখ কাড়াইয়া বাহিরের দিকে চাহিয়া দেখিতেছি, এমন সময় দেখিলাম আমাদের সম্মুখস্থ sergeant এর বাড়ীর পাশের দিককার বাগানে একটা মহিলা, আমাদের দেশীয় ধরণে কাপড় পরা, আমাকে লক্ষ্য করিয়া কি যেন বলিতে চাহিতেছেন। উহার দেহের গঠন অতিশয় স্বষ্টপুষ্ট; এমন কি, একেবারে সূলাকৃতি বলিলেও চলে। গায়ের রং বেশ ধব্ ধবে করুসা, মেমদের মত। আমাকে দেখিয়া, আমি কে তাহা জানিবার জন্য জিজ্ঞাসা করিলাম “Who is this?” “এ কে?” আমি আর কি বলিব কোনও উত্তর না দিয়া উহার দিকে চাহিয়া



আছি, এমন সময় পুনরায় জিজ্ঞাসা করিলেন “Do you know me ?” “আমাকে চেন ?” আমি তাঁহাকে দেখিয়া আমার পরিচিত কেহ বলিয়া মনে করিতে পারিলাম না। তাই অবশেষে তিনি নিজের আত্মপরিচয় দিয়া বলিলেন “I am she” অর্থাৎ “আমি তিনি”। আমি তথাপি কিছুই বুঝিতে পারিতেছি না দেখিয়া বলিলেন “I am Mary, your queen.” এইরূপ বলাতে আমি চাহিয়া দেখিলাম তাই ত যেন ছবির চেহারার সঙ্গে কতকটা সাদৃশ্য আছে বলিয়া বোধ হয়, তবে এরূপভাবে এরূপ স্থানে অদ্ভুতের অর্থ কি ? তখনও Europe যুদ্ধ পুরা দমে চলিতেছে, আমি মনে মনে চিন্তা করিয়া সেই সম্পর্কে একটা অর্থ করিয়া লইলাম। ভাবিলাম হয় ত এই যুদ্ধ সম্পর্কে স্বদেশে নানাপ্রকার আপদ বিপদের সম্ভাবনা, এমন কি civilwar এর সূচনা দেখিয়া সাম্রাজ্যী আত্মগোপন করিয়া ভারতবর্ষে আসিয়া উপস্থিত হইয়াছেন এবং মুক্তি-ফৌজদিগের ত্রায়, ভারতবর্ষে অবস্থান কালীন, ভারতীয় ধরণে আপন বেশ পরিবর্তন করিয়া লইয়াছেন। তাঁহার এই শূণ্ঠাভরণ, এক-বস্ত্র-পরিধান, নগ্নচরণ দৈন্ত দশার মূর্তি দেখিয়া কেমন যেন একটু কষ্টই হইল। আমাকে জিজ্ঞাসা করিলেন “তুমি এখানে কেন ?” “তুমি কি করিয়াছ ?” আমি ঈর্ষিতে জানাইলাম যে “Waging of war” অপরাধে আমি রাজদণ্ডে দণ্ডিত। তিনি বলিলেন “That’s nothing” অর্থাৎ Europe এ যাহা এখন হইতেছে তাহার তুলনায় তোমরা যাহা করিয়াছ তাহা একেবারে কিছুই নহে বলিতে হয়। অতএব “You are free” “তুমি মুক্ত।” আমি কিন্তু এরূপ ভাবে মুক্তির অর্থ কিছুই বুঝিলাম না, তবে তাঁহার ঐ শুভ আশীর্বাদ লাভ করিয়া আপন কৃতজ্ঞতা জানাইলাম। সেদিনকার ব্যাপার সেখানেই শেষ হইল ও আমি আপন কর্মস্থানে চলিয়া আসিলাম।

• • এই সকল ঘটনার যথাযথ বিবরণ যাহা লিপিবদ্ধ করিলাম, তদ্ব্যতী পাঠক অবশ্যই বুঝিতে পারিয়াছেন যে আমি তখনও ঐ ব্যাপার আন্দাজের

সাধারণ লৌকিক ঘটনা বই অথু কিছু বলিয়া মোটেই বুঝি নাই। এখন বুঝিয়া লউন ঐ সকল ব্যাপার আমাদের মনে কিরূপ ভাবে কার্যকরিয়া থাকে। এতাবৎ যে সকল ঘটনা বর্ণনা করিয়া আনিয়াছি, তাহা সংখ্যায় নিতান্ত অল্প নহে, তথাপি পর পর এতগুলি ঘটনা লক্ষ্য করিলেও ঘটনাস্থলে লৌকিকের সহিত ঐরূপ অতিলৌকিকের পার্থক্য নির্ধারণ করিবার ক্ষমতা তখনও আমার হয় নাই, বরং ঐরূপ “উন্টা বুঝিলাম” বুদ্ধিতেই চলিয়াছি।

তারপর একদিন বেলা প্রায় ২টা কি ২টা হইবে, আমি পড়িবার জন্য তথাকার Library হইতে একখানা বই আনিবার জন্য চলিয়াছি, সঙ্গে অপর একটি European soldier ও একজন warder আছে। Soldierটির অল্প বয়স, বোধ হয় বাইশ কি তেইশের অধিক হইবে না, Bellary Cantonment হইতে হঠাৎ আত্মবিস্মৃত অবস্থায় তথাকার একজন দেশীয় নাপিত কি butlerকে গুলি করিয়া মারা অপরাধে দণ্ডিত হইয়া আমাদের Lunatic assylumএ প্রেরিত হয়। উহার নাম John Scott

উহার সম্বন্ধে তখন আমার একটা অত্যন্ত ভ্রান্ত ধারণা ছিল। আমি যখন তাঁত-শালায় কাজ করি, তখন একদিন সকালবেলা সে আসিয়া আমাদের তাঁত-শালায় উপস্থিত। আমি উহাকে বেধিয়া মনে করিলাম বুঝি বা সে তাঁতের কাজ শিখিতে চাহিতেছে, তাই উহাকে জিজ্ঞাসা করিলাম “তুমি কি এখানে কাজ করিতে চাহ?” সে উত্তর করিল “না, তুমি কি তবে জান না আমি হচ্ছি John”। উহার ঐরূপ উত্তর শুনিয়া উহার সম্বন্ধে আমার এমনই এক ভ্রান্ত ধারণা জন্মিয়া গেল, যে আমি মনে করিলাম তবে বুঝি সে Prince John !!! যুদ্ধ সম্পর্কে কোথায় এক খুনের মামলার পড়িয়া অথবা আত্মগোপনকালে একেবারে কয়েদীর বেশে কয়েদ-খানায়

জাজির । যদি তাহাই হয় তবে আর সে কাজ করিবে কি ? পরে যদিও একদিন উহার বাড়ী কোথায়, উহার পিতা কি করেন ইত্যাদি অনেক কথাই বলিল কিন্তু তাহাতে যেন আমি আরও সমস্যায় পড়িয়া গেলাম । উহার সম্বন্ধে প্রথম ধারণাটী যেক্ষণ স্পষ্ট ও প্রবল আকারে আমার মনকে অধিকার করিয়াছিল দ্বিতীয় ধারণা তাহার তুলনায় একেবারে নিস্তেজ ও নিস্কীর্ণ্য বলিতে হয় । প্রথমটির বেলায় বিশেষ কোনও কথাই নাই কেবল মাত্র একটা “নাম” আর বাদ বাকী সবই প্রায় reading between the lines, কতকটা inspirationএর ন্যায়, অথচ উহারই এত জোর বাক্যকে “Power of the lie” বলে । যে বাস্তব সত্য ভাষায় ব্যক্ত হইয়াও তাহার নিকট হার মানিতে বাধ্য হইল ।

আমরা library তে আসিয়া উপস্থিত হইলে সেখানকার কেরাণী আমাকে ডাকিয়া বলিল “you will see some one to-day” আমি ভাবিলাম কে আবার আসিবে ? আমি উহার কথাটা তেমন ভলাইয়া বুঝিলাম না এবং তখনই সব ভুলিয়া গেলাম । সেখানকার Library ঘরটী বেশ প্রশস্ত একটা Hall, ভিতরে কখনও কখনও Medical College এর ছেলেদের জন্ত class বসিত এবং মাঝে মাঝে আমোদ প্রমোদ উপলক্ষে আমরা সেখানে মিলিত হইতাম । সে দিন Library ঘরে উপস্থিত হইয়া আমার আবশ্যকীয় বই ইত্যাদি দেখিতেছি এবং কেরাণী আসিয়া আলমারী খুলিয়া বই বাহির করিয়া দিবে তাই অপেক্ষা করিতেছি, এমন সময় চাহিয়া দেখিলাম হঠাৎ বাহিরের দিক হইতে কে যেন Hall এর দিকে আসিতেছে । চেহারা দেখিয়া মনে করিলাম হয়ত নূতন কোনও European patient হইবে ; দেখিতে আনুপেক্ষাও প্রায় আধ হাত উঁচু, মুখের গড়ন ইত্যাদি সবই এক রকম লম্বা ছাঁদের, গারে এক থানা Blue flannel এর কোট, বেশ-ভূষার তেমন কোনই আড়ম্বর নাই । আমাকে দেখিয়া ইনিও পূর্ব আখ্যায়িকার স্থায়

“who is this” “এ কে ?” এরূপ জিজ্ঞাসা করার আমি আর কোনও উত্তর করিলাম না। আমার হইয়া, Mr. Fraser নামক অপর একটি European patient তথায় উপস্থিত ছিল, সেই বাহা কিছু বলিবার বলিতে লাগিল। Scott সেই সময়ে daïs এর উপরে উঠিয়া Piano বাজাইবার প্রয়াস পাইতেছে। আমি একজন political prisoner “waging of war” অপরাধে দণ্ডিত, শুনিয়া তিনিও বলিয়া উঠিলেন “Oh ! that’s nothing”, ‘ও কিছু নয়’ ‘I set you free’ “আমি তোমাকে মুক্তি দিতেছি।” “Do you know me ?” ‘তুমি কি আমাকে চেন ?’ এইরূপ কথা হইতেছে, এমন সময় কেবাণী আসিল ও আমি বই আনিবার জন্ত আলমারীব নিকট গিয়া দেখি একটি European মেয়ে, বয়স অনুমান ১৪।১৫ হইবে, টেবিলের উপর বসিয়া সেখানকার একটি বৃদ্ধ European patient এর সহিত গল্প করিতেছে। আমাকে দেখিয়া সেও জিজ্ঞাসা করিল “Who is this ?” ইহার উত্তরে সেই European টী বলিল ইনি এখানকারই একজন patient ইত্যাদি। পরিশেষে ঐ মেয়েটী উহাকে আমার সহিত পরিচয় করাইয়া দিবার জন্ত বলিল “introduce me”; এইরূপে অনুরুদ্ধ হইয়া সেই বৃদ্ধ আমাকে বুঝাইয়া দিল যে ঐ মেয়েটী হচ্ছেন ‘Alice’ অর্থাৎ Princess Alice, King George এর মেয়ে। পরিচয় হইয়া গেলে পর উক্ত মেয়ে আমার সহিত নানা রকম ছেলে-মানুষি আরম্ভ করিয়া দিল। আমি যেন হিন্দু ধর্মের বহু ঈশ্বরবাদের একজন পাণ্ডা ও সে একেশ্বর-বাদিনী খৃষ্টান, তাই উহার একেশ্বর-বাদের এক মন্ত্র আমাদের দেশীয় ভাষায় ভজাইবার প্রয়াস পাইতে লাগিল। মন্ত্রের প্রথম চরণটী হইতেছে এই ‘একেশ্বর-বাদী সীতা’ অর্থাৎ আমাদের ভারতবর্ষের আদর্শ সাম্রাজ্ঞী যে সীতা দেবী তাঁহাকেও বহু ঈশ্বরবাদ ছাড়িয়া একেশ্বর-বাদ মানিতে হইবে। মন্ত্রের প্রথম চরণটী ত আধ আধ ভাষায় উহার মুখে শুনিতে বেশ মিষ্টি লাগিল, কিন্তু দ্বিতীয়

চরণটা শুনিয়া বোধ হয় যেন সে chamber potএ বসিয়া ঐ মন্ত আকৃতি করিতেছে এবং মস্তের ভাষাও প্রায় ঐ অবস্থারই উপযোগী বলিতে হয়। আমি যখন জানাইলাম যে আমি বহু-ঈশ্বরবাদী হিন্দু নহি, একেশ্বরবাদী ব্রাহ্ম, বিলাতে যাহাদিগকে Unitarian বলে, তখন সে বলিল “ও তাই নাকি, তবে আমার আমরা ঝগড়া করিতেছি কেন? কথাটা আগে বলিলেই ত হুইত” ইত্যাদি। এই সকল কথাবার্তা হইয়া গেলে আমি আলমারী হইতে বই লইয়া দরজার দিকে অগ্রসর হইতেছি, এমন সময় পুনরায় ঐ আগন্তুক Europeanটা আমার সহিত আলাপ জুড়িয়া দিলেন। উঁহার “Do you know me?” এই প্রশ্নের উত্তরে আমি উঁহার দিকে চাহিয়া দেখিলাম পূর্বে উঁহাকে কখনও দেখি নাই, সুতরাং আমি আর কি বলিব, একটু অবাধ ভাবে উঁহার দিকে চাহিয়াই আছি, এমন সময় তিনি নিজেই আত্ম-পরিচয় দিয়া বলিলেন “I am he, your king!!” এই বলিয়া যেন রাগের মাথায় “you bastard” এই গালিও উঁহার মুখ হইতে প্রায় বাহির হইয়া পড়িয়াছিল, কিন্তু আমার চোখের চাহনি দেখিয়া যেন কথাটা সামলাইয়া গেলেন। ঐরূপ পরিচয় দিলেই বা কি হইবে, যে অবস্থায় আত্ম-পরিচয় দিয়া বসিয়াছেন সে অবস্থায় King George বলিয়া উঁহাকে চিনিবে কাহার মাধ্যম! একেবারে সম্পূর্ণ রূপে রাজ-আসবাব ও আড়ম্বরশূন্য এমন একটা লোককে King George বলিয়া চিনিয়া লইতে, এমনত অবস্থায়, আমি কেন, উঁহার আত্মীয় স্বজনগণের পক্ষেও নিতান্ত সহজ হইত কিনা সন্দেহ। সুতরাং আমি যখন কিছুতেই উঁহার উপরিউক্ত আত্ম-পরিচয় যথাযথ বলিয়া স্বীকার করিতে রাজি হইলাম না, তখন যেন বেচারী ভারী ফাঁপড়ে পড়িয়া গেলেন এবং আমি পড়িবার জন্য একখানা বই আনিয়াছি দেখিয়া উঁহারও মর্জি হইল তিনিও একখানা বই লইবেন। এদিকে কেরাণীকে বলিলে কেরাণী বলে “তুমি কে? তোমার আবার বই কি?”



এই লইয়া তঁহা ডর্ক ; তিনি বলিলেন “বাঃ আমার আবার বই কি ! মানে ? এ সবই ত আমার, এ সব আমার নয় ত কার ?” কেয়ালী উত্তর করিল “এ সব নামে তোমার হইলেও উহা এখনকার Lunatic patient দিগের জন্ত, তোমার ব্যক্তিগত সম্পত্তি নহে । তোমাকে কেমন করিয়া এই বই দেখুয়া যাইতে পারে ? তুমি কি এখনকার patient ?” কেয়ালী এইরূপ কথাতে তাঁহাকে বাধ্য হইয়া স্বীকার করিতে হইল, যে হ্যাঁ, তিনিও সেখানকার একজন patient, নচেৎ বই লওয়া চলে না । তিনি সেখানকার একজন patient, এই স্বীকার উক্তিতে কেয়ালীও বই দিতে রাজী হইল এবং আলমারী হইতে যে কোনও একখানা বাছিয়া লইতে বলিল ।

অতঃপর তিনি সোণালী borderযুক্ত ছোট একখানা লাল বই বাহির করিয়া লইলেন । তবে বই খানা যে সত্য সত্যই এক খানা বই, কি মায়ার খেলা ঠিক বলিতে পারিলাম না ; কিন্তু পরে একদিন আমি নিজের সেখানা কি বই জানিবার কৌতুহল সম্বরণ করিতে না পারিয়া আলমারী খুঁজিয়া ঠিক এক আকারের একখানা বই পাই, সে বই খানাতে Russiaর Kronstad নামক সর্কশ্রেষ্ঠ জলদুর্গের (naval fort এর) একটা বিবরণ লিপিবদ্ধ আছে । তিনি সেই বই খানা হাতে লইয়া পাতা উন্টাইতে ২' আমাকে বিজ্ঞাসা করিলেন “you don't believe me ?” অর্থাৎ আমি যে King George একথা তুমি বিশ্বাস করিতে পারিতেছ না ? আমি মাথা নাড়িয়া জানাইলাম “না” । তাহাতে তিনি যেন মহা বিপদে পড়িয়াই বলিলেন “What am I to do to make you believe ?” “তোমাকে কেমন করিয়া বিশ্বাস করাইব ?” এই বলিয়া হুস্মান যেমন আপন বুক চিঁরিয়া রাসলীতা দেখাইয়াছিল, তিনিও যেন ঠিক সেইরূপ আপন বুক চিঁরিয়া তিনি যে George ইহা দেখাইতে চাহিলেন এবং আমিও যেন দেখিলাম তাঁহার বকের ডান পাশে এক খানা সর সোণার chain বাহির হইল,

আমার তাহাতেই যেন বিশ্বাস জন্মিয়া গেল, ও আমি তাঁহার পরিচয় জানিয়া বিস্মিত ও বিমূঢ়ের স্থায় আপন মস্তক অবনত করিলাম। অতঃপর তিনি বলিলেন “আমি তোমাকে মুক্তি দিতেছি, তুমি যদৃচ্ছা গমন করিতে পার।”

আমি দেখিলাম ব্যাপার-মন্দ নয়; আমার নিকট ঐরূপ মৌখিক আদেশ জারির উপর নির্ভর করিয়া যদি আমি যদৃচ্ছা চলিয়া যাইতে চাই, তাহা হইলে assylum এর কর্তৃপক্ষগণ কেমন করিয়াই বা ঐ আদেশ জানিবে ও মানিবে? তাঁহারা নিশ্চয়ই আমার মস্তক-বিকৃতির দোহাই দিয়া যে কল্পিয়াই হোক পুনরায় আমাকে ধরাইয়া আনিবে ও আমার আর “পুনর্মুক্তি কো ভব” বই কোনই গত্যন্তর থাকিবে না। সুতরাং আমাকে একটু সতর্কতা অবলম্বন করিতে হইল এবং তাঁহার কেবল ঐ মুখের কথায় না ভুলিয়া বলিলাম “আপনি মুক্তি দিতেছেন, বেশ কথা, কিন্তু মুক্তি দিতে গেলে তা কেবল মুখের কথায়ই চলিবে না, আপনার লিখিত আদেশ চাই। এইরূপ বলাতে তিনি বলিয়া উঠিলেন “কি! আমার মুখের কথায় চলিবে না!! আমার মুখের কথাই আইন!!! my word is law।” আমি বলিলাম “তা হোক, তথাপি রাজকীয় কার্য-পরিচালনার তা একটা বিধি আছে? সেই বিধিমত আদেশটি প্রচারিত হইলেই হইল।” তিনি বলিলেন “তবে তুমি কি চাও যে আমি নিজে হাতে লিখিয়া তোমার মুক্তির আদেশ জারি করি?” আমি “হাঁ” বলাতে তিনি ভারি অপ্রস্তুতে পড়িলেন, এবং কেমন করিয়া ইচ্ছা হইতে পারে চিন্তা করিয়া, যেন কোনই পথ না পাইয়া বলিলেন “তুমি কে? তোমার পরিচয়?” অর্থাৎ তোমার মৃত লোকের বিষয় যদি ছদ্মবে হাজির করিতে হয় তাহা হইলে আমার এমন কোনও বিশেষ পরিচয় তা চাই যদ্বারা আমি রাজ-সকাশে পরিচিত হইতে পারি, নচেৎ আমার বিষয় উল্লেখ করা যাইবে কেমন করিয়া? এইরূপ আলোচনা করিয়া পরিলেবে যেন আমার

সহিত একটু রহস্য করিবার জন্ত বলিলেন “তুমি আমার দস্তখত চাও ? আচ্ছা, আমাকে কাগজ কলম আনিয়া দাও, আমি দস্তখত করিয়া দিতেছি।” এইরূপ বলাতে আমি নিজে আফিস হইতে কাগজ কলম আনিবার জন্ত যাইতে গিয়া দেখিলাম আমরা উভয়েই আপন আপন দণ্ডায়মান অবস্থাতেই আটকা পড়িয়া গিয়াছি, এক পা ও নড়িবার জো নাই ; সুতরাং কাগজ আনা আর হইল না। কিন্তু তিনি নিজেই বুঝাইয়া বলিলেন যে তিনি যখন কথা দিয়াছেন তখন উহা কার্য্যে পরিণত হইবেই হইবে, তবে কিছু সময় লাগিবে এই য়। তারপর বলিলেন “তুমি Waging of war অপরাধে দণ্ডিত, বর্তমান European war এ ইংলণ্ডের যোগ দিবার মূল কারণ কি, তুমি কি জান ?” আমি জিজ্ঞাসা করিলাম “ইংলণ্ডের যোগ দিবার কারণ কি ?” তিনি হাসিয়া বলিলেন “It is she” অর্থাৎ Queen Mary. কারণ, তিনি হইতেছেন Dutch বংশ সম্ভূতা, তাই তাহার প্রতিবেশী রাজ্য Belgium এর সহায়তার জন্ত তিনিই তাহার স্বামীকে ঐ যুদ্ধে যোগ দিবার জন্ত প্ররোচিত করিয়াছেন; নতুবা King George এর ঐ যুদ্ধে যোগ দিবার কোনই ইচ্ছা ছিল না, সুতরাং সব অনর্থের মূল Queen Mary আর কেহই নহে।

কথাটা কতকটা Adam and Eve এর গল্পের ন্যায় শুনাইল। Adam এবং Eve এর, ভগবান্নির্দেশ অমান্য করিয়া জ্ঞান-বৃক্ষের ফল ভক্ষণ জন্য, যখন জ্ঞানোদয় হইল তখন ভগবান তাহাদের ঐ পরিবর্তন লক্ষ্য করিয়া ক্রুদ্ধ হইয়া উহাদিগকে জিজ্ঞাসা করিলেন “তোমরা এ কি করিয়াছ ?” তখন Adam আপন অপরাধ ফালনের জন্য বলিয়া ফেলিল “আমি কিছুই জানি না Eve আমাকে পরামর্শ দিয়া নিষিদ্ধ-বৃক্ষের ফল খাওয়াইয়াছে”।

অতঃপর হঠাৎ যেন চমকিয়া উঠিয়া গিনি বলিলেন “you see, a meteor is passing through my body” “দেখ দেখ ! একটা উল্কাপিণ্ড আমার শরীরের ভিতর দিয়া চলিয়া বাইতেছে !!!” আমি লক্ষ্য করিয়া তেমন কিছুই

দেখিতে পাইলাম না, তবে দেখিলাম যেন একটা খেত বিন্দু ঠাঁহার শরীরের এক পার্শ্ব হইতে অপর পার্শ্বে চলিয়া গেল। শরীরের ভিতর দিয়া একটা উদ্ধাপিণ্ড চলিয়া যাইতেছে শুনিয়া ভাবিলাম, এ আবার কি তামাসা? ঐ সাড়ে তিন হাতের ভিতর দিয়া আবার একটা উদ্ধাপিণ্ড চলিয়া যাইবে কেমন করিয়া? কথাটা শুনিয়া ত প্রথম হাসিই পাইল, কিন্তু তিনি বলিলেন “তোমার বিশ্বাস হইতেছে না? আচ্ছা ইহার অর্থ পরে বুঝিবে।”

ইহার ঠিক দুই দিন, কি এক দিন পরে আমি একদিন রাত্তিকালে আমার কুঠুরিতে আবদ্ধ আছি এমন সময় দেখিলাম হঠাৎ আমার কুঠুরির সম্মুখ দিয়া একটা উজ্জ্বল উদ্ধাপিণ্ড উত্তর দিক হইতে দক্ষিণ দিকে একেবারে সোজা সরল রেখায় চলিয়া গেল। পূর্বেই আমাদের দেবদেহী রাজা আমাকে বলিয়াছিলেন “I shall take some one, but not you. You are an educated man, and I could talk to you, it must be some one else.” “অর্থাৎ তিনি যখন আবির্ভূত হইয়াছেন, তখন ঠাঁহার গ্রাস তিনি না লইয়া ছাড়িবেন না। সত্য সত্যই দেখা গেল যে দিন ঐ উদ্ধাপিণ্ডটি আমার cell এর সম্মুখে দিয়া চলিয়া যায় সেই দিনই আমাদের Oriminal enclosure হইতে হাসপাতালে ভর্তি একটা লোক মারা গেল। লোকটিকে দেখিয়া, দুই দিন পূর্বেও, সে মারা যাইবে এমন আশঙ্কা বোধ হয় কেহই করে নাই। অতঃপর আমার সহিত এত কথাবার্তার পরেও যেন তিনি তৃপ্তি বোধ করিতে পারিলেন না এবং বলিলেন ‘তোমার সহিত কথা বলিয়া আমার তৃপ্তি বোধ হইতেছে না, কারণ তুমি আমার সমবয়স্কও নহ, সমপদস্থও নহ। যাক, আমি তোমার সমবয়স্ক ও সমপদস্থ আমার একজন প্রতিনিধি পাঠাইব’। এই বলিয়া সেদিনকার কথাবার্তা শেষ হইল ও আমি বই লইয়া আমার স্বহানে প্রত্যাবর্তন করিলাম।

পাঠক নিশ্চয়ই অবগত আছেন যে এতাবৎ যাহা কিছু অতিলৌকিক



ঘটনা লিপিবদ্ধ করিয়া আসিয়াছি, তাহার প্রত্যেকটিই ঘটনাকালে বাস্তব বলিয়া আমার প্রতীতি জন্মিয়াছে ; কিন্তু উপরিউক্ত ঘটনার কয়েক দিন পর, এমনই একটা আশ্চর্য ঘটনা সংঘটিত হইল যে তাহাতেই আমার ভ্রান্তি সম্পূর্ণরূপে দূর হইয়া গেল, বিধার আর কোনই স্থান রহিল না। সেদিন বেলা প্রায় ২½ টা কি ১০টা হইবে criminal enclosure এ আমরা সকলেই আহারের জন্য সমবেত হইয়াছি, অনুমান প্রায় ৫০ জন লোক হইবে, file করিয়া একটা সমতুল্য ভূমির তিন দিক ঘিরিয়া সকলে উপবেশন করিয়াছে, মধ্যে একটা table ও chair, chair এ প্রধান European Sergeant উপবিষ্ট, দ্বিতীয় Sergeant file পরিদর্শন করিতেছে। আমি ঠিক main gate এর ধারে দেওয়াল ঘেঁসিয়া বসিয়া আছি, এমন সময় দেখিতে পাইলাম অবিকল দ্বিতীয় Sergeant এর ন্যায় অপর এক ব্যক্তি বড় ফটক দিয়া ভিতরে প্রবেশ করিল। উহার পরিধান-বস্ত্র, এমন কি মাথার টুপি হইতে আরম্ভ করিয়া পায়েৰ জুতা পর্যন্ত, সবই অবিকল আমাদের দ্বিতীয় Sergeant এর ন্যায়। আমরা ত দেখিয়া সকলেই অবাক। এ পর্যন্ত যতগুলি আশ্চর্য ঘটনা দেখিয়াছি তাহার কোনটাই একরূপ নহে। প্রত্যেক ঘটনার বেলাই লোকের অবর্তমানে অথবা দৃষ্টির অন্তরালে অবস্থান কালে অলৌকিক আবির্ভূত হইয়াছে, সুতরাং অলৌকিককে অলৌকিক বলিয়া চিনিবার আর সুযোগ হয় নাই, তাই প্রত্যেকবারই ভ্রমে পতিত হইয়াছি এবং মনে করিয়াছি উহা সাধারণ লৌকিক ঘটনা বই আর কিছুই নহে। এটার কিন্তু আর সেরূপ ভ্রান্তির কোনই স্থান রহিল না, চক্ষু কর্ণের বিবাদ সম্পূর্ণরূপেই নিরাকৃত হইল।

উপরিউক্ত আগন্তুক আসিয়া প্রথম Sergeant এর টেবিলের সম্মুখে উপবিষ্ট হইলে পর প্রথম Sergeant ব্যাপার বুঝিতে পারিয়া দেখেদেহীর



সম্মান জন্য chair ছাড়িয়া দণ্ডায়মান হইল ও আপন টুপী উত্তোলন করিল। অতঃপর দেবদেহী যেন জেল পরিদর্শন করিতে আসিয়াছে, তাই জিজ্ঞাসা করিল 'all correct?' "সব ঠিক আছে?" প্রথম "Sergeant" উত্তর করিল "all correct Sir" সবই ঠিক আছে"। তারপর প্রথম Sergeant উহাকে প্রশ্ন করিল 'Why do you come here?' "আপনি কেন এখানে আসিয়াছেন?" তিনি বলিলেন "There must be something wrong." "নিশ্চয়ই কিছু গোলমাল আছে।" অতঃপর প্রথম Sergeant প্রশ্ন করিল "Where do you come from?" "আপনি কোথা হইতে আসিয়াছেন?" ইহার উত্তরে তিনি বলিলেন "I come from the other world, I come from planet Mars; you see, my world is dream to you and so is yours, a dream to me. I move in a world exactly similar to yours, I am also second sergeant in Lunatic Assylum M dras. of my planet" এই কথা বলিতে বলিতেই আমাদের দ্বিতীয় Sergeant এর প্রতি তাহার সজ্ঞান নড়ায় তিনি বলিয়া উঠিলেন "you are here?" "তুমি এখানে?" "How is it that you are here while I am here?" "আমি যখন এখানে আছি তখন তুমি কেমন করিয়া এখানে রহিয়াছ?" এই বলিয়া উহার প্রতি তীব্র দৃষ্টিপাত করিতে লাগিলেন এবং আমাদের মনে হইতে লাগিল যেন ঐ দেহে প্রবেশ করিতে চাহিত্তেছেন। তাঁহার ঐ প্রচেষ্টার ফলে আমরা লক্ষ্য করিয়া দেখিলাম আমাদের মানবদেহী দ্বিতীয় Sergeant যেন একেবারে সঙ্কুচিত ও আড়ষ্ট হইয়া পড়িলেন, ঐ দেবদেহীর তীব্র দৃষ্টি ও তাঁহার স্বদেহ-নির্গত তেজঃপুঞ্জ যেন আমাদের মানবদেহীকে একেবারে অভিভূত করিয়া ফেলিল। যদিও তিনি তখনও দণ্ডায়মান অবস্থাতেই রহিলেন তথাপি মনে হয় যাব একটু হইলেই তিনি মূর্ছা যাইতেন। অতঃপর

দেবদেহী বলিলেন “Have you got your scale ready ? you can weigh me, you shall find that I weigh as much as that other man.” “আপনারা কি আপনাদের ভারমান যন্ত্র প্রস্তুত রাখিয়াছেন ? আমাকে ওজন করিয়া দেখিতে পারেন, আমি ওজনে ঠিক আপনাদের মানবদেহীর সমান হইব।” তার পর বলিলেন “Have you got your camera ready ?” “আপনারা কি আপনাদের camera প্রস্তুত রাখিয়াছেন ?” “You could take my photo if you have” “camera প্রস্তুত থাকিলে আপনারা আমার photo লইতে পারেন।” ছুঃখের বিষয় আমরা ঐ সকল যন্ত্রপাতি লইয়া পূর্ব হইতে প্রস্তুত ছিলাম না, তাই আর তাঁহার ওজন অথবা photo কিছুই লইতে পারা গেল না। ইহাতে তিনি যেন কিঞ্চিৎ মনঃক্ষুব্ধ হইয়া বলিলেন “How is it, that you have not kept those things ready ? Did I not keep you previously informed of my coming?” “কেন তোমরা ঐ সকল জিনিষ প্রস্তুত রাখ নাট ? আমি কি তোমাদিগকে পূর্ব হইতেই আমার আগমন সম্বন্ধে জানাইয়া রাখি নাই ?” তাঁহার ঐ কথায় আমার পূর্ব ঘটনা স্মরণ হইয়া গেল এবং দেখিলাম সত্যই ত আমাদিগের, দেবদেহী রাজা পূর্ব ঘটনায় আমাকে এই আগমন সম্বন্ধে বলিয়াছিলেন কিন্তু কবে অথবা কোন সময় ঐ আবির্ভাব হইবে তাহা যথাযথ নির্দেশ করিয়া দেওয়া হয় নাই এবং নির্দেশ করিয়া দিলেও কার্যক্ষেত্রে ঐ কথা আমার স্মরণ থাকিত কিনা কে বলিতে পারে ? যা হোক, ঐ সকল বন্দোবস্ত সম্বন্ধে আপন ক্রটি স্বীকার করিয়া তাঁহাকে জানান হইল যে, সময় যথাসম্ভবরূপে নির্দিষ্ট না থাকায় পূর্ব হইতে আমাদিগের প্রস্তুত হইয়া থাকা সম্ভবপর হয় নাই। এই সকল কথাবার্তা হইতে না হইতেই যেন তাঁহার মর্ত্যলোকে অবস্থান কাল ফুরাইয়া আসিল, আর যেন সেখানে তিনি

তিষ্ঠিতে পারিতেছেন না, তাঁহার শরীরের সমস্ত অল্পপরিমাণ ঘন 'একক্ষণ এই ৩৥ হাতের গাণ্ডীব মধ্যে আবদ্ধ রাখার দৌরাণ্ড্য একেবারে বিদ্রোহী হইয়া উঠিয়াছে; অবশেষ তাঁহার আগমন উপস্থিত সকলের প্রত্যক্ষ হইয়াছে ইহা নিশ্চয়রূপে প্রমাণ করিবার জন্য সকলকে ডাকিয়া জিজ্ঞাসা করা হইল তাহারা তাঁহাকে দেখিতে পাইয়াছে কিনা। উত্তরে সকলেই একবাক্যে স্বীকার করিল হাঁ, তাহারা তাঁহাকে দেখিতে পাইয়াছে। অতঃপর সেখানকার কার্য সমাপ্ত করিয়া তিনি ধীর-পদবিক্ষেপে ফটকের দিক দিয়া বাহির হইলেন এবং এক পাশে ফিরিয়া কয়েকবার হা ৬ পা ছুঁড়িয়া ঝড়ের মত শূন্য বিলীন হইয়া গেলেন। তাঁহার এই অন্তর্ধান আর কেহই দেখিতে পাইল না বটে, তবে আমি ফটকের গা ঘেসিয়া ছিলাম বলিয়া সবটাই আমার নজরে পড়িল।

এই ঘটনার পর বোধ হয় আর কাহারও দেবদেহীদিগের দিবালোক হইতে মর্ত্যালোকে আবির্ভাব সম্বন্ধ কোনও সন্দেহ করিবার কারণ রহিল না। এক্ষেত্রে অতিলৌকিক আবির্ভাবের চূড়ান্ত মিমাংসা করিয়া ঐ সকল পার্থিব-কল্প চাক্ষুষ আবির্ভাব নিবৃত্ত হইল এবং ইহার পর আর ঐ প্রকার চাক্ষুষ আবির্ভাব প্রত্যক্ষ করি নাই। তবে যাহারা ঐ প্রকার পার্থিবকল্প দেহে আবির্ভূত হইয়াছেন তাঁহাদের ও আত্মীয় স্বজনদিগের মধ্যে অন্যান্য অনেকেরই অতি-বাহিক দেহ অথবা বিষদেহ সর্বদাই আমার মানসাকাশ পূর্ণ করিয়া রহিয়াছে, ইহাদের সহিত আমার জীবনস্থরের কেমন যেন একটা অচ্ছেদ্য ও নিত্যকালের মধুর স্থাপিত হইয়া গিয়াছে, যাহার যোগ প্রায় কায়া-চ্ছাদার নায় একেবারেই ঘন-পরম্পর সাপেক্ষ হইয়া পড়িয়াছে। এই বিষদেহীদিগের মধ্যে অনেকেই পার্থিব রাজ্যে জীবিত রহিয়াছেন, আবার এমনও অনেক আছেন যাহাদিগের পার্থিব সত্তা বহুদিন ইহধাম ত্যাগ করিয়া গিয়াছে ইহাদিগের সহিত এইরূপ যোগাযোগের ফলে যেন ইহলোক পরলোকেব ব্যবধান কতকটা স্বীকৃত হইয়া

গিয়াছে বলিয়া মনে হয়। ইহা যেন সেই ত্রেতাযুগে রাবণ যাহা করিতে চাহিয়াছিল, কিন্তু দীর্ঘসূত্রিতা নিবন্ধন করিয়া উঠিতে পারে নাহি, ঠিক তাহাই। আমাদের কল্পনায় “স্বর্গের সিঁড়ি” বলিতে ঠিক এই প্রকারই ইহলোক এবং পরলোকের মধ্যে কোনও যোগাযোগের ব্যবস্থা বই আর কি বুঝিব ?

বলিতে ভুলিয়া গেলাম, পূর্বোক্ত ঘটনার পরেও আরও দুই একটি অতিলৌকিক আবির্ভাব ঘটয়াছিল এবং সে সম্বন্ধেও কিছু বলা আবশ্যিক। একদিন সকাল বেলা আমাদের ফাইল inspection হইবে এইরূপ খবর পাওয়ায় আমরা সকলে সারি বাঁধিয়া দণ্ডায়মান আছি, এমন সময় দেখিতে পাইলাম কয়েক জন European আমাদের Superintendent এর সহিত আসিয়া উপস্থিত। তাঁহারা ফাইলের এক প্রান্ত ধরিয়া সকলকে দেখিতে দেখিতে আসিতেছেন। আমার স্থান ঠিক ফাইলের অপর প্রান্তে ছিল, তাঁহারা যখন সমস্ত ফাইল পরিদর্শন করিয়া আমার নিকটবর্তী হইতেছেন, এমন সময় কে যেন বলিয়া দিল “Prince” এবং তাহার সঙ্গে অপর কটা লোক সম্বন্ধে যেন বলা হইল “ইনি Sir Edward Cairn.” আমি এই কথা মনে মনে আলোচনা করিয়া কোতুলী হইয়া যেমনঃ তাঁহাদের দিকে চাহিয়াছি, অমনি দেখিতে পাইলাম যেন তাঁহাদের মুখের ভাব একেবারে পরিবর্তিত হইয়া গেল। এ পর্য্যন্ত তাঁহারা বেশ অনায়াসেই পার হইয়া আসিয়াছেন, কিন্তু কথায় বলে “All's well that ends well” ফাইলের শেষ প্রান্তে আসিয়া যেন তাঁহাদের আর দমে কুলাইতেছিল না; মুখের ভাব দেখিয়া বেশ বুঝা যাইতেছিল যে তাঁহাদের যেন এক একটা অসহ্য ব্যঙ্গা বোধ হইতেছে, যেন একেবারে দম বন্ধ হইয়া আসিতেছে। আমিও “কোষ্টাইয়া ডোম” নামক অপর একটি অল্পবয়স্ক বালক পাশাপাশি দাঁড়াইয়াছিলাম, এই আগন্তুক পরিদর্শকবর্গের অবস্থা দেখিয়া বেশ স্পষ্ট অনুভব করিলাম যে শুধাকার উপস্থিত জনসমূহের মধ্যে এক প্রকার

বায়ুস্তম্ভ ঘটয়াছে এবং ঐ স্তম্ভন মোচন করিবার কল-কার্সি যেন আমারই উপর স্তম্ভ রহিয়াছে ; সুতরাং আমি যে স্থানে যে ভাবে দণ্ডায়মান আছি যদি সেও তাই থাকিয়া যাই তাহা হইলে পরিদর্শকগণ আর অগ্রসর হইতে পারেন না এবং মহা ফাঁপড়ে পাড়িয়া যান ; কাজেই আপোষ নিষ্পত্তি করিয়া আমাকে কিঞ্চিৎ গাত্রোৎপাটন করিতে হইল । যাই একটু নড়ন চড়ন, অমনি তাহারা যেন পরিভ্রাণ পাইয়া বাঁচিল এবং যে কোনও প্রকারে ঐ স্থান পরিত্যাগ করিতে পারিলেই যেন বাঁচে, তাই একেবারে তাড়াতাড়ি আমাদের পায় হইয়া চলিয়া আসিল । কিছুদূর অগ্রসর হইয়া, যেন কি মনে করিয়া, একবার একটু দাঁড়াইল ও উহাদের মধ্যে বাহাকে Prince বলিয়া আমাদের ধারণা জন্মিয়াছিল সে যেন কাহাকে উদ্দেশ করিয়া “Where are you ?” এই বলিয়া ডাকিল । সে যেন কাহাকে দেখিতে চাহিতেছে বলিয়া মনে হইল । তখন তাহাকে “who are you” এই প্রশ্ন জিজ্ঞাসা করা হইল এবং উত্তরে সে বলিল “I am Wales” । উহার ঐ পরিচয় পাইয়া আমরা বৃত্তিতে পারিলাম যে সে তাহার পিতার খোঁজ করিতেছে ; তাই উহাকে জানান হইল যে তিনি নিকটেই কোথাও রহিয়াছেন ।

তখন কিন্তু আমার সত্য সত্যই ধারণা ছিল যে King George স্বয়ংই Europe যুদ্ধ সংক্রান্ত কোনও ঘটনাবশে আমাদের assylumএ আসিয়া হাজির হইয়াছেন এবং আমার সহিত প্রথম সাক্ষাতের পর আমাদের assylum supdtএর বাংলায় যাইয়া আশ্রয় লইয়াছেন । ক্রমে Queen Mary প্রভৃতি তাঁহার পরিবারের প্রায় তিন চার জনের আবির্ভাব দৃষ্টে অনুমান করিলাম যে তিনি শুধু একা নন একেবারে আপন পরিবারবর্গসহ দেশান্তরী হইয়া আসিয়াছেন । যুদ্ধ এমনই একটা ব্যাপার যে উহাতে একবার লিপ্ত হইলে ভাগ্য-লক্ষী কখন কোন দিকে সুপ্রসন্নী হন তাহার কোনই নিশ্চয়তা থাকে না, এবং সেই জন্যই সেই যুদ্ধে



আমার পক্ষে এমন সকল অসম্ভব কল্পনাও কিছুই অসম্ভব বলিয়া বোধ হয় নাই। অতঃপর Prince আপন পিতার সংবাদ জানিয়া আশ্চর্য হইলে, আমাদিগকে বলিলেন “you see the moon is pulling me”, এই বলিয়া তাহার মাথার পিছন দিককাব চুল ধবিয়া যেন কেহ টানিতেছে এরূপ বুঝাইবার চেষ্টা করিল। আমাদেরও তখন মনে হইল যেন সত্য সত্যই কোনও অদৃশ্য আকর্ষণী শক্তি উহার পশ্চাৎ দিক হইতে কেশ আকর্ষণ করিতেছে।

এই ঘটনার কয়েকদিন পরেই আমি এক আশ্চর্য ব্যাপার লক্ষ্য করি। একদিন বাত্র ৭টা কি ৮টা হইবে, আমি আমার cell এ বসিয়া আছি তখন বেশ পরিষ্কার জ্যোৎস্না উঠিয়াছে এবং আমার কুঠুবী পূর্ব-মুখ হওয়ায় সেখান হইতে বেশ পরিষ্কার চাঁদ দেখিতে পাওয়া যাইতেছিল। কিছুক্ষণ এরূপ ভাবে বসিয়া চাঁদের দিকে চাহিয়া জ্যোৎস্না উপভোগ করিতেছি, এমন সময় বোধ হইতে লাগিল যেন চাঁদ ক্রমশঃই দূরে সরিয়া যাইতেছে, যতই দূর যাইতেছে ততই ক্ষুদ্র হইতে ক্ষুদ্রতর দেখাইতেছে এবং পরিশেষে একেবারেই অদৃশ্য হইয়া গেল। আমি ত দেখিয়াই অবাক। ভাবিলাম তখন মেঘে ঢাকিয়া ফে লগ্নাছে। এরূপ মনে করিয়া কথাটা সপ্রমাণ করিবার জন্য বিশেষ ভাবে লক্ষ্য করিয়া চাহিয়া দেখিতে লাগলাম আকাশে কোনও প্রকার মেঘ আছে কি না, কিন্তু কি আশ্চর্য আকাশে মেঘের চিহ্ন মাত্রও নাই, আকাশ সম্পূর্ণ স্বচ্ছ ও নির্মল! তবে যদিও চাঁদের অর্ক আমার দৃষ্টি গোচর হইতোছে না, তথাপি ইহাও লক্ষ্য করিলাম যে তজ্জন্য জ্যোৎস্নালোকের কোনই হাস ঘটিল না।

তখন এই ব্যাপার অপর কেহ লক্ষ্য করিতেছে কিনা জানিবার জন্ত আমার পাশের কুঠুবীতে যে ছিল তাহাকে ডাকিয়া প্রথমতঃ সে এই ব্যাপার দর্শকে কিছু বলে কিনা দেখিবার চেষ্টা করিলাম, সে বিশেষ কিছু না বলিয়া

কেবল একটু হাসিল মাত্র। অতঃপর পূর্ব ঘটনার দেবদেহী Prince of Wales এর কথা স্মরণ হইল, এবং যুক্তিলাম যে এই ঘটনার পূর্বাভাস তাহার চুল টানাতেই দেওয়া হইয়াছিল। তখন ঐ তত্ত্বে কোনও প্রকার বৈজ্ঞানিক মিনাংনায় উপনীত হইবার চেষ্টা করিতে লাগিলাম। ভাবিলাম হয়ত আমাদের পৃথিবী হইতে কোনও বৃহত্তর জ্যোতিষ্ক চন্দ্রের নিকটবর্তী হওয়ার, চন্দ্রদেব আপন কক্ষ হইতে বিচ্যুত হইয়া ঐ জ্যোতিষ্কের দিকে আকৃষ্ট হইয়াছে; এরূপ জল্পনা কল্পনা করিয়া আপন বিশ্বয়ে আপনি অভিভূত হইতে লাগিলাম এবং ভবিষ্যতে যদি কখনও কারা-মুক্তি লাভ করিয়া বহির্জগতের সহিত মিলিত হইতে পারি, তবে বাহাতে ঐ বিশেষ দিনে জনসাধারণের মধ্যে ঐ ঘটনা কি প্রকার কার্য করিয়াছে জানিতে পারি, এতদ্দক্ষেণে সেই দিনকার বৎসর মাস এবং তারিখ বিশেষ ভাবে স্মরণ করিয়া রাখিলাম।

কারামুক্তি লাভ করিবার পর, একদিন আমার পরিচিত উচ্চশিক্ষিত এক জ্যোতিষী বন্ধুর নিকট ঐ ঘটনার উল্লেখ করি। কিন্তু তাঁহার নিকট ঐ ঘটনার কোনও সম্ভাষণক উত্তর পাইলাম না; তিনি বলিলেন তাঁহারা ঐ প্রকার কোনও ঘটনাই লক্ষ্য করেন নাই। সে বাহা ভোক, এই প্রশ্নের হই প্রকার মিনাংসা সম্ভব হইতে পারে। এক, উহা আমার মস্তিষ্ক ভ্রম; অথবা দ্বিতীয়, সেই রাত্রে সেই সময়ের জন্ত অর্থাৎ যে কয়েক সেকেন্ড চন্দ্রের অর্ক অদৃশ্য হইয়াছিল সেই সময়ের জন্ত হয়ত আমাদের জ্যোতিষীগণ অনামনক হইয়া থাকিবেন; তাই হয়ত কেহ ঐ প্রকার কোনও ঘটনা লক্ষ্য করেন নাই। মস্তিষ্কের ভ্রম স্বীকার করিতে গেলে, ঐ ভ্রম উৎপাদক কোনও কারণ থাকা চাই। যেমন Hypnotism দ্বারা এক প্রকার ভ্রম উৎপাদন করা সম্ভব হইতে পারে এবং সে সম্বন্ধে পূর্বেও একবার উল্লেখ করিয়াছি; কিন্তু সে স্থলেও একজন operator আবশ্যক হয়, নতুবা ঐ ভ্রম উৎপন্ন হইতে পারে না। এ স্থলে আমাদের চন্দ্রমণ্ডল সম্বন্ধে বাহা পরিলক্ষিত হইল তাহা যদি ভ্রম-ধর্মন স্বীকার

করি, তাহা হইলে এ' ভ্রম দর্শন করার কে ? অর্থাৎ এ স্থলে operator কে ? যতক্ষণ পর্য্যন্ত এই প্রশ্নের যথাযথ উত্তর না পাইয়াছি ততক্ষণ উহা ভ্রম বলিয়া কিরূপে স্বীকার করি ? এবং যদি আমাদের পক্ষে এরূপ না-হক ভ্রম-দর্শন সম্ভব বলিয়া স্বীকার করিতে হয়, তাহা হইলে আমাদের বাস্তব জগতের একেবারে মূল ভিত্তিই টলিয়া যায় । তবে এস্থলে উক্ত ঘটনার অনুরূপ আব একটা ঘটনার উল্লেখ করিব বাহার সহিত আমাদের ঘটনার কতকটা সাদৃশ্য আছে বলিয়া স্বীকার করিতে হয় ।

আমাদের ত্রিশুরা জেলার চাঁদপুর সবভিত্তিসনের এলাকার খেঁহরি নামক স্থানে এক প্রসিদ্ধ কালী বাড়ী আছে । প্রবাদ এই যে, সেখানে এক সিদ্ধ-পুরুষ জন্মগ্রহণ করিয়াছিলেন, যাহা হইতে ঐ কালী বাড়ীর এরূপ প্রসিদ্ধি । সেই মহাপুরুষ কোন এক অমাবস্যা নিশীথে আপন স্বজন-পরিবৃত হইয়া উপবিষ্ট আছেন, এমন সময় উহাদিগের মধ্যে কেহ তাঁহাকে জিজ্ঞাসা করিল “আজ কি তিথি” তিনি প্রশ্নের উত্তরে কিঞ্চিন্মাত্রও দ্বিধা বোধ না করিয়া বলিয়া বসিলেন, “আজ পূর্ণিমা” । উত্তর শুনিয়াত সকলেই অবাক্ ! কিন্তু মহাপুরুষ যখন বলিয়াছেন তখন কথা মিথ্যা হইতে পারে না, কিছুক্ষণ পরেই সকলে চাহিয়া দেখিলেন আকাশে পূর্ণ চন্দ্রের উদয় হইতেছে ; ব্যাপার দেখিয়া সকলেই স্তম্ভিত ও আশ্চর্যান্বিত হইলেন এবং তদবধিই সেই মহাপুরুষ সিদ্ধ-পুরুষ রূপে সকলের নিকট পরিগণিত ও সমাদৃত হইতে লাগিলেন । সেই কালীবাড়ীও একটা সিদ্ধপীঠ রূপে খ্যাতি লাভ করিল । যদি অমাবস্যার পূর্ণ চন্দ্রোদয় সম্ভবপর হয় তবে পূর্ণিমার চন্দ্রের তিরোধান সম্ভব হইবেনা কেন ? অবশ্য এই আধ্যাতিকার মূলে কতটুকু সত্য নিহিত আছে সে সম্বন্ধে অনেকেরই হয়ত সন্দেহ হইবে ; কিন্তু যাহা স্বচক্ষে দেখিয়াছি তাহা মিথ্যা বলিয়া কেমন করিয়া স্বীকার করিব ? সুতরাং যদি আমাদের জ্যোতির্বিদ্যা-শাস্ত্র-সম্বন্ধে কোনও নিমাংসায় উপনীত

হইতে পারেন তাহা হইলেই উভয় দিক রক্ষা হয়, অর্থাৎ আমাকেও বিকৃত-মস্তিষ্ক স্বীকার না করিয়া চলে, এবং জ্যোতিষ শাস্ত্রেরপক্ষেও হয়ত কোনও তথ্য লাভ করা সম্ভবপর হইতে পারে।

আমাদিগের আলোচ্য বাহা কিছু লৌকিক অথবা অতিলৌকিক ব্যাপার এখানেই একরূপ শেষ হইয়া আসিল এবং আমারও কারামুক্তির সুযোগ প্রায় সন্নিকট হইয়া পড়িল। সে বাহা হউক, মুক্তির আশ্বাস বাণী শ্রবণ করিবার অব্যবহিত পূর্বে কয়েক মাস কাল আমাকে বড়ই কষ্টে কাটাইতে হইয়াছিল। এই সুদীর্ঘ দ্বাদশ বৎসর কারা-বাসের শেষ ভাগে যেন ক্রমে আমার শরীর মন একেবারে অবসন্ন হইয়া আসিতে লাগিল। রোধ হইতে লাগিল যেন ই দীর্ঘ দ্বাদশবর্ষব্যাপী জীবন-সংগ্রামে জয়লাভ করিবার প্রচেষ্টায় আমার সমস্ত শক্তি একেবারে নিঃশেষে ব্যয় হইয়া গিয়াছে। যদি বিশেষ কোনও অপ্রত্যাশিত সুযোগ না ঘটে, তাহা হইলে সম্মুখে আরও দীর্ঘ আট বৎসর কারাবাস কপালে রহিয়াছে। এই আট বৎসর যেন আপন অন্ধ-তমসার দুর্ভেদ্য আবরণ লইয়া আমার সম্মুখে উপস্থিত, সাধ্য কি উহা ভেদ করিয়া আপন ভবিষ্যৎ রচনা করি! যদি ঐ আবরণ ভেদ করিতে না পারি, তবে ভবিষ্যতের আশা একেবারেই বিলুপ্ত হইয়া যায় এবং আমাকে এই কারাবাসেই ভবলীলা সাজ করিতে হয়। এই প্রকার নিরাশার সর্বগ্রাসী করালচ্ছায়া যখন আমাকে চারিদিক হইতে ঘিরিয়া ফেলিয়াছে এবং আমিও বাধ হইয়া এই কারাবাসেই একদিন জীবন-লীলা সংবরণ করিব একরূপ স্থির করিয়া এক প্রকার নিশ্চিন্ত আছি, এমন সময় সৌভাগ্য ক্রমে, একদিন একটা ক্ষীণ আশার আলোক এই নিবিড় অন্ধকার ভেদ করিয়া কোথা হইতে আসিয়া দেখা দিল এবং আমিও উহাই অবলম্বন করিয়া আশাবিস্ত হইলাম। সেদিন আমার পূর্বাত্যাস বশতঃ Library হইতে একখানা বই আনিতে গিয়াছি, এমন সময় সেখানকার একজন বৃদ্ধ

European patient আমাকে ডাকিয়া জিজ্ঞাসা করিল ‘Hallo! Mr. Dutt, how is that you have not yet been released, while all your other casemen have been released?’ .আপনার সঙ্গীরা সকলে কারামুক্ত হইয়া গিয়াছে কিন্তু আপনাকে কেন এখন পর্য্যন্তও ছাড়া হয় নাই?’ আমি ভাবিলাম ‘তাইত কথাটা কি সত্য, না সে আমাকে লইয়া তামাসা করিতেছে?’ আমি জিজ্ঞাসা করিলাম ‘are you sure that they have been released?’ ‘আপনি কি ঠিক জানেন যে তাহারা ছাড় পাইয়াছে?’ সে বলিল ‘yes I know for certain’ আমি বলিলাম ‘How do you know that?’ ‘আপনি কেমন করিয়া জানিতে পারলেন?’ তিনি বলিলেন ‘I read it in the papers’. ‘আমি কাগজে পড়িয়াছি।’ আমি ভাবিলাম হয়ত হইতেও বা পারে, কারণ তখন আমাকে কাগজ পড়িতে দেওয়া হইত না। তথাপি কথাটা আরও নিশ্চিতরূপে জানিবার জন্ত বলিলাম, ‘Could you show me, the paper?’ ‘আপনি আমাকে কাগজখানা দেখাইতে পারেন?’ তিনি বলিলেন ‘I know you are not allowed to read the papers. I am sorry I could not show you that. But you can take it from me that they have been released on account of the Peace Celebrations.’ ‘আমি জানি তোমাকে কাগজ পড়িতে



এর সহিত সাক্ষাৎ করিব। এই বলিয়া Library হইতে চলিয়া আসিলাম এবং Superintendent 'রোঁদে' বাহির হইলে তাঁহাকে এ বিষয়ের জন্ত প্রার্থনা করিলাম। তিনি আমার প্রশ্নের উত্তরে বলিলেন “যদি তাহাই হয়, তবে তোমাকে কেন ছাড় দেওয়া হইবে না, ইহার কোনই কারণ দেখিতেছি না। তুমি এখানে বেশ নিয়মমত কাজ করিতেছ এবং তোমার ব্যবহারেও সকলেই সন্তুষ্ট; অপর সকলে ছাড় পাইলে, নিশ্চয়ই তোমারও ছাড় পাওয়া উচিত। আচ্ছা, আমি তোমার বিষয় Govt এ লিপিত্তেছি, আশা করি এক fortnight এর ভিতরই জবাব পাওয়া যাইবে, এবং পাইলে তোমাকে জানাইব।” ইত্যাদি প্রকার আলোচনা করিয়া তিনি আমাকে নানা রকমে আশ্বাস দিলেন এবং আমারও মনে কারামুক্তি লাভ করিয়া পুনরায় আত্মীয় স্বজনগণের মুখ দেখিব এমন ভরসা হইল। কিছুদিন যাইতে না যাইতেই সংবাদ আসিল যে আমার কারামুক্তির হুকুম আসিয়াছে এবং আমাকে দুই দিবসের মধ্যেই কলিকাতা রওয়ানা হইতে হইবে। আমি দেখিলাম এত বৎসর মাস্ত্রাজে আছি অথচ মাস্ত্রাজ সত্ত্বে আমার কেনই জ্ঞান নাই বলিলেও অতুষ্টি হইবে না; সুতরাং কলিকাতা রওয়ানা হইবার পূর্বে যাহাতে একবার মাস্ত্রাজ সহরের বিশেষ বিশেষ স্থান সকল একটু ঘুরিয়া বেড়াইয়া দেখিয়া লইতে পারি, তজ্জন্য কর্তৃপক্ষের অনুমতি চাহিলাম এবং কর্তৃপক্ষও নিরাপত্তিতে তাহা মঞ্জুর করিলেন। এতদুপলক্ষে আমাদের Assylum এর bus এ করিয়া আরও কতিপয় পাগল কয়েদী ও একজন Sergeant সহ আমরা সহর পরিদর্শন করিতে বাহির হইলাম। প্রথমতঃ সেখানকার স্থানীয় Meuseum দেখিতে গেলাম। Meuseumটা আমাদের কলিকাতা Meuseum এর তুলনায় অনেক ছোট এবং দেখিবার জিনিষ পত্রের মধ্যেও তেমন উল্লেখযোগ্য বিশেষ কিছুই দেখিতে পাইলাম না। Art Galleryতে কয়েকখানা রবিবর্মার অঙ্কিত তৈল চিত্র বড়ই সুন্দর লাগিল, এবং সুন্দর শিল্পের মধ্যে কয়েকখানি

Pith work শোনার কাজ আশ্চর্য্য শ্রমও অধ্যবসায়ের পরিচায়ক বলিয়া যোধ হইল। Meuseum পরিদর্শন শেষ হইলে আমাদিগকে Bioscope দেখাইবার জন্য লইয়া যাওয়া হইল। সেখানকার Elphinostone Bioscope Company কিছুদিন পূর্ক হইতেই আমাদিগের Lunatic Assylum বাসীদিগের জন্য কিনা পয়সার Bioscope দেখাইবার ব্যবস্থা করিয়াছিল। সুতরাং সেদিন Bioscope দেখিতে আমাদিগের পয়সা কড়ি কিছুই লাগিল না।

Bioscope দেখিয়া সন্ধ্যার সময় আমরা Assylumএ ফিরিলাম এবং পরদিন বৈকাল বেলা আমাদিগের Assylumবাসী সহচরবর্গের ও কর্তৃপক্ষের নিকট বিদায় লইয়া Madras mailএ কলিকাতা রওয়ানা হইলাম। সঙ্গে একজন European Warder ও দুইজন স্থানীয় পুলিশ আমাকে কলিকাতা পর্যন্ত পৌঁছাইয়া দিবার জন্য চলিল। এখানে বলিয়া রাখা আবশ্যক যে মা, বাবা মাদ্রাজে গিয়া আমার সহিত দেখা করিয়া চলিয়া আসিবার পরেও তাঁহাদের আতিবাহিক সত্তা এমনই ভাবে আমার মানস এবং চাক্ষুষ গোচর হইত যে তাহা হইতে আমার ধারণা অন্তিম যে তাঁহারা মাদ্রাজেই রহিয়াছেন। তখনও আতিবাহিকের পক্ষে দেশ কালের ব্যবধান যে আমাদিগের লোকিকের ন্যায় ব্যবধান নহে এই তত্ত আমার নিকট পরিস্ফুটরূপে ধারণার বিষয় হয় নাই। আমি আমাদিগের সাধারণ লোকিক ধারণার বশবর্তী হইয়াই অনুমান করিয়া লইয়াছি যে তাঁহারা মাদ্রাজেই আছেন এবং চলিয়া আসিবার সময় কেবলই আমার মনে হইয়াছে যে, আমি ত কলিকাতা চলিলাম কিন্তু তাঁহারা এই ধরন জানিবেন কি প্রকারে? এবং তাঁহারা কলিকাতায় না থাকিলে কোথায় ঘাইয়া উঠিব ইত্যাদি। এই সকল কথা আলোচনা করিয়া কোনও যথাযথ মিতাংসার উপনীত হইতে না পারায়, আমার সঙ্গী European Warderকেই

প্রশ্ন করিয়া বলিলাম, “আপনি আমাকে কোথায় লইয়া যাইতে চান?” তিনি বলিলেন “কেমন? তোমার মা বাবা কলিকাতায় আছেন, তোমাকে তাঁহাদিগের নিকট পাঠাইয়া দিব।” আমি বলিলাম “বাঃ, তা কেমন করিয়া হইবে? মা বাবা ত কলিকাতায় নাই, তাঁরাত মাদ্রাজে।” তিনি বলিলেন “না, তাঁরা কলিকাতায়ই আছেন, মাদ্রাজে নহে, তুমি ভুল করিতেছ, আমাদের Supdt. এর নিকট তোমার বাবার চিঠি পূর্ব্যস্ত আসিয়াছে। তিনি তোমার খবর প্রায়ই মাঝে মাঝে লইয়া থাকেন।” এই সকল কথাবার্তার পর আমি আর কি বলিব, কোনও উচ্চবাচ্য না করিয়া চূপ করিলাম, ভাবিলান দেখাই যাক, কলিকাতা পৌঁছিলেই সব বুঝা যাইবে।

এইরূপে গাড়ীতে দুইদিন এক রাত্র অনবরত চলিয়া, তৃতীয় দিবস প্রাতঃকালে আসিয়া হাবড়া ষ্টেশনে পৌঁছিলাম। ষ্টেশনে পৌঁছিয়া আমিই পথপ্রদর্শক হইলাম; কারণ আমার সঙ্গে European Warderটা পূর্বে কখনও কলিকাতায় আসে নাই; কাজেই আমাকেই পথ ঘাট দেখাইয়া তাহাকে লইয়া চলিতে হইল। হাবড়ার পোল পার হইয়া ট্রামে চাড়িলাম এবং আমার দ্বাদশ বৎসর পূর্বেকার ধারণানুযায়ী আলিপুর Jailএ যাইবার জন্য Kidderporeএর Ticket করিলাম। খিদিরপুর পৌঁছিয়া সঙ্গে দুইজন পুলিশ ও European Warderকে লইয়া Jail এর দিকে চলিলাম, সেখানে পৌঁছিয়া ত আমি মহা অপ্রস্তুত! যেখানে আলিপুর জেল ছিল সেখানে দেখিতে পাইলাম বড় বড় অক্ষরে লেখা রহিয়াছে “Presidency Jail।” আমার অবস্থা দেখিয়া সঙ্গে লোকেরা মনে করিল তবে বুঝি আমি পথ মোটেই চিনি না, অনর্থক তাহাদিগকে সারা সहर ঘুরাইয়া মারিতেছি। আমি ত ব্যাপারখানা কি বুঝিয়াই উঠিতে পারিলাম না, ভাবিলাম এ আবার কি বিপদ! এতদিন

পরে যে ভোজবাজীর তাত হইতে নিকৃতি পাইলাম বলিয়া মনে করিতেছিলাম, এখানে আসিয়াও কি আবার আমাকে সেই ভোজবাজীর হাতেই পড়িতে হইল না কি। সঙ্গীরা আর আমার কথায় আস্থা স্থাপন করিতে মোটেই রাজী হইল না এবং সোজা সেই Presidency Jail এর ফটকে আসিয়া আলিপুর Jail কোথায়, কি বৃত্তান্ত সব খবর লইয়া সেইদিকে অগ্রসর হইতে লাগিল। Presidency Jail এর ফটকে একজনকে জিজ্ঞাসা করায় জানিলাম যে পূর্বেকার আলিপুর Jailই এখন Presidency Jail হইয়াছে এবং পূর্বেকার Presidency Jailই আলিপুর জেল হইয়াছে, শুনিয়া ত এক মহাসমস্যার মিমাংসা হইয়া গেল ও আমরা নূতন Alipore Jail এর দিকে অগ্রসর হইতে লাগিলাম।

Jail এ পৌঁছিলে পর সঙ্গের সেই European Warder আমাকে সেখানকার Jailor এর জিহ্বা করিয়া দিয়া চলিয়া আসিল, এবং : আমি Jail এর ভিতর প্রবেশ করিলাম। তখন প্রায় সন্ধ্যা হইয়া আসিয়াছে, তথাপি নূতন Alipore Jail এর অবস্থা যাহা দেখিলাম তাহাতে বোধ হইল, এ যেন সেই পূর্বেকার Jail ই নয়, চারিদিকে এত নূতন নূতন ইमारত উঠিয়াছে যে তাহাতে পূর্বে Jail এর চেহারা একেবারেই পরিবর্তিত হইয়া গিয়াছে, দেখিলে ইহা সেই দ্বাদশ বৎসর পূর্বেকার "হরিণবাড়ী" Jail বলিয়া চিনিবে কাহার সাধ্য। যাহা হোক, সেই রাত্র আমার থাকিবার জন্য একখানা কুঠুরী দেখাইয়া দেওয়া হইল, ও আমি সেই কুঠুরী সংলগ্ন লৌহ খণ্ডায় কঞ্চল বিছাইয়া, কেবল কখন রাত্রি প্রভাত হইবে ও আমি ঘরের ছেঁলে ঘরে বাইব এই আশায় কোনও প্রকারে পড়িয়া রহিলাম। পরদিন প্রভাতে উঠিয়া কেবল, এই বৃষ্টি এখনই আমাকে ছাড়িয়া দেওয়া হইবে এরূপ মনে করিয়া বার বার উৎকণ্ঠিত

চিন্তে কেহ আসে কিনা দেখিবার জন্য ক্রমাগত বাহিরের দিকে মুখ  
 বাড়াইয়া আছি, কিন্তু হায় ! ৭টা বাজিয়া গেল, ৮টা বাজিয়া গেল, কেহই  
 আসিল না, পরিশেষে পথ চাহিয়া চাহিয়া একপ্রকার নিরাশ হইয়া আপন  
 খট্টায় বসিয়া পড়িব, এমন সময় দেখিতে পাইলাম একজন European  
 Warder আমার কুঠুরীরদিকে আসিতেছে, ভাবিলাম এষ্টবার বুঝি আমার  
 মুক্তির বার্তা আসিল, কিন্তু পরক্ষণেই বুঝিলাম তাহা নহে, European  
 Warderটা আমার প্রোতরাশ লইয়া, আসিয়াছে মাত্র । এবার আর  
 আমাদের সেই পূর্ব পরিচিত হেমদার গানে ব্যাখ্যাত নিরন্তর অন্ন  
 লপসী-রূপসী নহে ; কুটী মাখন চিনি, পেস্তা, বাদাম, সরষৎ, বড় বড়  
 মর্তমান কলা, একেবারে first class প্রোতর্ভোজ । বিগত দ্বাদশ বৎসরের  
 মধ্যে Jail কর্তৃপক্ষের আমাদের প্রতি ব্যবহারের একরূপ আশ্চর্য্য  
 পরিবর্তন দেখিয়া মনে মনে হাসিলাম, কিন্তু কাহাকেও কিছু বলিলাম না;  
 গম্ভীরভাবে সরকার বাহাদুরের এই সৌজন্যের সদ্যব্যহার করিতে  
 লাগিলাম । আমার ছাড় পাইবার আর কত বিলম্ব, ইত্যাদি প্রশ্ন করার  
 সেই European Warderটির নিকট জানিতে পারিলাম যে আমার এখানে  
 আসার খবর আমাদের বাসায় প্রেরিত হইয়াছে, অনুমান বৈকাল পর্যন্ত  
 বাড়ী হইতে লোক আসিয়া আমাকে লইয়া যাইবে । শুনিয়া কিঞ্চিৎ আনন্দ  
 হইলাম ও সেই Warderকে ধন্যবাদ দিলাম । মধ্যাহ্ন ভোজনের বেলায়ও  
 দেখিলাম, সবই বেশ পরিপাটী, বাড়ীর মত খালায় করিয়া অন্ন ও তাহাতে  
 বাটী বাটী করিয়া সাজান নানাবিধ ব্যঞ্জন । শুনিলাম সেখানে তখন আরও  
 কয়েকজন রাজনৈতিক বন্দী আবদ্ধ ছিলেন, তাহাদের আহারাদির অল্প এই  
 প্রকার ব্যবস্থা, সেই সঙ্গে আমারও “জুটিল ঘৃত আজি পাহ তাতে ।” সে  
 যাহা হোক, বেশ তৃপ্তির সহিত আহার করিলাম, এবং আহারান্তে কিছু বিশ্রাম  
 করিতেছি, এমন সময় আমার ডাক পড়িল, Gate-এ-বাইতে হইবে । তখন



বেশা প্রায় দুইটা কি আড়াইটা হইবে। Gateএ আসিয়াই দেখিলাম, বাবা আমার জন্য অপেক্ষা করিতেছেন, এতদিনের পর এই শুভ সুযোগ লাভ করিয়া আমাদের উভয়ের মনে যে আনন্দের উদয় হইল তাহা আর বোধ হয় কাহাকেও বলিয়া বুঝাইতে হইবে না। পিতৃ-চরণে প্রণাম ও আলিঙ্গনান্তর জানিলাম মাও তাহার সঙ্গে আসিয়াছেন, তিনি নিকটেই গাড়ীতে রহিয়াছেন, স্তব্রাং অনর্থক ব্যাক্যলাপে সময় নষ্ট না করিয়া, বত শীঘ্র সম্ভব বাহির হইতে পারিলেই বাঁচা যায়, তাই বাবা সেখানকার Visitors Book এ তাঁর নাম মস্তখত করিয়া আমাকে লইয়া বাহির হইলেন ও আমি আসিয়া মাতৃ-চরণে প্রণাম জানাইলাম।

এখন উপসংহারে পাঠকবর্গের নিকট আমার এই বিনীত নিবেদন জানাইয়া এই ক্ষুদ্র পুস্তিকা সমাপ্ত করিতে চাই, আমাদের শাস্ত্রে যেমন ষপ তপ মান ধ্যান ইত্যাদি অনুষ্ঠান ও ক্রিয়া কলাপ সম্বন্ধে তাহাদিগের মূল উদ্দেশ্যে সিদ্ধি ব্যতিরহেও আনুসঙ্গিক ফলস্বরূপ নানা প্রকার বাহ্য ফলশ্রুতির উল্লেখ আছে, অথচ ঐ সকল ফলশ্রুতি কামনা করিয়া যেমন কেহই ঐ সকল সদনুষ্ঠানে ব্রতী হয়েন না, তেমনি আমাদের এই ক্ষুদ্র ইতিবৃত্তে যে সকল অত্যাশ্চর্য ও অতিলৌকিক ব্যাপার আমাদের মূল লক্ষ্যের প্রতি অগ্রসর হইবার পথে আনুসঙ্গিক ফল স্বরূপ আমাদের বিশ্বর ও চিন্তচমৎকার উৎপাদন করিয়াছে, আমরা যেন সেই আনুসঙ্গিক ব্যাপার সমূহ দ্বারা আকৃষ্ট হইয়া আমাদের মূল লক্ষ্য হইতে বিচলিত ও বিচ্যুত হইয়া শাস ফেলিয়া খোসা লইয়াই মাতা মাতী আরস্ত করিয়া না দিই, এতছাড়াও আমার পাঠক বর্গের প্রতি এই বক্তব্য, যে কেবল মাত্র তদ্বানুসঙ্গিক বৈজ্ঞানিক দৃষ্টিতে ঐ সকল ব্যাপার সম্বন্ধীয় কার্য-কারণ সূক্ষ্ম উপকৃত রূপ অনুসন্ধান পূর্বক আমাদের জ্ঞান বুদ্ধির পূর্ণতর ও প্রবন্ধতর পুষ্টিসাধনার বাহাতে আমরা পূর্ণতর ও উপকৃততর অধিকারী রূপে

আমাদিগের সমস্ত শক্তির প্রয়োগ দ্বারা মূল লক্ষ্যের দিকে ঈর্ষসূত্র হইতে পারি  
 ভৎপ্রতি দৃষ্টি রাখা আমাদের একান্ত কর্তব্য ; নচেৎ ঐ সকল ঘটনা পাঠে  
 পাঠকবর্গের চিত্ত বিক্ষিপ্ত উপস্থিত হইবার সম্ভাবনা, এবং ভৎফলে আমাকে  
 এই পুস্তক লিখিয়া কোনও উপকার দূরে থাক বরং অপকারই অধিক  
 সাধন করার অপরাধে সাধারণের নিকট কুণ্ঠিত ও সঙ্কচিত হইয়া  
 থাকিতে হইবে। অংশের অনুভূতি দ্বারা যেমন পূর্ণের অনুভূতি অধিকতর  
 পরিষ্কৃত হয়, সূর্যালোকের সপ্তর্ষা বিক্ষিপ্ত দ্বারা যেমন সূর্যালোকের জ্ঞান  
 স্ফূটতর ও বিশদতর আকার প্রাপ্ত হয়, ঠিক ঐ সকল অতিলৌকিক বিক্ষিপ্ত  
 দ্বারাও আমাদের লৌকিকের জ্ঞান পরিষ্কৃত ও পরিমার্জিত হয়। তবে যেমন  
 সূর্যালোকের সপ্তর্ষের সমন্বয়সমূহ খেত রক্ষিই আমাদের ব্যবহারিক  
 প্রয়োজন সাধন পক্ষে সর্বাপেক্ষা অধিক উপযোগী, তেমনই লৌকিক বাস্তব  
 অবস্থান কালীন লৌকিক ও জাগতিক ধর্মপার সমূহই আমাদের সর্বাপেক্ষা  
 অধিক সঙ্গিক ও আপন্য—এই কথাগুলি যাহাতে আমরা ভুলিয়া না যাই সে  
 জন্য উপরোক্ত কয়েকটা বিষয় উল্লেখ করা আবশ্যিক লাগে বলিলাম। ইতি

---

সমাপ্ত।













